


O LE EKALESIA A IESU KERISO O LE AU PAIA O ASO E GATA AI • JANUARI 2016

O Le Liahona




**Howard W. Hunter
Tama, Loia, Fai Musika,
Perofeta, i. 18**

**O Le Mana o le
Tusi a Mamona e Suia ai
Lou Olaga, i. 24, 40, 56, 68, 72**

**Mauaina o se Malamalama
i le Aiga Atua, i. 32**

**O e Tauivi e Fausia Lou Olaga?
Faataitai le Atamamanu
a le Atua, i. 62**

An aerial photograph showing a vast expanse of light brown desert land on the left, transitioning into a vibrant turquoise sea. A small, colorful sailboat is visible in the lower center of the frame, providing a sense of scale to the immense landscape.

Ole gatafale e latatala i Dubai, United Arab Emirates, i le itu i sasae o le Peninsula o Arapi. Sa malaga Liae ma lona aiga i saute mai Ierusalemma i le itu i sisfo o le peninsula.

“O le a ou saunia le ala i o outou luma, e tusa ma tou tausiga o a'u poloaiga; o le mea lea, afai tou te tusaia a'u poloaiga, o le a taitaia outou agai i le laueelele na folafolaina; ma o le a outou iloa ai o a'u lava ua taitia outou.”



O SAVALI

- 4** **Savali a le Au Peresitene Sili:**
O Le Fafia mo i Latou Tatou
Te Alolofa I Ai
Saunia e Peresitene Henry B. Eyring
- 7** **Savali a Faiaoga Asiasi:**
O Le Aiga—O Se Folafolaga
i le Lalolagi

TALA FAAALIA

- 18** **Howard W. Hunter:**
O Lo'u Tama, o le Perofeta
Saunia e Richard A. Hunter
*O vaaiga a se atalii i se peroefeta
o aso e gata ai.*
- 24** **O Le Mana Faaliliu o le Tusi
a Mamona**
Saunia e Elder Kevin S. Hamilton
*E tasi le ki mo le mauaina
o se molimau i le talalelei
a Iesu Keriso.*
- 28** **Sau, Mulimuli Mai ia te A'u:
Aoao Atu o Aoaga Faavae
Autu i le Fale**
Saunia e Alicia Stanton
ma Natalie Campbell
*Manatu mo le aoaoina e uiga i le
autu faalemasina a le autalavou
o se aiga.*

- 32** **Iloaina o le Aiga Atua**
Saunia e Elder Jeffrey R. Holland
*E tatau ona tatou taumafai ina
ia tasi ma le Tama, le Alo, ma le
Agaga Paia, e pei ona tatalo ai
Iesu ia tatou tasi.*

I LE FAAVAA

Luma: Ata pue o Peresitene Howard W. Hunter ma Kathleen ma Anne o fanau teine a ona alo. I totonus o le faavaa pito i luma: Ata na pueina e Abrar Mohsin. I totonus o le faavaa i tua: Ata na pueina e Robert Casey.


MATAGALUEGA

- 8** **Tusigāmanatu o le Konafesi
o Oketopa 2015**
- 10** **O Le Mea Tatou Te Talitonu
i Ai: Matou te Talitonu
i le Faamaoni**
- 12** **O Tatou Aiga, O Tatou Auaiga:
O Lo Tatou Puipuiga Sili mai
Ponokalafi**
Saunia e Kerry Hanson Jensen
- 14** **Ataata: E Le o le Vavega
sa Ma Mananao Ai**
Saunia e Brittany King
- 15** **Auaunaga i le Ekalesia:
Tatalo i Ai**
Saunia e Taryn Taylor
- 16** **Talafou o le Ekalesia**
- 40** **O Leo o le Au Paia o Aso
e Gata Ai**
- 80** **Seia Tatou Toe Feiloai: O Le
Faataoto i le Lulu o le Po**
Saunia e Elder James E. Talmage



44

- 44 O Mea Moni o le Olaga Faaletilo Ua Faaalia Mai**
Saunia e Elder Paul B. Pieper
E tatau ona tatou teena pepelo a Satani ina ia mafai ai ona tatou iloa le atoatoaga o le olaga faaletilo lea e tau atu i le fiafia e faavavau.



- 50 Autu o le Mutuale 2016: Fetaomi Atu i Luma ma le Tumau ia Keriso**
Saunia e Au Peresitene Aoao o Alii Talavou ma Tamaitai Talavou
- 52 O Lea Mataupu ma Lea Mataupu: 2 Nifae 31:20**
- 53 Pepa Lautele o I Ai se Savali: Fetaomi Atu i Luma**
- 54 Aoao e Uiga i le Tama Faalelagi: O se Suesuega o Vaega Illoga O le a le lelei o lou iloaina o lou Tama Faalelagi?**
- 56 Moronae, o Lo'u Tina, ma se Lesona mo Lo'u Olaga**
Saunia e Louisa Hoe
Aoaoina o le talalelei i le fale o se faamanuiaga sili mo a'u.
- 58 O La Tatou Avanoa**
- 60 O Tali mai Taitai o le Ekalesia: Pe faapefea ona Fetaomi Atu i Luma**
Saunia e Elder Neil L. Andersen
- 61 Tuusao i le Mataupu**
- 62 Ia Avea le Atua ma Au Tusiata**
Saunia e David Dickson
E i ai se fuafuaga sili atu ona lelei a le Atua mo lou olaga nai lo le mea e mafai ona e moemiti i ai.



71

- 66 O Tamaiti e Tutu Maualuga: Tutu Maualuga i Itiopia**
Saunia e Amie Jane Leavitt
- 68 Atili Lelei le Faitau i Aso Uma**
Saunia e Marissa Widdison ma Sonia Quenallata
Sa fesoasoani le Tusi a Mamona ia Josefa e aoao ai ia atili lelei lana faitau!
- 70 O Tali mai se Apostolo: E Mafai Faapefea ona Ou Maua Sa'u Lava Molimau?**
Saunia e Elder Robert D. Hales
- 71 O Le Taulaga Anapogi a Uilifoti**
Saunia e Elder Chi Hong (Sam) Wong
Sa lei maua e Uilifoti ni tuge i ni galuega, ae sa manao pea lava o ia e faasoa atu ana mea sa i ai.
- 72 O Loo Aoao Mai le Tusi a Mamona e uiga ia lesu Keriso**
O loo aoao mai e perofeta uma i le Tusi a Mamona e uiga ia Iesu.
- 74 Toa o le Tusi a Mamona: Sa Usiusitai Nifae**
- 75 E Mafai Ona ou Faitauina le Tusi a Mamona**
- 76 Mo Tamaiti Laiti: O Se Malaga i le Vao**
- 79 Itulau e Valivali: E Mafai Ona Ou Filifilia le Mea Sa'o**

O Le Lomiga Faamaonia Faa-Samoa a le Ekalesia
a Iesu Keriso o le Au Paia o Aso e Gata Ai

Susuga a le Au Peresitene Sili: Thomas S. Monson,
Henry B. Eyring, Dieter F. Uchtdorf

O Le Koroma a Apostolo e Toasefululu:

Russell M. Nelson, Dallin H. Oaks, M. Russell Ballard,
Robert D. Hales, Jeffrey R. Holland, David A. Bednar,
Quentin L. Cook, D. Todd Christofferson, Neil L. Andersen,
Ronald A. Rasband, Gary E. Stevenson, Dale G. Renlund

Faatonu: Joseph W. Sitati

Faatonu Lagolago: James B. Martino, Carol F. McConkie

Fautua: Brian K. Ashton, Randall K. Bennett, Craig A.
Cardon, Mary R. Durham, Christoffel Golden, Douglas D.
Holmes, Larry R. Lawrence, Carole M. Stephens

Pule Faatonusili: David T. Warner

Faatonusili o le Lagolago mo Aiga ma

Tagata o le Ekalesia: Vincent A. Vaughn

Faatonusili o Mekasini a le Eklesia: Allan R. Loyborg

Pule o Mea Tau Pisini: Garff Cannon

Pule Faatonutonu: R. Val Johnson

Pule Faatonutonu Lagolago: Ryan Carr

Lagolago o Lomiga: Megan Verloef

Au Tusitusi ma Faatonutonu: Brittany Beattie, David
Dickson, David A. Edwards, Matthew D. Flinton, Lori
Fuller, Garrett H. Garff, LaRene Porter Gaunt, Jill Hacking,
Charlotte Larcabal, Mindy Anne Leavitt, Michael R. Morris,
Sally Johnson Odekerk, Joshua J. Perkey, Jan Pinborough,
Richard M. Romney, Paul VanDenBerghe, Marissa Widdison

Pule Faatonusili Tusiati: J. Scott Knudsen

Faatonusili Tusiati: Tadd R. Peterson

Au Mamanu: Jeanette Andrews, Fay P. Andrus, Mandie
M. Bentley, C. Kimball Bott, Tom Child, Nate Gines, Colleen
Hinckley, Eric P. Johnsen, Susan Lofgren, Scott M. Mooy,
Mark W. Robison, Brad Teare, K. Nicole Walkenhorst

Faatonu o le Puletaofia ma Fatufatuga:

Collette Nebeker Aune

Pule i le Gaosiga: Jane Ann Peters

Au Gaosi: Connie Bowthorpe Bridge, Julie Burdett,
Katie Duncan, Bryan W. Gygi, Denise Kirby, Ginny J. Nilson,
Gayle Tate Rafferty

Tailolomi: Jeff L. Martin

Faatonusili Lolomiga: Craig K. Sedgwick

Faatonusili o le Tufatufaga: Stephen R. Christiansen

Mo le okaina o mekasini, alu i le store.lds.org po o le
Faletu Tototunu i Pesega. Telefoni 64127. Totogi o le
Mekasini: \$0.55 (Samoa) i le kopi. Totogi mo le Tausaga
Atoa \$6.60 (Samoa).

Auinua atu tusitusiga ma faafesili i luga o le

initoneti i le Liahona.lds.org: pe meli mai i le Liahona, Rm.
2420, 50 E. North Temple, Salt Lake City, UT 84150-0024,
USA; po o le i-meli: liahona@ldschurch.org.

O Le Liahona (o lona uiga i le Tusi a Mamona o le "tapasa"
po o se "faatonu") e lomia i le faa-Alepania, Aminia
(Sasae), Pisilama, Palekeria, Kemupotia, Sepuano, Saina,
Kalaotia, Siekislovakia, Tenimakia, Take, Igilisi, Esitonria,
Fit, Finelani, Farani, Sihami, Eleni, Hanikeri, Initu, Iselani,
Initonlesia, Italia, Japani, Kiripati, Korea, Latvia, Litunia,
Malakasa, Maselai, Monokona, Nouei, Polani, Potukale,
Romania, Rusia, Samoa, Saina (ua faafagofieina), Silovenia,
Sipaniolo, Suetena, Swahili, Tagaloka, Tahiti, Tai, Toga,
lukureini, Urutu, ma Viatename. (E eseese lava gagana.)

© 2016 Puletaofia e le Intellectual Reserve, Inc. Ua taofia
aii tatau ura. Lomia i le lunaita Setete o Amerika.

E mafai ona kopu tala ma ata o le Liahona mo le toe
faaaogaina i lotu po o le aiga ae ia le faia ai ni pisinisi. E le
tatau ona kopu ni tala po o ni ata pe afai o faasa mai i le
laia a loa tāua ai le e ona lea faatufugava. Auinua atu fusili
e uiga i le puletaofia e le Intellectual Property Office, 50 East
North Temple Street, Salt Lake City, UT 84150, USA; i-meli:
cor-intellectualproperty@ldschurch.org.

For Readers in the United States and Canada:

January 2016 Vol. 40 No. 1. O LE LIAHONA (USPS 311)
Samoan (ISSN 1045-0947) is published monthly by The
Church of Jesus Christ of Latter-day Saints, 50 East North
Temple, Salt Lake City, UT 84150. USA subscription price
is \$10.00 per year; Canada, \$12.00 plus applicable taxes.
Periodicals Postage Paid at Salt Lake City, Utah. Sixty days'
notice required for change of address. Include address
label from a recent issue; old and new address must be
included. Send USA and Canadian subscriptions to Salt
Lake Distribution Center at address below. Subscription help
line: 1-800-537-5971. Credit card orders (Visa, MasterCard,
American Express) may be taken by phone. (Canada Poste
Information: Publication Agreement #40017431)

POSTMASTER: Send all UAA to CFS (see DMM 707.4.12.5).
NONPOSTAL AND MILITARY FACILITIES: Send address
changes to Distribution Services, Church Magazines,
P.O. Box 26368, Salt Lake City, UT 84126-0368, USA.

Manatu mo Afiafi Faaleaiga

O lenei lomiga o loo aofia ai tusiga ma gaoioiga e mafai ona faaaoga mo afiafi faaleaiga.
O ni faataitaiga nei se lua.



"Sau, Mulimuli Mai ia te Au: Aoao

Atu Aoaoga Faavae Autu i le Fale,"

itulau e 28: O lenei tusiga o loo i ai manatu
mo le aoao atu ma le aoao mai mo autu e
ono. E mafai ona e faaaogaina le manatu
e mo le autu a le autalavou ia lanuari, o le
Aiga Atua, i se afiafi faaleaiga. E mafai foi
ona outou toe ilolioina ia metotia e aoao
mai ai o loo faamatala atu i le tusiga ma
talanoaina pe o le fea e sili ona aoga mo
lou aiga. E mafai ona e valaaulia tagata o
le aiga e faaaoga nei metotia e tapena ai
lesona mo afiafi faaleaiga i le lumanai e
faavae i autu o le talalelei o i lenei tusiga.

"O se Malaga i le Vao," itulau e 76:

Mafaufau e faatulaga se ala i mea faitino
i lou fale, atonu o le toefaatulagaina o
meaafale ma nonoa se manoia mai le isi itu
o le alasavali i le isi itu. Fusia mata o tagata
taitoatasi o le aiga sei vagana ai se tasi o le
a faatonutonuina le vaega o totoe o le aiga
i le auala e ui atu ai. A uma ona talanoaina
lea pe o le a faapefea e le Tama Faalelagi
ona taiala Nifae ma lona aiga i le nuu folafolaina.
Ona mafai lea ona outou talanoaina
ni auala na saunia e le Tama Faalelagi
mo oe ma lou aiga e fesoasoani ai ina ia
outou foi saogalemu atu ia te la.

I LAU GAGANA

O loo maua le Liahona ma isi mea e faaaoga a le Ekalesia i le tele o gagana i le
languages.ldsls.org. Asiasi i le facebook.com/liahona.magazine (e maua i le gagana
Peretania, Potukale, ma le Sipaniolo) e sue ai manatu mo afiafi faaleaiga, fesoasoani,
mo lesona o le Aso Sa, ma tusiga e mafai ona e faasoa atu i uo ma aiga.

AUTU I LENEI LOMIGA

O numera e faasino i le itulau muamua o le tusiga.

Afiafi faaleaiga, 12, 28, 54

Agaga Paia, 4, 28, 32, 50,
52, 70

Agalelei, 18, 71

Aiga, 7, 12, 14

Aiga Atua, 28, 32

Alofa, 4, 32, 50, 52, 60

Amio po o uiga faaalia,
10, 50

Aoao atu, 28

Autalavou, 50, 58

Faaipoipoga, 18, 44

Faamoemoe, 50, 52, 60, 62

Faatuatua, 50, 58, 60,
62, 80

Faitalia, 4, 44

Fanau, 14, 15, 44

Fuafuaga o le faaolataga,
28, 44

Galue, 44

Galuega faafaifeautalai,
12, 58, 66

Hunter, Howard W., 18

Iesu Keriso, 28, 32, 50, 52,
70, 72

Liua, 40

Molimau, 32, 42, 58,
66, 70

Ola faavavau, 50, 52

Olioli, 4, 10

Perisitua, 28, 50

Perofteta, 18, 28

Suesue i tusitusiga paia,
12, 54, 56, 58, 70, 72, 75

Tama Faalelagi, 36, 54, 70

Tatalo, 14, 15

Taulaga, 18, 71

Taulaga anapogi, 71

Tusi a Mamona, 12, 24,
40, 41, 42, 43, 66, 68, 72,
74, 75, 76

Usiusitai, 4, 32, 60, 62,
70, 74

Valaauga, 15



Saunia e
Peresitene
Henry B. Eyring

Fesoasoani
Muamua i le Au
Peresitene Sili

OLE Fiafia MO I LATOU TATOU TE ALOLOFAIAI

Oi tatou uma e mananao i le fiafia mo i latou tatou te alolofa i ai, ma e tatou te mananao foi ia laitiiti lava se tiga mo i latou pe a mafai. A o tatou fiafia i tala o le fiafia—ma le tiga—i le Tusi a Mamona, e gaepu a'e o tatou loto pe a tatou mafaufau i e pele ia i tatou. O se tala moni lenei o se taimi o le fiafia:

“Ma sa oo ina leai se finauga i le laueleele, ona o le alofa o le Atua sa mau i loto o tagata.

“Ma sa leai se mataua, po o ni feeseseaiga, po o ni faanununu, po o ni fiafia, po o ni pepelo, po o ni fasiotiga tagata, po o soo se mea faamataaitu; ma e moni e le mafai ona i ai o ni tagata e sili atu ona fiafia i totonus o tagata uma na foafoa e le aao o le Atua.”

Ona tatou fiafia ai lea:

“Ma sa faamanuiaina tele lava i latou! Aua sa faamanuiaina i latou e le Alii ia latou mea uma na fai; ioe, sa faamanuiaina lava ma faauluolaina i latou seia oo ina mavae atu le selau ma le sefulu o tausaga; ma sa oo ina mavae atu le tupulaga muamua mai ia Keriso, ma sa leai se finauga i le laueleele atoa” (4 Nifae 1:15–16, 18).

E tatalo ia soo alolofa o Keriso ma galulue mo se faamanuiaiga mo isi ma mo i latou lava. Mai tala o le Tusi a Mamona ma, mo le toatele o i tatou, mai o tatou lava aafiaga, ua tatou iloa o le meaalofa o le fiafia e mafai ona maua. Ua tatou iloa ua matai makaina lelei lava le ala i le fiafia. Ua tatou iloa foi o le faatumauina o le fiafia e le faigofie, sei vagana ua, faapei o sa Nifae ina ua mavae le asiasiga a le Faaola, sa nofo ai “le alofa o le Atua” i o matou loto.

O lena alofa sa i loto o sa Nifae ona sa latou tausia le tulafono lea ma mafai ai. O se aotelega o lena tulafono o loo maua i tatalo o le faamanatuga, lea e amata i se aioiga faamomoiloto i lo tatou Tama Faalelagi alofa. Tatou te tatalo ma se loto e tumu i le faatuatua i le, ma faatasi ai ma se alofa loloto mo lo tatou Faaola patino. Tatou te tautino atu ma le loto e ave i o tatou luga Lona suafa, ia manatua o Ia, ma tausi Ana poloaiga uma. Ma le mea mulimuli, tatou te faa-aoga le faatuatua i le Agaga Paia, o le sui lona tolu o le Aiga Atua, ia mafai ona faatasi ma i tatou, molimau atu i o tatou loto i le Tama ma Lona Alo Pele. (Tagai i le MF&F 20:77, 79.)

Faatasi ai ma le mafutaga a le Agaga Paia, e mafai ona suia o tatou loto ina ia tatou mananao ma faaulufale mai le alofa o lo tatou Tama Faalelagi ma le Alii o Iesu Keriso. E faigofie lava le ala e maua ai le alofa o le Atua i o tatou loto e pei foi o le auala e le maua ai lena alofa i o tatou loto. Mo se faataitaiga, e mafai e se tasi ona filifili e le tatalo soo i le Tama Faalelagi pe le totogiina se sefuluai atoa pe taofi le taumamafa i afioga a le Atua pe le amanaiaina e matitiva ma e le tagolima.

Soo se filifiliga e le tausia o poloaiga a le Alii e mafai ona aluese ai le Agaga mai o tatou loto. O le le faia o na mea, e tuuitiitia ai le fiafia.

O le fiafia lea tatou te mananao ai mo e pele ia i tatou, e faalagolago i a latou filifiliga. Po o le a le tele o lo tatou alolofa i se tamaitiiti, se tagata sailiili, po o a tatou uo, e le mafai ona tatou faamalosia i latou e tausi poloaiga ina ia latou agavaa mo le Agaga Paia e pa'i atu ma suia o latou loto.



O lea, o le fesoasoani sili ona lelei e mafai ona tatou tuuina atu o soo se mea e taitai atu ai i latou o e tatou te alolofa i ai ina ia matai-tuina a latou lava filifiliga. Na faia ai e Alema i se valaaulia e mafai ona e ofoina atu:

“Ia outou faamaualalalo outou lava i luma o le Alii, ma valaa atu

i lona suafa paia, ma mataala ma tatalo e lē aunoa, ina ia lē faaososoina outou i luga atu o le mea e mafai ona outou lavatia, ma faapea ona taitaiina ai outou e le Agaga Paia, ma lotomaualalalo ai, agamalu, agamalolo, onosai, tumu i le alofa ma le tali-tiga atoa;

“O le faatuatua i le Alii; ua i ai se

faamoemoe o le a outou maua le ola e faavavau; ua i ai le alofa o le Atua e le aunoa i o outou loto, ina ia mafai ona sii a'e outou i luga i le aso mulimuli ma ulu atu i lona malologa” (Alema 13:28–29).

Ou te tatalo ia talia e i latou e te alofa i ai se valaaulia musuia e filifili le ala i le fafia tumau. ■

AOAO ATU MAI LENEI SAVALI

Ua aoao mai Peresitene Eyring e faapea, o le fiafia tatou te lagonaina i le olaga, e faalagolago i faaiuga tatou te faia. A o outou talanoaina lenei savali, mafaufau e taulai atu i mea o loo ta'ua e Peresitene Eyring e mafai ona tatou filifili e fai (e pei o le tatalo,

galulue, faaaogaina o le faatuatua, ma se tautinoga o i tatou lava ma le faamoemoega tonu) e taitai atu ai i tatou i lena ala o le fafia. E mafai ona e valaaulia i latou e te aoaoina e tusi i lalo se lua pe tolu o gaoioiga e sili atu ona taitaiina ai i latou i “le ala i le fafia tumau.”

Gaoioiga e Taitai Atu Ai i le Fiafia

Ua aoao mai Peresitene Eyring o “le fiafia lea tatou te mananao ai mo e pele ia i tatou, e faalagolago i a latou filifiliga.”

E mafai ona e faitau e uiga i le aafiaga o ni filifiliga e mafai ona e maua mai le faataitaiga a Nifae, Lamana ma Lemuelu. Na muimui Lamana ma Lemuelu ma e lei mananao e tauis poloaiga (tagai i le 1 Nifae 2:12). O se taunuuga, sa fetuuina i la'ua ma a la'ua fanau ma vavae ese mai le afioaga o le Alii (tagai 2 Nifae 5:20–24). Na filifili e Nifae ia usitai i poloaiga (tagai i le 1 Nifae 3:7), ma ona o lena mea, o ia ma lona nuu na “ola e tusa ma le fiafia” (2 Nifae 5:27).



E mafai ona e filifili e amiotonu ma fiafia. Ae atonu o tagata o loo siomia ai oe e le lelei lava filifiliga latou te faia ma o lea e tau atu ai i le faanoanoa ma le le fiafia. E ui o na faaiuga o a latou lava na mea e fai, ae o au faataitaiga e mafai ai ona tosina a latou filifiliga mo le lelei. E mafai faapefea ona aumaia le fiafia i isi ona o au filifiliga? la talanoaina ma lou aiga ni auala eseese e mafai ona e faatosinaina lelei ai i latou o loo siomiaina oe ma fesoasoani ai ia latou maua le fiafia.

TAMAITI

O Le Lu'i o le Agalelei

Ina ua asiiasi atu lesu i tagata i le laueelele o Amerika, na la aoaoina i latou e alolofa le tasi i le isi ma ia agalelei. O le a se mea e mafai ona e faia e mulimuli ai ia lesu ma alofa atu i isi? O ni nai manatu nei. Faailoga lu'i taitasi a o faagasolo.



E mafai ona ou _____ . □

E mafai ona ou ataata atu i se tasi e foliga faasasia. □

E mafai ona ou _____ . □

E mafai ona ou faitau pe matamata i se lauga o se konafesi e uiga i le agalelei. □

E mafai ona ou _____ . □

E mafai ona ou usuina se pese Peraimeri mo lo'u aiga. □

E mafai ona ou _____ . □

E mafai ona ou auauna atu faalilolilo i se tasi. □

Ia suesue ma le agaga tatalo lenei savali ma saili ia iloa mea e faasoaa atu. E faapefea i le malamalamā i le aoaoga faavae o le aiga ona faamanuiatina i latou e te leoleoina e ala i faiaoga asiasi? Mo nisi faamatalaga, alu i le reliefsoociety.lds.org.

O Le Aiga: O Se Folafolaga i le Lalolagi

OLE sauniga aoao a Le Aualofa i le 1995, ina ua faatoa fatauina e Peresitene Gordon B. Hinckley (1910–2008) le “O Le Aiga: O se Folafolaga i le Lalolagi,” Bonnie L. Oscarson, peresitene aoao o Tamaitai Talavou, na saunoa mai: “Sa matou faafetai ai ma faatauaina le manino, faigofie, ma le moni o lenei pepa o faamatalaga o se faaaliga. . . . O le folafolaga i le aiga ua avea ma a tatou fu’ataualuga mo le faamasinoina o filosofia o le lalolagi, ma ou te moli-mau atu o mataupu faavae ua tuuina mai ai . . . ua moni i le taimi nei e pei ona sa tuuina mai ai ia i tatou e se perofeta a le Atua i le toeitiiti atoa le 20 tausaga talu ai.”¹

“Mai le folafolaga i le aiga,” na faaopoopo mai Carole M. Stephens, fesoasoani muamua i le au peresitene aoao o Le Aualofa, “ua tatou aoao mai ai, ‘I le muai olaga, na iloa ma tapuai atalii ma afafine agaga i le Atua o lo latou Tama Faavavau”² . . .

“. . . E taitasi i tatou ma manaomia i le aiga o le Atua.”³

Mafaufau i le Mea Lenei

E faapefea ona avea le “O Le Aiga: O se Folafolaga i le Lalolagi” ma se pepa o faamatalaga mo o tatou aso?



Ua tatou ola i se taimi e tatau ai i matua ona puipuia o latou aiga ma auaiga. “O Le Aiga: O Se Folafolaga i le Lalolagi” e mafai ona taialaina i tatou.

Mau Faaopoopo

Mosaea 8:16–17;
Mataupu Faavae ma Feagaiga 1:38

FAAMATALAGA

1. Bonnie L. Oscarson, “O Tagata e Puipuia le Folafolaga,” *Liahona*, May 2015, 14–15.
2. “O Le Aiga: O se Folafolaga i le Lalolagi,” *Liahona*, Nov. 2010, 129.
3. Carole M. Stephens, “O Le Aiga e Ou Le Atua,” *Liahona*, May 2015, 11.
4. Nicole Seymour, “O Le Aiga: O se Folafolaga i le Lalolagi” ua aulia le Atoaga o le 10-Tausaga, *Liahona*, Nov. 2005, 127.
5. Barbara Thompson, i le *Afafine i Lo'u Malo: O Le Talafaasolopito ma le Galuega a le Aualofa* (2011), 148.

Faatuatua,
Aiga, Toomaga



O Tala Ola

“Fai mai Lee Mei Chen Ho mai le Uarota Tolu a Yuan, Siteki o Tao Yuan Taiwan, o le folafolaga ua aoaoina ai o ia, e fesoasoani i sootaga faaleaiga i le atinaeina o uiga paia e pei o le faatuatua, onosai, ma le alofa. ‘Pe a ou taumafai e faaleleia atili a’u lava e tusa ai ma le folafolaga, ou te mafai ona mauaina le fiafia moni,’ o lana tala lea.”⁴

O Barbara Thompson, sa i ai ina ua fatau mo le taimi muamua lava le folafolaga ma avea mulimuli ane ma se fesoasoani i le au peresitene aoao o le Aualofa, na fai mai: “Sa ou mafau-fau mo sina taimi faapea [o le folafolaga i aiga] e lei faatatau tele ia te au talu ai ona ou te lei faaipoipo ma e lei i ai se fanau. Ae toetoe lava ina pei o le vave o lo’u mafau-fau, ‘Ae e faatatau ia te au. O au o se tasi o se aiga. O au o se afafine, se uso, se uso o se tina, se tausoga, se teine o, ma se afafine o le atalii. . . . E tusa Lava pe na o au se tagata o lo’u aiga o ola, o a’u lava o se tasi o le aiga o le Atua.’”⁵

TUSIGĀMANATU O LE KONAFESI O OKETOPA 2015

"O le mea ua fai atu ai Au o le Alii ua, Ou fai atu ai; . . . pe i lou lava leo po o i le leo o au auauna, ua tutusa lava" (MF&F 1:38).

A o e suesueina le konafesi aoao ia Oketopa 2015, e mafai ona e faaaogaina nei itulau (ma Tusigāmanatu o le Konafesi i lomiga i le lumana'i) e fesoasoani ai ia te oe e suesue ma faaaoga aoaoga talu ai nei a perofeta soifua ma aposetolo ma isi taitai o le Ekalesia.

MATAUPU FAAVAE UA FAAMAMAFAINA

ATA O TAGATA O LOO MAIMODAINA LE KONAFESI I KYIV, UKUREINI, NA PUEINA E MARINA LUKACH




O Le Usiusitai o se Filifiliga

"O le faatuatua i le Alii o Iesu Keriso e le o se mea e mamasagia, e faaopeopea i le ea. O le faatuatua e le faafuasei ona oo mai i o tatou luga, e le tumau foi ia i tatou ona o se tofittuufaasolo. E pei ona fai mai le mau, o le faatuatua 'o le mautinoa . . . , o mea e le o vaaia' [Eperu 11:1]. E faasusulu mai e le faatuatua le malamalama faaleagaga, ma o lena malamalama e iloagofie. O le faatuatua ia Iesu Keriso o se meaalofa mai le lagi lea e oo mai, pe a tatou filifili e talitonu ma pe

a tatou sailia ma pipiimau i ai. O lou faatuatua a le o le tuputupu malosi ae po o le oo ina vaivai. O le faatuatua o se mataupu faavae o le mana, e taua e le gata i lenei olaga, ae i lo tatou alualu i luma pe a mavae le otí. E ala i le alofa tunoa o Keriso, o le a i ai se aso e faasaoina ai i tatou e ala i le faatuatua i Lona suafa. O le lumana'i o lo outou faatuatua e le o se mea na tupu faafuasei, ae e ala i le filifiliga."

Elder Neil L. Andersen o le Korama a Apostolo e Toasefululua, "O Le Faatuatua e Le Tupu Faafuasei, ae e ala i Filifiliga," *Liahona*, Nov. 2015, 65.

FOLAFOLAGA FAAPEROFETA



la Faasusulu Atu Lou Malamalama

"A tatou mulimuli i le faataitaiga a le Faaola, o lo tatou avanoa lenei e avea ai ma se malamalama i olaga o isi, pe o i latou o tagata o lo tatou lava aiga ma uo, tagata i falefaigaluega, pe na ona masani, po o ni tagata ese.

"Ia te outou taitoatasi ou te faapea atu o oe o se atalii po o se afafine o lo tatou Tama Faalelagi. Na outou o mai mai Lona afioaga ia ola i lenei lalolagi mo se vaitau, ma ia avea ma faataitaiga o le alofa ma aoaoga a le Faaola ma ia faasusulu atu ma le lototoa tou malamalama mo tagata uma ia vāai i ai. A faamutaina lena vaitau i le lalolagi, afai na e faia lau vaega, o lou faamanuiaga la o le a matua mamalu i le toefoi atu e mau faatasi ma Ia e faavavau."

Peresitene Thomas S. Monson, "Avea ma se Faataitaiga ma se Malamalama," *Liahona*, Nov. 2015, 88.

MOLIMAU FAAPITOA FOU



"Ou te faafetai mo le Togiola a lo tatou Faaola ma fia pei ai o Alema e alaga atu ma le pu a le Atua."
—Elder Ronald A. Rasband, "Ou te Tu ma Ofo," 90.



"Sa ou maua se uuna-iga manino . . . aua le taulai atu i mea e le mafai ona fai ae ia taulai atu i mea e mafai ona fai. Ou te molimau atu i upumoni manino ma le taua o le tala-lelei." —Elder Gary E. Stevenson, "O Upumoni Manino ma Taua," 92.



"Ma lo'u loto atoa, ou te manao ai ia avea a'u ma se soo moni o Iesu Keriso. Ou te alofa ia te la. Ou te faapelepele ia te la. Ou te molimau atu o loo soifua moni o la." —Elder Dale G. Renlund, "E Ala Mai i Fofoga o le Atua," 94.

TUSIAINA O MEA E TUTUSA

O Le Faamanatuga

E talanoaina i nisi taimi e le tele o failauga autu lava e tasi o le talalelei. O mea nei sa saunoa i ai ni failauga se toatolu e uiga i le faamanatuga:

- "Afai tatou te taumamafa i le faamanatuga i le faatuatua, o le a mafai la e le Agaga Paia ona puipuia i tatou ma i latou tatou te alolofa i ai mai faaosoosoga e oo mai ma le malolosi tele ma le faisoo." —Peresitene Henry B. Eyring, "O Le Agaga Paia e fai ma Au Soa," 104.
- "O le Sapati ma le faamanatuga e matua olioli atili ai pe a tatou sue-sueina ia tala e uiga ia Keriso. I le faia o lea mea, tatou te fatuina ai ni tumasani e fausia ai lo tatou faatuatua ma le molimau ma puipuia ai foi o tatou aiga." —Elder Claudio R. M. Costa, "Latou Te Manatua Pea o Ia," 101.
- "O se taimi taua e fesili atu ai i le Alii "Se a se mea o toe ou te lei faia?" o le taimi tatou te aai ma feinu ai i le faamanatuga. . . . I lea siosiomaga migao, pe a liliu atu o tatou manatu i le lagi, e mafai e le Alii ona fetalai mai ma le agamalu ia i tatou i mea e manaomia ona tatou galulue i ai i le isi taimi e sosoo ai." —Elder Larry R. Lawrence, "Se A se Mea o toe Ou Te Lei Faia?" 34.

O TALI MO OE

E tuuina mai i konafesi taitasi, e perofeta ma aposetolo ni tali musuia i fesili atonu o i ai a tagata o le Ekalesia. Faaaoga lau lomiga o Novema 2015 pe asiasi i le conference.lds.org e sue ai tali i fesili nei:

- Aisea e foliga mai ai e sili atu ona lelei le Ekalesia i nisi o tagata nai lo mo isi? Tagai ia Dieter F. Uchtdorf, "E Aoga!" 20.
- O a nisi o upumoni ma aaoaga faavae e mafai ona taulaina saogalemu i tatou i le Ekalesia? Tagai M. Russell Ballard, "O Le Atua o Loo i le Foeuli," 24.
- Aisea o faatumuina ai tofiga faaleautaitai sinia i le Ekalesia e tamalii matutua? Tagai David A. Bednar, "Ua Filifilia e Molimau Atu i Lo'u Igoa," 128.
- Aisea e manaomia ai ona ou auai i le Ekalesia pe afai ua uma ona ou iloa o au o se tagata faaleagaga e aunoa ma le [Ekalesia]? Tagai D. Todd Christofferson, "E Manaomia i Se A Le Ekalesia," 108.

MATOU TE TALITONU I LE FAAMAOANI

Emasani lava ona maua fautuaga i tusitusiga paia e “fafia” ma “ia outou loto tetele.” Ua ta’u mai e le Alii ia i tatou i le 2 Nifae 2:25, “Ua i ai le tagata, ina ia latou maua le olioli.” O le faamoemoega o lenei olaga o le taitai atu ai o i tatou i le olioli na folafola mai e le Alii.

O le fafia e le faapea o le valea po o le manatu faasamasamaoa i luitau o le olaga. Na faamatalaina e Elder Neal A. Maxwell (1926–2004) o le Korama a Apostolo e Toasefululua o le fafia o “se faatuatuga loloto i faamoemoega o le Atua—e le gata

mo tagata uma, ae mo i tatou o tagata taitoatasi.”¹ E mautinoa lava e oo mai luitau, aua o se vaega masani o le ola faaletino, ae e le tatou ona mamafatu ia i tatou e ala i le lotovaivai ma le faanoanoa. E mafai ona tatou tuu atu lo tatou faalagolago i le Alii ma ia talitonu.

Na folafola mai e Keriso ia i tatou o le a tatou oo i puapuaga, ae sa Ia uunaia mai foi, “Ia outou loto tetele; ua ou manumalo i le lalolagi” (Ioane 16:33). Na aoao mai Peresitene Ezra Taft Benson (1899–1994), aua ua tatou maua le talalelei, “o i tatou

o le Au Paia o Aso e Gata Ai e tatau ona sili ona talitonu ma ia itiiti le lei o se faamoemoe.”²

Tatou te lagona uma le faanoanoa ma le lotovaivai mai lea taimi i lea taimi, ae o le a mafai lava ona tatou loto tetele. Na saunoa mai Elder Richard G. Scott (1928–2015) o le Korama a Apostolo e Toasefululua, “Ou te molimau atu o le faatuatua i le Faaola ma le ususitai i Ana aoaoga, e le uma ai lava le fafia, ae muta le faanoanoa.”³ E mafai ona tatou ola i le olioli ma le iloaina o o tatou “puapuaga e na o sina minute laitiiti” (MF&F 121:7).

A tatou tuu atu lo tatou faalagolago i le fuafuaga a le Atua mo i tatou ma filifili e ola ai ma se uiga faaalia lelei, o le a faamalosia lo tatou gafatia e tau-lima ai luitau o le olaga. O le a faaititia le aafia o i tatou i lo tatou popole ma atugaluga, ma o le a tatou oo i le olioli e finagalo ai o Ia mo i tatou. ■

FAAMATALAGA

1. Neal A. Maxwell, “But a Few Days” (saunoaga i faiaoga o aoaoga faalelotu a le OAE, 10 Sete. 1982), 4.
2. Ezra Taft Benson, “Do Not Despair,” *Ensign*, Nov. 1974, 65.
3. Richard G. Scott, “Mauaina o le Olioli i le Olaga,” *Liahona*, Me 1996, 26.
4. Gordon B. Hinckley, “O Le Sailiga faifai Pea o le Upumoni,” *Liahona*, Ape. 1986, 4.

FILIFILI INA IA FIAFIA




“O le tele lava o le olaga e fuafua i o tatou uiga faaalia. O le auala tatou te filifili e vaai ai i mea ma tali atu ai i isi e tele se eseesege e faia ai. O le faia o le mea sili tatou te mafaia ona filifili lea ia fafia i o tatou tulaga,

e tusa lava po o le a, e mafai ona aumaia ai le filemu ma le faamalieina. . . . E le mafai ona tatou faatonuina le matagi, ae e mafai ona tatou fetuunaia ia la. Mo le fafia atoatoa, filemu, ma le faamalieina, sei o tatou filifilia se uiga faaalia lelei.”

Peresitene Thomas S. Monson, “Ola i se Olaga Faamanuiaina,” *Liahona*, Ian. 2012, 4.

Ua aoao mai tusitusiga paia ma perofeta i tatou i auala e mafai ai ona tatou talitonu faamaoni:

E oo mai le atoatoaga o le moni i le na o le Atua (tagai i le MF&F 101:36). A o tatou liliu atu ia te la, o le a suia o tatou loto.



E faamanuia e le Atua o tatou olaga taitoatasi (tagai i le Salamo 145:9). E mafai ona tatou taumafai ina ia iloa Lona alofa mutimutivale i o tatou olaga.

O le tausisia o lo tatou taulai atu i le Atua e le tupu i se taimi e tasi. E tatau ona faia pea lava pe a le tausia o feagaiga, e pei o le agavaa e aai ma feinu i le faamanatuga i vaiaso taitasi.



O i tatou, e pei o Nifae, e mafai ona fiafia i tusitusiga paia (2 Nifae 4:15–16). O le faiatuaina o afioga a le Atua ma Ana perofeta o le a siitia ai o tatou loto.



Na fautuaina i tatou e Peresitene Gordon B. Hinckley (1910–2008) e “talanoa e uiga i amiolelei a le tasi ma le isi ia sili atu nai lo tatou talanoa e uiga i sese o le tasi ma le isi” ma ia “atili viia ma le agalelei le amiolelei ma taumafaiga.”⁴



O LO TATOU PUPIUGA SILI MAI PONOKALAFI

Saunia e Kerry Hanson Jensen

I se tasi o fuaiupu o se mau, sa ou maua ai le ki i le taumamao ese mai ata ua tuusao mai ia ua foliga mai ua i mea uma.

Sa ma faatau mo ofu a'oga ma la'u tama tama e iva tausaga ina ua suia le ma talanoaga mai se talatalanoaga faasamasamanoa i se fesili e sili ona matuia. "Mama, aisea latou te tuu ai la mea i faamalama o faleoloa uma?"

"La mea" na faasino o ia i ata e le talafeagai sa faaali i faamalama e toetoe o faleoloa uma sa ma ui atu ai. E ui lava o ata faapea sa i ai lava iina, ae sa le tele so'u ano i ai muamua. Ae o le mea moni ua amata ona ano i ai la'u tama matua, o lea na faguai a'u. I le aluga o vaiaso na sosoo ai, sa amata ona ou vaai i nei ata i soo se mea: i le televisi, i le faleoloa, i faleaiga, i faasalalauga na oo mai i le meli. Sa le mafai ona aveesea mai ia te au. O nisi ata sa matua iloagofie ma sa amata ai ona ou lagona le faaletonu, ma sa amata ona tuputupu ae i lo'u loto se lagona faaosofia. E faapefea ona ou puipuia lo'u aiga mai mailei o ponokalafi?

O konafesi aoao uma tatou te faa- logo ai i lapataiga e uiga i lona aafiaga faataumaoi, ma ua tatou iloa e ua aafiai ai. Sa matou muai faia faaeteetega uma i le fale i la matou komepiuta ma

alafaasalalau sa matou faaaogaina iina, ae ua manino lava, sei vagana ua matua tavavaeese a tatou fanau, e foliga mai e leai se auala e matua aloese ai mai le vaai i ata e le manaomia ia e ono taitai atu ai i le fia iloa atili. Pe mata e mafai i le autilo a la'u tama i le faleoloa ona liliu atu i se tauiviga i le olaga atoa ma ponokalafi? Na tuputupu ae lo'u popole i le aluga o lenei faafitauli, ma sa amata ona ou maua se lagona o le leai o se faamoemoe ma le le gafataulimaina o le puipuia o la'u fanau.

Ona oo lea i se tasi aso a o ou faitau i le Tusi a Mamona, sa faafuasei ona ou maua se faamautinoaga i le 1 Nifae 15. O loo faamalamalama ai e Nifae le faaaliga a Liae o le laau o le ola ia Lamana ma Lemuel ina ua la

fesili atu i le uiga o le vaitafe. Ua tali atu Nifae i le fuaiupu 27: "Ma sa ou fai atu ia te i latou o le vai lea sa vaai i ai lo'u tamā o le eleelea lea; *ma sa matua tele lava le tofatumoanaina o lona mafaufau i isi mea sa lē iloa atu ai e ia le eleelea o le vai*" (faaopoopo le faamamafa). Sa taulai atu le mafaufau o Liae i le laau o le ola ma le aveina atu o lona aiga ia aai i ona fua! Na te le i vaai atu lava i le eleelea ona o le mea na ia taulai i ai.

O le tali lena! O le le aumaia o ala faasalalau e le talafeagai i lo tatou fale o se amataga lea, ae o se taumafaiga e sili ona tuusao ma le faautauta e aoao a tatou fanau i le talalelei, o le mea lea e sili ona puipuia ai mai soo se mea e ono mafai ona taitaise atu ai i latou.

Ona o lenei aafiaga i tusitusiga paia, na tonu ai ia i ma'ua ma lo'u toalua o le a toe faaluaina a ma tau-mafaiga i le aoaoina o la ma fanau ma o le a taulai atu la ma vaai i le alofa o le Atua nai lo mea eleelea i le lalolagi. Na uunaia i ma'ua e taulai atu i itu eseese e tolu*:

1. Faateleina a matou lava sue-suega patino o tusitusiga paia ma

Mo i latou o e o loo tauivi ma ponokalafi, o punaoa e mafai ona maua i luga o le uepisiaite a le Eka-lelesia overcomingpornography.org ma i se tusiga talu ai nei na saunia e Elder Dallin H. Oaks, "Faamalo-loina mai le Mailei o Ponokalafi," i le Oketopa 2015 *Liahona*.



faaitiitia le “pisa” i lo matou sio-maga. Faapei o Liae, e tatau ona faatumulia o matou mafaufau i mea lelei ina ia lagonaina ia uunaiga a le Agaga ma tausisi atu ai le taulai i le talanoa o lo matou aiga i le talalelei. Sa ma taumafai ma lo’u toalua e faaalu e le aunoa taimi e talanoa ai e uiga i mea e manaomia faaleagaga e tagata taitoatas i le aiga ma pe mafai faapefea ona foia na manaoga ma fatufatua se fale e mafai ona olaola ai le Agaga.

2. Faia o suesuega o tusitusiga paia sili atu ona anoa. E ui lava e manaomia ai le tele o taumafaiga i le na ona faapotopo o le aiga faatasi i aso uma e faitau tusitusiga paia, ae ua ma taumafai ia tele atu le talanoaina pe a matou faitaua tusitusiga paia. E

fai se eseesege tele o le matutua o le ma fanau, o lea matou te faitaua ai tusitusiga paia ma tamaiti laiti i se taimi mulimuli ane o le aso, ae o tamaiti matutua i le taeao po a o momoe le au laiti, ina ia le tele ai se faalavelave ma tele avanoa e talanoaina ai. E toetoe o aso taitasi uma e i ai lava se talanoaga o mea fou e tutupu e o faatasi ma mau matou te faitauina.

O le tele o taeao e mamao lava mai se mea e mananao ai, ae o le faapalepale ua iloa ai e faalogologo lava tamaiti ma auai mai, e ui o nisi taimi e tele naua ni taumafaiga e tuufaatasia ai tagata uma.

3. Faia o le galuega faafaifeatalai. Pe a tatou molimau atu, e molimau le Agaga o le mea o loo tatou

*Sa taulai atu le mafaufau
o Liae i le laau o le ola ma
le aveina atu o lona aiga e
aai i le fua! Na te le i vaai
atu lava i le eleelea ona o
le mea na ia taulai i ai.*

fai atu ai e moni, ma e tuputupu ae ai a tatou molimau. Ua matou taumafai e faia le galuega faafaifeatalai o se mataupu faaleaiga. Matou te talanoa e uiga i le faasoa atu o le talalelei, ma e matou te valaaulia e le aunoa ia uo i lo matou fale. Matou te faaaogaina foi avanoa uma e aumai ai faifeautalai ma tagata sailili mo se talanoaga faaletalelei. Sa matagofie ni o matou aafiaga ma tagata fou o le Ekalesia ma tagata sailili i lo matou fale, ma ua i ai se uunaiga i le ma fanau a o latou tomanatu i a latou lava molimau ma faalogologo atu i molimau a na faifeautalai.

Ou te matua faafetai lava mo le Tusi a Mamona ma le ala faavavega o se fuaiupu se tasi o tusitusiga paia na tuuina mai ia te au se faa-mautinoaga ma se faatonuga manino mo lo matou aiga. O tusitusiga paia e mafai ona suia moni le fefe ma le leai o se faamoemoe i le mana ma le toofilemu. ■

O le tusitala e alaala i Uosigitone, ISA.

* Atonu e manaomia mai e isi aiga ni itu eseese e taulai atu i ai, e pei o lesona e aoao ai fanau e uiga i ala o faasalalauga, o o tatou tino, ma feusuaga maloloina.

E LE O LE VAVEGA SA MA MANANAO AI

Saunia e Brittany King

O nisi taimi tatou te tatalo ma tatalo seja oo ina tiga o tatou tulivae mo le vavega tatou te mananao ai, peitai ona tuuina mai ai lea e le Atua ia te i tatou o le vavega tatou te manaomia.

ni nai masina ou te faauu ai mai le kolisi ma, sa ou faamoemoe, o le a fanau mai la'u pepe muamua. Sa naunau lava lo'u toalua e pei o a'u e amata ona maua se ma fanau.

E tasi le tausaga, fa masina, tele le mau suesuega pe ma'ito ae leai, e lima suesuega faafuafua ae leai foi, e lua masina faanoanoa sa inuvai ai, ma le afe ma afe o loimata i se taimi mulimuli ane, sa leai se pepe ma sina faamoemoe itiiti mo le afuafuaina faalenatura. Ina ua valaau mai le ofisa o le fomai ma faapea mai e faasino i ma'uia i se fomai faapitoa mo le faafuafuaina, sa ma teena. Ua faama-mafa mai e taulima ai nisi faamatalaga, tatou te manaomia ai se malologa. A e ou te le i tuuina i lalo le telefoni, sa fai mai le tausi soifua, "Telefoni mai pe a i ai sa ouluu vavega."

O vavega, e ofoofogia. E oo mai i ni tulaga tetele ma laiti. E oo mai pe a tatou le faamoemoe e oo mai, ma pe a tatou matua manaomia lava. Ma o nisi taimi tatou te tatalo ma tatalo seja oo ina tiga o tatou tulivae mo le vavega tatou te mananao ai, peitai ona tuuina mai ai lea e le Atua ia te i tatou o le vavega tatou te manaomia.

Mo se taimi umi sa ma tatalo faatauanau ai mo se tamaitiiti, ae sa foliga mai na gugu le lagi. Na iu lava ina oo mai ia te i ma'uia e sese le mea sa ma

tatalo atu ai. E silafia e le Atua po o a faamanuiaga tatou te manaomia ma le taimi tatou te manaomiaina ai. E sila-sila o Ia i le ata tele. Ua ma vaai atu *nei i ai*. O lea na ma suia ai. Ua taofi lo ma tatalo atu mo le mea sa ma mananao ai ae amata ona faapea atu "faafetai."

Le Tama Faalelagi, faafetai atu ia te Oe mo le faamanuiaina o i ma'uia i le tasi ma le isi.

Faafetai atu ia te Oe mo aiga ma uo alolofa.

Faafetai atu ia te Oe mo fanau o loo siomia ai i ma'uia ia e mafai ona ma fiafia ai seia oo ina maua sa ma'uia lava fanau.

Faafetai atu ia te Oe mo fomai ma le saienisi ua mafai ona tatala mai ai mea e aoga ma mea e le aoga i o ma'uua tino.

Ma (o lenei le mea e sili ona faigata ona fai atu ai) faafetai atu ia te Oe mo lenei tofotofoga.

O le lotofaafetai mo le mea tonu ua nutimomoia o ma'uia loto sa fai-gata, ae sa ma iloaina e alofa le Tama Faalelagi ia i ma'uia. O le mea lea e i ai i se vaipanoa o lenei tofotofoga ia faamanuiaga. O le a ma le maua lava ia faamanuiaga pe a ma tuu atu e faato-laloia i ma'uia e le tofotofoga. Nai lo lena, sa ma filifili ia loto faafetai—ma ina ua ma faia, na oo ina manino mai le faamanuiaga:

Sa atili ai ona ma faalagolago i le tasi ma le isi, fefaasoai o ma'uia lagona, ma atili alofa ai le tasi i le isi.

Sa ma faalagolago atili i le Alii ma tatalo atili.

Sa ma latalata atili i le Faaola, lagonaina atili Lona mafuta mai, ma alolofa atili ia te Ia.

Sa ma lagonaina le alolofa o aiga ma uo o e sa tatalo mo i ma'uia.

Ma o le taimi lava na ma aloaia ai nei faamanuiaga uma, sa lofituina i ma'uia i le filemu aupito mama ma le matagofie e lei mafaufauna.

O le leai o so ma'uia aiga po o se fanau i lena lava taimi, e le faapea ai e lei manatu mai le Atua. Sa na ona manaomia lava o lo ma faatuatuaina o Lona taimi, ma sa ma manaomia Lona filemu e faaolaolaina ai lena faatuatuaina. Sa ma manaomia Lona filemu e fusifusia ai o ma'uia loto nutti-momoia ma aumaia ia i ma'uia le faatuatuua e agai atu ai pea i luma.

Filemu o le vavega sa ma manaomia—e le o le vavega sa ma ole atu ai, ae o le vavega sa sili ona ma manaomia. ■

E alala le tusitala i Iuta, ISA.



TATALO I AI

Saunia e Jan Taylor

Sa ou ole atu i le Alii e faasino mai pe faapefēa ona avea au ma se tina e sili atu, ma sa la aumaia ia te au se valaauga e aoao ai au i le auala e fai ai.



Sa ou fai atu i le epikopo e sese le tagata lea ua ia valaauna.

“Ou te le fiafia i fanau a isi tagata, ou te lei aoaoina lava ni tamaiti, ma e le mafai ona ou pese,” sa ou fai atu ai.

“Sister Taylor,” sa ia tali mai, “o le Alii e faagavaaina soo se tasi Na te valaauna. O le a maoae oe.”

Sa fai mai ia te au e mafaufau i le valaauga ona ta’u atu lea ia te ia i le Aso Sa a sau pe ou te taliaina.

“O loo ou taumafai e tausi se onotausaga-le matua, tolu tausaga, ma se pepe,” na ou fai atu ai. “E toetoe lava a le uma se aso i le vaaiga o la’u lava fanau, a o lea ua e manao e tuu mai se isi 40 ou te vaaia ma aoao musika ia te i latou?”

Sa ia tali mai, “Tatalo i ai.”

I lena afiafi sa ou taumafai e faamatala i lo’u toalua, o Mareko, le mafuaga e le lelei ai le valaauga. E mafai faapefēa ona ou galue i le Peraimeri a o lea e le mafai ona avea a’u ma tina sa ou manao ai i la’u lava fanau? O le popolega sa ou mafatia ai mo le tele o masina o lo’u toilalo lea o se tina.

Sa mavae atu le vaiaso ma le faane-nefu, ae o loo alu pea o’u mafauauga

i upu mulimuli a le epikopo. Na iu lava, o le taeao o le Aso Sa i lo’u potumoe, sa ou tootuli ifo ai e tatalo. Sa amata ona tafe ifo loimata i o’u foliga, ae sa faatumulua lo’u loto i se filemu manaia. Na vave ona ou iloa o le mea sa’o o le talia o le valaauga. E ala i le gauai atu i le finagalo o le Alii, na sola ese uma ai le fefe mai lo’u loto.

Ina ua ou ulu atu i le potu o le Peraimeri ina ua maea le sauniga faamanatuga, sa faailoa atu au e le peresitene o le Peraimeri, ma sa usuina e tamaiti se pese e faafeiloai ai au. O le tilotilo atu i o latou mata e tumu i le faamoe-moe, ma le tilotilo atu i la’u tama tama e ono tausaga i le aveolela, sa tonu ai ia te au e avea ma taitai pese e sili o le Peraimeri.

Mai i lena taimi sa ou faaaluina le tele o taimi e aoao ai pese ma saunia lesona. Ou te taina pese o le Peraimeri i le fare, i le taavale, ma pe a savalivali. Sa ou sailili i metotia eseese faafaiaoga ma tuuto atu i le itula i vaiaso taitasi i le faia o pepa e tusi ai ma atiina ae ia taalogā.

A o ou saunia se lesona mo le taimi o pesepesega i se tasi o aoauli i le laulau i le umukuka, sa ou hamuina

le pese “Mana o Tusitusiga Paia.” Sa nofo la’u tama e ono tausaga le matua i le fata ma ai se sanuisi, ma la’u tama e tolu tausaga le matua sa ottoti fasi pepa i ou tafatafa. A o ou hamuina le tali, na faafuasei ona taufafī feei mai la’u fanau:

*O le mana o tusitusiga paia
e puipuia au mai le agasala.*

*O le mana o tusitusiga paia o
le mana e manumalo ai.*

*Mana o tusitusiga paia! Ou te
manaoiaina i aso taitasi*

*O le mana ou te mauaina i
taimi uma ou te faitau ai.¹*

O le taimi lena na ou iloa ai o le valaauga o se tali lea i a’u tatalo. Sa ou fai atu i le Alii e faaali mai ia te au pe faapefēa ona avea ma se tina sili atu ona lelei, ma sa la tuuina mai ia te au se valaauga o le a aoao ai au pe faapefēa a o ou aoaoina musika i la’u fanau.

Ou te matua faafetai lava mo musumusuga a lo’u epikopo ma ana upu alofa: “Tatalo i ai.” ■

E alaala le tusitala i Iuta, USA.

FAAMATALAGA

1. Clive Romney, “Mana o Tusitusiga Paia,” lds.org/callings/primary/sharing-time-music.

TALAFOU O LE EKALESIA

Asiasi i le news.lds.org mo se faaopoopoga o tala fou ma mea e tutupu i le Ekalesia.



Luga: **Malumalu o Initianapolis Initiana; taumatau, mai i luga: Malumalu o Suva Fiti; Malumalu o Mekisiko Aai o Mekisiko; Malumalu o Atenitina Córdoba**



Malumalu o loo Faagaso

I le 2015, na faapaiaina malumalu e lima, e lua na toe faapaiaina, ma le suaina o le eleele na faia mo isi [malumalu] e fa.

Malumalu na faapaiaina i le 2015: Córdoba, Atenitina; Payson, Iuta, ISA; Trujillo, Peru; Initianapolis, Initiana, ISA; ma Tijuana i Mekisiko.

Malumalu na toe faapaiaina i le 2015: Aai o Mekisiko, Mekisiko ma Montreal, Quebec, Kanata. Ua fuafua-ina le toe faapaiaina o le Malumalu o Fiti Suva ia Fepuari 2016.

O le suaina o le eleele sa faia i le 2015: Star Valley, Wyoming, ISA.; Cedar City, Iuta, ISA; Concepción, Chile; ma Tucson, Arisona, ISA.

Na tapunia malumalu o Frankfurt ma Freiberg Siamani mo le faafouga i le tausaga ua te'a, ma o le Malumalu o Jordan River i Iuta o le a tapunia mo le amataina o le faafouga ia Fepuari 2016. O le a faapaia le Malumalu o Provo City Center i Provo, Iuta, ISA, ia Mati 2016.

Ua i ai le Ekalesia malumalu e 148 o loo faagaoioia i le salafa o le lalolagi, ma le isi 11 o loo fausiaina ma le 14 na fofogaina mai ae lei amataina. ■

Puipuia le Saolotoga o Tapuaiga

O i latou o e talitonu, na tuuina mai e le Atua ia i tatou le tomai e filifili ai le mea sao ma le mea sese e tatau ona galulue faatasi e faamalosia le saolotoga e lagolagoina ma faatino talitonuga faalelotu, na saunoa mai Elder Dallin H. Oaks o le Korama a Aposetolo e Toasefululua i se lauga i le Aufono a le Atenitina mo Sootaga Faavaomalo.

"O le faasaoina o le saolotoga o tapuaiga, e faalagolago lea i luga o le malamalama lautele ma le lagolago mo lenei saolotoga taua," o lana tala lea. "E fuafua lava i luga o le tulaga faatauaina a tagata lautele e fesoottai ai i aoaoga o le mea sa'o ma le mea sese i ekalesia, sunako, ma faletapuai. O e talitonu ma e le talitonu e tatau ona maua le fesoasoani ina ia malamalama o le faatuatua i le Atua—na faamanino mai e ui i lea—e faaliliuina aoaoga faalelotu i totonu o le amio pulea lea e manuia ai malo." ■

Elder Dallin H Oaks o le Korama a Aposetolo e Toasefululua na saunoa i le Aufono a le Atenitina mo Sootaga Faavaomalo (CARI) i Atenitina i le aso 23 o Aperila, 2015.



Auai ma le Naunautai

Ole Au Paia o Aso e Gata Ai ua "auai ma le naunautai" (tagai i le MF&F 58:27) i le faia o mea lelei i le lalolagi atoa. O nisi nei o mea na faamamafa mai i le tausaga ua mavae:

- I Honduras, sa galulue autalavou e 600 o le Au Paia o Aso e Gata Ai faatasi ma tagata o nuu ma sui o le falemai ma le militeli i le faamamaina o eria lea e faatosina mai ai namu.
- I Initia, sa valiina e le autalavou o le Au Paia o Aso e Gata Ai ia ala savali ma faamamaina potuaoga i le Aoga Maua-luga o le Malo mo Tamaitai i Hyderabad.
- I Latvia, o tagata o le ekalesia—na laei-inna taoofu o Lima Fesoasoani Mamona ma mitiafu—ma faamama se eria o le alalafaga, ma aoina ni taga e 70 o lapisi.
- I Toga, sa faapotopoto le Au Paia o Aso e Gata Ai ma auina atu le kasava ma le ulu i Vanuatu, e fesoasoani ai i tagata na aafia i le Afa o Pam.
- I Meleisia, na galulue le Ekalesia ma faalapotopotoga a le malo e tuuina atu meafaigaluega o le kukaina ma le teuina o meaai tuu aisa i tagata na aafia i le lologa ma aoao atu i tamaitai le kukaina o meaai e faaaoga ai se meafaigaluega e alu i le eletise ma se ogamu.
- I le Atu Solomona, na fesoasoani tagata e faapipii tane ina ia maua ai le suavai mama mo le tusa ma le 2,000 o tagata.
- I Rusia, sa auai le Au Paia o Aso e Gata Ai i se faamamaina o le alalafaga i le faaiuga o le vaiaso o le Eseta.
- I Take, na auai ai tagata o le Ekalesia i se aufaipese tuufaatasati lea na aofia ai tagata Katoliko, Porotesano ma Musalemi. ■



Mai lugia: Ua auauna atu volenitia i Latvia, o le Atu Solomona, ma Honduras.



Elder Neil L. Andersen faatasi ma le Pulenuu o Ierusalem o Nir Barkat

Elder Andersen i Ierusalem

Older Neil L. Andersen o le Korama a Aposetolo e Toasefululu, a o auai i se konafesi o gafa faavaomalo i Ierusalem, na feiloai ai ma Nir Barkat, o le pulenuu o le aai. Sa latou talanoaina le talafaa-solopito ma gaoioiga a le Nofoaga Autu o le Iunivesite o Polika Iaga i Ierusalem mo Suesuega i Sasa Latalata, lea ua faagaoioia i Ierusalem mo le 27 tausaga, faapea foi ma le galuega a le Ekalesia ina ia faasaoina talafaa-solopito o aiga.

Ua tosina atu i le konafesi o le gafa le faitau selau o tagata auai, e aofia ai ni tagata e tomai faapitoa o talafaa-solopito o aiga ma tagata sailili mai Israelu, i Amerika i Matu, Europa, ma isi vaega o le lalolagi. ■



Howard W. Hunter: O Lo'u Tama, o le Perofeta

Saunia e Richard A. Hunter

(o loo faaalia i le itu tauagavale)

Ua ou talitonu e fuaina alii ma tamaitai i mea latou te faatauaina ma mea latou te naunau e fai e uiga i na mea e faatauaina. E foliga mai o tagata maoae e faia pea lava e le aunoa soo se mea e manaomia ona ola ai i mea latou te faatauaina, e oo lava i se osigataulaga tele. O lo'u tama o se tasi o nei tagata maoae. Sa ou maua le avanoa o le aoaoina o mea ofoofogia mai ia te ia e uiga i le uiga moni o le silisili ese. E lei oo mai ia lesona mai mea sa ia ta'u mai ia te au, ae mai mea sa ia faia ma le tagata sa i ai o ia.

O tala nei e faapupula ai le tulaga o le ola a'e ma lo'u tama: o se loia, o se famusika, o se tausiaiga, o se perofeta—mai na mea uma, o se tagata sa faaalia le agalelei ma naunau e tuuina atu soo se mea mo le Atua ma le aiga.


Ositaulaga mo le Lelei o Lona Aiga

A o ou talavou, sa ou vailili i le falealuga i se tasi aso, ma sa ou tau ai i se faaputuga o atigipusa pefu. Sa ou mauaina se fagufagu, o se pu apamemea, se vaiolini, ma se pu malu. Ina ua uma ona fesili atu i lo'u tama e uiga i ai, sa ou aoaoina ai o nisi nei o mea faifaaili sa ia ilia. Sa i ai sana au faaili a o i le aoga maualuga i Boise, Idaho, ISA. O ia o se fai musika talenia sa matuai fiafia tele i musika ma fatuina ia musika. Sa tata lana faaili i faafiafiaga tetele i Boise ma na oo lava i se vaa folau maimoa sa folau i Asia. Ina ua uma ona masii atu i Kaledonia i Saute, ISA, i le 1928, sa toe faatulagaina le faaili ma sa matua lauiloa lava.

I le 1931, na faaipoipo ai lo'u tina, o Clara Jeffs. Sa mananao e fai sa la'ua fanau. Sa ia lagonaina o le matua manaomia tele i le lalolagi o faafiafiaga sa le ogatasa ma le aiga taua sa ia manao ai. O lea i se tasi aso na ia tuu uma ai mea faifaaili uma i o latou ato ma la'u i luga i le afoaluga. Vagana mo mea faaleaiga e tulagaese, ae na te lei toe ilia lava.



*E masani ona
fai mai e uo
ni fesili se lua:
“Na faapefea le
avea o se atalii
o se perofeta ma
tuputupu ae
faatasi ai ma
se alii maoa'e?”
ma “Pe e te
matuai manatu
o lo outou tama
o se perofeta a
le Atua?”*



Ou te lei iloaina lava le tele o lenei osigataaulaga vagana ai i se taimi mulimuli ane. I le 1993 na siitia atu mai i lona aiga i le Aai o Sate Leki, Iuta, ISA, i se fale mautotogi i le taulaga i le Aai o Sate Leki, e lata i lona ofisa. I le taimi o le masii atu, na matou toe tau ai foi i mea fafaaili. Sa ou fesili atu ia te ia pe manao e foai i le Ekalesia aua o se vaega taua i lona olaga talavou. O lana tali na ou matua ofo ai: "E lei oo i le taimi. E le mafai ona ou tuuveseesea ma a'u i le taimi nei." E ui lava ina iloa e Tama na te le toe ilia lava, ae sa faigata ona



ia mafaufau e lafoai.

O iina na ou iloa ai le tele o se osigataaulaga sa ia faia.

Atiina ae se Tautinoga i le Talafaasolopito o Aiga

Ina ua uma ona faaipoipo o'u matua, o se tasi o vala-auga muamua o lo'u Tama o le faiaoga i se vasega o talafaasolopito o aiga. O le taimi lea na ia matua tautino atu ai ia lava i le faia o galuega o talafaasolopito o aiga. Sa i ai i lana kalena i le ofisa loia le tele o afiafi na maka ai le alu i le faletusi i Los Angeles e fai suesuega mo gafa. Na amata ona ia saunia ia pepa e ta'i ono futu le uumi (1.8 m) o gafa faaleaiga, lea na ia tuufaatasia i ni tusi tausiu mautu.

E aoina mai foi e Tama ia faamatalaga ma faafesootai i o matou aiga. Na ia auina atu le fiaselau o tusi i ona aiga pe a ia maua i latou. Sa ia faafefilogia a matou tafaoga faaleaiga i ni asiasiga ma ni tausoga, olomatutua, ma toeaiina o matou aiga. O iina sa ou aoao mai ai mea lelei e mafai ona fai pe a e ositaulagaga ina se aso manaia o tafaoga.

Faaalia o Lona Uiga Toa i le Aoga Faaloia

Ina ua ou fanau mai, sa faitau e lo'u tama se tusi e uiga i uili ma molimau i le potu faatalitali o le falemai. Sa tonu ia e ia e aoga faaloia ina o faigalulega o ia faatasi ma loia i le Los Angeles Flood Control District i Kalefonia i Saute.

O se tagata o le aiga, ma sa manatu lo'u tama e sili ona



“O le aiga o le iunite aupito tava i le olaga nei ma i le faavavau ma, ona o lea tulaga, e sili mamao atu ai nai lo isi lava mea e fiafia i ai o le olaga.”¹

lelei lona lagolagoina o le aiga pe afai o ia o se loia. Peitai, o le i ai o se toalua, ma se fanau e toalua, ma se galuega faasoloatoa, sa ia iloa e tatau ona a'oga ma suesue i le po.

Mulimuli ane, ina ua ou aoga foi au i le aoga faaloia, sa ou taumanatunatu ai pe na faapefea ona faia e lo'u tama. Sa ou fesili atu, “O a taimi na e moe ai?” Sa ia fai mai sa ia suesue i le mea e gata mai ai lona mafai, ma a oo ina matua e le mafai ona ia toe suesue, ona moe lea pe tolu i le fa itula. Na faifai pea lena mea mo le lima tausaga. Sa ou maofa i lona lototoa.

Faaaluina o Taimi faatasi ma Ona Atalii

E pisi tele le olaga o Tama, ae na te faaavanoaina lava sona taimi mo lona aiga. A o ou avea ma se Tama Sikauti, sa fuafua le matou au e o i lalo o le Vaitafe Rogue i Oregon, ISA, i vaafaafolau sa matou fausia e i matou lava. Sa ofo mai lo'u Tama matou te o e ui e le o ia o se tagata-moe-i ni tolauapiga. Sa ma faaaluina le tele o itula e galuue faatasi ai i le fausiaina o le ma vaafaafolau nofoa-lua.

E lei umi, a ua ma i ai i luga o le vaitafe. Sa ou nofo i le pito i luma, ae nofo Tama i tua. A o ma folaulau atu i le vaitafe, e lei umi ae ma aga atu i afu e sili ona matautia.

Sa magoto tele ifo le taumua o le ma vaa i le vai i le ta'e o afu ma sa'e ai, ma felafoai atu ai i ma'ua i le galua o le vaitafe. Sa ou ea a'e i luga ma vaa atu mo lo'u Tama ae sa le mafai ona ou iloa atu o ia. Na iu ina maunu a'e o ia i luga, ma tuupipisi, ma sa mafai ona ma faasagatonuina le vaa ma toe tulioso ai i totonu. A o lei mafai ona ma oo i le paumatu sei iloilo ai le mea ua tupu, sa toe faataafea atu i ma'ua e le vaitafe i le isi vaega aave tele. Sa lei i ai so ma taimi e toe faatulaga ai le vaafaafolau ae faataavili i ma'ua e se taaviliga faaariosio, ma tapili atu ai i maua i se aave umi agai i tua ma sa le mafai ona taofiofa.

Nu iu lava ina ma toe foi i le tolauapiga i lena afiafi faatasi ai ma isi Sikauti. Sa faamatala mai e Tama le tala auiliili ia Iopu. Mai mea na tutupu i le aso ma le tala ia Iopu, sa

matou aoaoina ai e le faigofie i taimi uma le olaga. O le taeao na sosoo ai, nai lo le toe foi atu i le fale, sa toe oso Tama i si o ma tamai vaa ma ma o loa. O lenei aafiaga na aoao mai ia te au pe avea o se alii maoae e na te faatauaina lona aiga.

Tausiga o Lona Faletua

I le 1970 na ma'i ai lo'u tina i se gasegase matuia sa le mafai ai e ona alatoto ona fafaga lona faiai. O ia o se tamaitai e ese le atamai, tausaafia, ma le lalelei ma ona mata e feilafi. Ae i le isi 13 tausaga, na faiifo ai lona tulaga. Na pei o le leiloa atu o se uo lelei o sia mea itiiti ma sia mea itiiti.

Sa tulai mai le tama e avea ma le e tausia muamua o ia [tina]. I le taimi muamua sa ia faia ni osigataulaga laiti ina ia lagolelei o ia ma fiafia. Sa ia saunia ana mea e ai, usuusu pese atu ia te ia, ma uu lona lima. Peitai, a o faagasoal pea aso, na oo ina faigata le tausiga o lo'u tina ma ua tele ina faaletino. Atonu ai sa matua faigata mo Tama.

Ina ua atili faaletonu le tulaga o lo'u tina, sa oo foi ina i ai le popolega i le soifua maloloina o lo'u tama. Sa ou i ai iina ina ua ta'u atu e le fomai ia te ia ua manaomia e lo'u Tina le tausiga atoa a se nofoaga ua i ai le tomai faatausi soifua. E ono maliu ai o ia pe afai e tumau pea ona ia tuuina atu le tausiga o loo manaomia e ia [tina], ona leai lea o se isi e tausia o ia.

Mo masina e 13 mulimuli o le ola o lo'u tina, sa asiasi atu ai lo'u Tama ia te ia i le nofoaga tausi soifua i aso uma sa lei alu ai i sona tofiga faale-Ekalesia. Sa lei toe iloa o ia e [lo'u tina], ae sa leai se eseesega o lena mea i [lo'u tama]. Sa ia talanoa atu ia te ia e pei o la lava e lelei mea uma. Ou te vaaia o ia pe a foi mai i sana asiasiga i se konafesi faalesiteki i se nuu mamao. E matua le lava lava. Ae o le mea muamua lava na te faia pe a taunu mai o ia o le alu e vaa'i Tina, e aumaia po o le a lava le fiafia na te mafai.

Sa tausia e lo'u tama ia lo'u tina i le mea silisili sa ia mafai. Sa ou aoaoina ai le anoanoai o mea e uiga i le ositaulaga mai le matauina o ia o tausia lo'u tina.

*"Ua ou talia e aunoa ma le faatuai, le vala-auga . . . ua e tuuina mai ia te au, ma ua ou naunau e tuuto atu lo'u ola ma a'u mea uma i lenei galuega."*²

Faia o Osigataaulaga mo Lona Valaauga

Sa lagona e tama o lona valaauga o se Apo-setolo o se mea e faamuamua atoatoa—ma mo se mafuaga lelei. E na o sina vaega toaitiiti o alii e ta'ua o molimau faapitoa e taitaia le galuega a le Atua i le lalolagi, ma e le mafai ona ave so latou aso malolo, po o se tausaga.

O le faataunuina o lona tofiga sa sili atu ona taua i lo'u tama e oo lava i lona soifua maloloina. Na tuua e Tama i le Alii e toe faafou lona tino (tagai i le MF&F 84:33). Sa ia fesili mai i se tasi taimi ia te au ma te o i se konafesi faarisone i Pale. Sa mafaufau lona fomai e tatau ona le tele ni aso e malaga ai ona o le tulaga lamatia o le tino o Tama i le fealuai, ae na ma felelei sa'o lava i Pale. Sa toetoe ina a le mafai ona pupula o'u mata, ae na alu atu ma le malosi



ia Tama e taitai ia fonotaga, faatalanoaga, ma siitia isi.

I le pulapula lagoto o lona soifua, sa tele taimi e matua tigaina ai o ia. Ou te le'i iloa e mafai e le tino o le tagata ona onosaia ia ituaiga o tiga. "Tama," sa ou fesili atu, "e te manatu sa tatou matuui alalaga fiafia i le i ai o se tino faapenei?" Ma se talitonuga mautu sa ia tali mai, "Ioe." Ona ia faaopoopo mai lea ma sina tausua, "ou te le o mautinoa pe a tatou iloa le tala atoa."


Faaali atu le Agalelei

Na faataua e tama le agalelei. Na ia tautala ma le pule tatau a se tagata agalelei. Sa lauiloa o ia ma faaalaoalogia e tuaoi, aiga, uo, tagata na ia tautuaina, o uso faigaluega, ma tagata o le Ekalesia, o se alii agalelei.

Ou te le manatuaina se taimi i lo'u tuputupu ae na ia soona faia ai au pe agaleaga mai. E tusa lava pe na tatau ona ou maua se tali matuia, sa ia taulimaaina mea taitasi e ala i le aoao mai ae le o le faasala. Ma te talanoaina pe aisea na sese ai le mea sa ou faia ma pe o le a foi le mea e tatau ona ou faia ai. Ia te au, sa aoga lena mea—pe o le mea foi lea sa momoria.

Sa avea lo'u tama ma se epikopo o le Uarota o El Sereno ia ua faatoa tau amata le Ekalesia i le eria a Los Angeles, Kalefonia. O loo talanoa

pea lava tagata o le uarota e uiga i lona agalelei ia i latou ma o latou aiga. I se tasi Aso Sa sa lei i ai Tama i le sauniga a le au perisitua. Sa mafaufau tagata uma po o le a le mea na tupu ia te ia. Mulimuli ane sa latou iloa ai e iai se tasi o ositaaulaga sa i ai se faaletonu na tuai ai ona



ala ma sau i le sauniga. O lea na ia faia ai le fonotaga a le korama ona o lona agalelei i le potumoe o le ositaaulaga.

O se tasi o a'u uo i le aoga maualuga o se tagata e tulaga ese i se tulaga gafatia tele, ae sa popole o ia e uiga i le toe foi atu i le kolisi ina ua mavae lona tausaga muamua ona o le totogi. Sa iloa e lo'u tama lona atugaluga ona ia valaaulia lea o ia e alu atu i lona ofisa. I le faaiuga o le talanoaga, na ia tuuina atu ai se siaki ia te ia ua uma ona saini e mafai ai ona toe foi o ia i le aoga.

Sa i ai se isi a'u uo i le aoga maualuga i le Siteki o Pasadena a o avea Tama ma pere-sitene o le siteki. Sa alu o ia i le Iunivesite o Polika Iaga. Ao i ai i se malaga e fai ma sui o le aoga, sa aafia o ia i se faalavelave tau taavale matautia ma na togafitia ai i se falemai i Las Vegas, Nevada, ISA. Ina ua iloa e Tama lona tulaga, sa tietie atu o ia i le 270 maila (435 km) mai Los Angeles i Las Vegas e vaai ia te ia ma momoli atu alofaaga ma le faamalosiauga.

Ou te le iloa pe fia galuega faapenei o le agalelei sa faia e lenei Tama. Na te le talanoa mai lava ia i matou po o se isi lava e uiga i ai. E masani lava e le faia lena mea e tagata agalelei.

Sa ou aoaoina e uiga i nisi o nei galuega agalelei e ala i tusi na ia teuina mai tagata o e na tusi atu ia te ia i le agaga faafetai. O lenei tusi o se ituaiga masani o tusi na ia mauaina mai: "Ona o le popole tele sa ou tusia ai e uiga i le ma teine ulumatua. . . .

Na e faaaluina se taimi ma le naunau alofa e valaaulia ai o ia lua te talanoa, ma tuuina atu ia te ia le numera o lau telefoni. Sa ofo ma maofa o ia ona o sa e silafia e agavaa o ia. O lena valaauga o se tulaga moni lea na suia

ai lona olaga." Ona ta'u mai lea i le tusi lona toe foi mai i le Ekalesia, o lona faamauga i le malumalu, ma lona olaga fiafia ma le faama-nuiaina. "Ina ua uma ona faitau lau sauno-agia [e uiga i le agalelei i le konafesi aoao ia Oketopa 1994] sa maligi o'u loimata ina ua ou iloaina sa e faia i le tele o tausaga le mea ua e fautuaina nei i matou uma e fai."

O Lo'u Tama, o se Perofeta a le Atua

Sa talitonu Tama ia Iesu Keriso. Sa ia faia ia faigofie mo au ona talitonu foi ia Keriso. Sa ou vaaia le mea e faia e se tagata e talitonu ia Keriso ma e faapei o Ia. Sa ou lagonaina le filemu ma le faamoemoe ma le olioli lea e mafua mai i lena ituaiga o olaga.

O le fesili mulimuli lenei: "E te manatu o lou tama o se perofeta moni a le Atua?" Sa faigofie i taimi uma ona ou tali i lenei fesili. Ou te le manatua lava se taimi i le olaga faaletagata o lo'u tama, aiga, galuega, po o le soifuaga i le Ekalesia e mafai ona taitai atu ai a'u faapea sa lei agavaa o ia. Ae e ese mai nai lo le talitonu na valaauna moni o ia o se sui o le Atua i Ana fanau uma i le lalolagi. Ua ou iloa o ia o se perofeta a le Atua, ae e lei oo mai lena malamalama i le iloaina o ia, vaavaai atu i ana faataitaiga, po o le ootia i mea sa ou vaai ia te ia o fai ma tautala mai ai. E fesoasoani na mea. Ae o lena malama-lama na tuuina atu ia te au o se meaalofa o le alofa mutimutivale o le Atua lava lea e tasi na valaauna o ia. ■

E alala le tusitala i Iuta, ISA.


FAAMATALAGA

1. Aoaoga a Peresitene o le Ekalesia: Howard W. Hunter

(2015), 221.

2. Aoaoga: Howard W. Hunter, 243.

3. Aoaoga: Howard W. Hunter, 1.



*"Ou te fia valaa-
liaina tagata uma
o le Ekalesia ina ia
ola ia matua gauai
atili atu i le soifuaga
ma faataitaiga a le
Alii o Iesu Keriso, ae
maise o le alofa ma
le faamoemoe ma le
agalelei sa Ia faa-
alia. Ou te tatalo ina
ia tatou taulimaina
isi ma le agalelei
tele atu."³*



Saunia e Elder
Kevin S. Hamilton
O Le Fitugafulu

OLE Mana Faaliliu OLE TUSI A MAMONA

E tulaga lelei upumoni uma o le talalelei pe a oo ina tatou iloa o le ma'a'au'au o la tatou molimau—o le Tusi a Mamona—e moni.

Tle avea ai ma se tama talavou, sa ou fafia lava e faatu le tomino i ni laina uumi ma ni mamanu lavelave ona tulei lea o le tomino muamua. O le taunuuga le motu o le a afua ai ona palalasi atu isi tomino, faasolosolo seia pa'ia le i'uga o le laina. E tele itula e alu ai i le faatutuina ma le faaeteete o tomino ina ia manaia le vaavaai atu o pauu i lalo.

O se molimau i le Tusi a Mamona o se tasi o laasaga muamua i le mauaina o se molimau e uiga i le talalelei a Iesu Keriso. E faapei ona matua'ia e le tomino muamua ona faapalalasi isi tomino e sosoo ai, afai foi e muamua ona tatou iloa e moni le Tusi a Mamona, ona mafai foi lea ona tatou iloa o Iesu Keriso o lo tatou Faaola ma le Togiola, o Iosefa Samita o Lana perofeta lea na faatino ai le Toefuataiga, ma o Le Ekalesia a Iesu Keriso o le Au Paia o Aso e Gata Ai o le Ekalesia moni a Iesu Keriso ua toefuatai mai ma le mana ma le pule i le lalolagi i ona po nei.

O le Tusi a Mamona e Totonugalemu i la Tatou Savali

Na saunoa mai Iosefa Samita e uiga i le Tusi a Mamona, “Na ou tauina atu i le usoga o le Tusi a Mamona o se tusi silisili ona sao i tusi uma lava o i le lalolagi, ma o le maa autu o la tatou ekalesia, ma e sili atu ona latalata le tagata i le Atua e ala i le usitaia o mataupu o le Tusi a Mamona, nai lo se isi lava tusi.”¹



Na aoao atili mai e Iosefa e totonugalemu i lo tatou faatuatuaga, talitonuga, ma molimau. "A aveese le Tusi a Mamona ma faaaliga, o fea la le tatou tapuaiga?" na ia fesili ai. "E leai se mea."²

O le matagofie o le savali o le talalelei e faapea e mafai e i tatou taitoatasi ona iloa mo i tatou lava e moni le Tusi a Mamona.

I le avea ai o se peresitene o le misiona i Farani, Peleseuma, ma Netalani i ni nai tausaga ua mavae, sa ou maua le avanoa ma faamanuiaga o le faatalanoaina o tagata taitoatasi mo le agavaa ina ia papatisoina. O le a le galolava ia te au le faatalanoaga ma se tasi o tuafafine.

I le taimi o la matou faatalanoaga sa ou fesili ia te ia pe faapefea ona ia iloa e moni le Ekalesia. Sa ia tago ifo i lana ato ma aumai i fafo se tusi faavaa vaivai ua masaesae ma faitauina lelei o le Tusi a Mamona. Sa ia tatalaina le tusi i le 3 Nifae 27 ma faamalamalama mai o le mataupu muamua lenei sa valauliaina o ia e faifeatalai e faitau. Sa ia fai mai a o amata ona faitau, sa matua ootia o ia i le mea sa ia faitauina ma le Agaga sa ia lagonaina. Sa matua lofituina o ia e le agaga o le Tusi a Mamona ma sa ia tago i se penitala mumu ma amata ona vasevase ia upu sa uunaia malosi ai o ia.

Ona ia faaali mai lea ia te au lana kopi o le Tusi a Mamona, o tatala i le 3 Nifae 27. Toeitiiti lava o upu uma i lena mataupu na faailogaina i le lanumumu.

"O le mafuaaga lena ua ou talitonu ai," o lana tala lea. "O lenei tusi e tautala mai ia te au i se auala e le mafai ona ou faafitia. Ou te iloa e moni, ma ou te iloa e moni Le Ekalesia a Iesu Keriso o le Au Paia o Aso e Gata Ai."

Sa papatisoina o ia ma avea o se tagata faamaoni o le Ekalesia.

O Le Faatomuaga i le Tusi a Mamona

O le faatomuaga i le Tusi a Mamona tatou te maua ai se mamanu lea tatou te mafai ona iloa mo i tatou lava e moni le savali o le talalelei. O le faatomuaga "sa lomia muamua i le lomiga o le 1981 o le Tusi a Mamona. O loo folasia mai ai le Tusi a Mamona i le au faitau o ona po nei e ala i le tuuina mai o faamatalaga o le talaaga ma se faamatalaga e uiga i le tusi."³

E amata le folasaga i le tauina patino mai ia i tatou pe o le a le Tusi a Mamona: "O se voluma o tusitusiga paia e faatusatusa lea i le Tusi Paia. O se faamaumauga o fega-legaleaiga a le Atua ma tagata anamua o Amerika ma o

*Pe a tatou mauaina se molimau paia mai
le Agaga Paia e moni le Tusi a Mamona,
e mafai ona tatou iloa lelei mo i tatou lava
o Iesu o le Keriso, o le Faaola o le lalolagi.*

loo i ai le atoatoaga o le talalelei tumau-faavavau." Tatou te aoao ai "na tusia e le tele o perofeta anamua e ala i le agaga o valoaga ma faaaliga" i luga o papatusi auro, ma sa otootoina "e se perofeta-tusitalafaasolopito e igoa ia Mamona."

Ua tatou iloa ai foi o "le taualuga o mea na tutupu i le Tusi a Mamona o le galuega patino a le Alii o Iesu Keriso ia sa Nifae ina ua mavae Lona toetu mai. E aumai ai ia aoaoga faavae o le talalelei, otooto atu ai le ata o le faaolataga, ma ta'u atu i tagata le mea e tatau ona latou faia e maua ai le filemu i lenei olaga ma le faaolataga e faavavau i le olaga a sau."

O se tasi o mea aupito sili ona ttau e mafai ona tatou aaooina mai le Tusi a Mamona o le moni o le Ekalesia ua toefuatai mai e Iesu Keriso e ala mai ia Iosefa Samita.

O loo valaaulia i tatou i le faato-muaga "e faitau le Tusi a Mamona, ia mafaufau loloto i ai i o latou loto le savali o i ai, ona ole atu lea i le Atua, le Tama Faavavau, i le suafa o Keriso pe ua moni le tusi." Ua folafola mai ia i tatou e faapea "o i latou o e e mulimuli i lenei ala ma ole atu i le faatuatua, o le a latou maua se molimau i le moni ma le paia o le tusi e ala i le mana o le Agaga Paia. (Tagai Moronae 10:3–5.)"

O loo mulimuli mai ai le isi folafolaga lenei: "O i latou o e e mauaina lenei molimau paia mai le Agaga Paia o le a foi mai i le iloa e ala i le mana lava lea e tasi lea o Iesu Keriso o le Faaola o le lalolagi, o Iosefa Samita o Lana talifaaaliga ma o le perofeta i nei aso e gata ai, ma o Le Ekalesia a Iesu Keriso o le Au Paia o Aso e Gata Ai o le malo a le Alii e toe faatuina i le lalolagi, e saunia le Afio Mai Faalua o le Mesia."

Mafaufau i ai! E mafai ona tatou iloa moni mo i tatou lava:

- O Iesu o le Keriso, o le Faaola o le lalolagi, ma le Togiola o tagata uma.
- O Iosefa Samita o se perofeta moni. Na ia ta'u atu le mea moni. Na ia vaai i mea na ia fai mai sa ia vaai i ai ma faalogo i upu na ia fai mai na faalogo i ai.
- O le Ekalesia lea a toefuatai mai e Iesu Keriso e ala mai ia Iosefa Samita o "le ekalesia moni ma ola e tasi i le lalolagi atoa" (MF&F 1:30). O le Ekalesia a Iesu Keriso. O loo i ai upu moni, mana, pule, ma sauniga. O loo taitaina patino e le Alii ma le Faaola o Iesu Keriso e ala i perofeta soifua.

E mafai ona tatou iloa nei mea uma pe a tatou iloa e moni le Tusi a Mamona. O loo i ai le mana faaliliu ma le faatalitouina.

O La'u Molimau i le Tusi a Mamona

A o avea o se faifeautalai talavou sa faamisiona i Farani, sa ou manao ia iloa e a'u lava ia e moni le Tusi a Mamona. Na ou talitonu e moni. Na faamoemoe e moni. Na ou alu lava foi i se misiona ma le faatuatua e moni. Ae peitai, a o ou galue i le aso ma lea aso i le avea ai ma se faifeautalai ma ta'u atu i tagata i le mea sili sa ou mafaia i si a'u faa-Farani utiuti e faapea sa i ai sa'u molimau i le tusi, ae sa ou matuai le i *iloa* moni lava mo au lava ia.

Sa malulu si o matou faletotogi itiiti i Farani i saute ma susu i le taumalulu muamua. O taeao uma ma afiafi, a o lei amatalia galuega ma pe a maea foi i le aso, ou te faapupuu ai i se palanikeke ma se ofutele e faitau ma suesue la'u Tusi a Mamona. Sa ou iloaina le folafolaga a Moronae,



*O se tasi o mea aupito sili ona ttau e
mafai ona tatou aaooina mai le Tusi a
Mamona, o le Ekalesia na toefuatai mai
e Iesu Keriso e ala mai ia Iosefa Samita
e moni ia.*



afai ou te faitau, mafaufau loloto, ma tatalo, e mafai foi ona ou iloa. Sa alu aso ma vaiaso o'ou faitaufina, ae leai lava se mea na tupu. E leai se malamalama, e leai se agelu, e leai se leo—e leai se mea sei vagana ai se lagona o le filemu a o ou faitaufina.

Sa faaaauau pea ona faitau ma vasevase fasifuaitea anoa ma tatalo ina ia iloa e moni le Tusi a Mamona. Na iu lava ina oo mai le vavega. E pei ona faamatalaina e Elder David A. Bednar o le Korama a Apostolo e Toasefululua, sa pei o le oso ae o le la nai lo le faafuasei ona ki o se moli.⁴ Sa amata ona faamalamalamaina lo'u mafaufau ma lo'u loto e se malamalama. Sa amata ona ou vaai i le Tusi a Mamona i se itu e ese. O fuaitau sa ou faitaufina muamua ua amata ona fou so latou uiga ia te au. O le auala sili e mafai ona ou faamatalaina ai le aafiaga o le faapea atu na amata ona faamalamalamaina lo'u mafaufau.

Ina ua mavae ni vaiaso ma masina, e mafai ona ou faapea atu, na oo ina ou mautinoa atili nai lo se isi lava mea sa ou iloaina o le Tusi a Mamona o le afioga a le Atua. Na oo ina ou iloa sa tusia ma teuina mo o tatou taimi ma sa

aumaia e avea o se molimau mamana ia Iesu Keriso ma Lana Ekalesia. O le unaiga na oo mai pea lava pea ia te au e ala i le leo o le Agaga, “e moni, e moni, e moni uma lava.”

Fa sefulu tausaga mulimuli ane, o loo i ai pea lena molimau ia te au. Ua tele taimi ou te faitaufina ai le tusi a mamona, ma o taimi taitasi uma—i taimi uma lava—ou te toe faalogo ai lava i upu “E moni.” Ua aumaia ai ia te au le faamautinoaga o Iesu Keriso o lo'u Faaola ma o lenei mea o Lana galuega maoae o le faaolataga.

E pei lava o le tomino sa ou fafia e taalo ai i lo'u tamaitiiti, ia e pauu uma i lalo pe a ou tuleia le maa muamua, e faapea foi ona tulaga lelei upu moni uma o le talalelei pe a oo ina tatou iloa o le maaauau o la tatou molimau—o le Tusi a Mamona—e moni. ■

FAAMATALAGA

1. Iosefa Samita, i le folasaga i le Tusi a Mamona; tagai foi i le *Talafaasolopito o le Ekalesia*, 4:461.
2. *Aoaoga a Peresitene o le Ekalesia: Iosefa Samita* (2007), 196.
3. *Book of Mormon Teacher Resource Manual* (2004), 19.
4. David A. Bednar, “O Le Agaga o Faaliga” *Liahona*, Me 2011, 87–90.



O LE TOTONU-GALEMU O LE TOEFUATAIGA

“O le Tusi a Mamona o le totonugalemu o le Toefuataiga. Na tusia, faasaoina, ma auina mai i lalo o le taitaiga a le Alii. Na faaliliuina ‘e ala i le meaalofa ma le mana o le Atua.’ ”

Peresitene Russell M. Nelson o le Korama a Apostolo e Toasefululua, “Pu'e le Galu,” *Liahona*, Me 2013, 47.

SAU, MULIMULI MAI IA TE A'U:

Aoao Atu Aoaoga Faavae Autu i le Fale

Saunia e Alicia Stanton
ma Natalie Campbell

Ao nonofu i lalo i le afiafi faaleaiga, e amata e le tina i le fesili atu i lana fanau e toalua, “O Anafea na e lagonaina ai le taialaina e le Agaga?”

Sa tomumu lana tama teine e 17 tausaga le matua, “Ua tolu a'u lesona e uiga i le Agaga i le masina lenei.

“Lelei, o lona uiga o le a tele ni mea e te faasoa maiā,” o le tali atu lea a lona tama. Sa leai se pisa a o faatalitali ma le onosai ia Tina ma Tama a o mafaufau le la fanau e uiga i le fesili.

Mulimuli ane, na faasoa mai e lo la atalii e 14 tausaga se aafiaga mai le aoga i lena aso.

“Ioe,” le tali a lona tina, “ua faamanatu mai ai ia te au ia Nifae sa mulimuli i le Agaga ina ua ia le iloa pe faapefea ona maua mai papatusi mai ia Lapana.”

Sa faasoa mai e lana tama teine lona mulimuli i se uunaiga e talanoa i se teineititi sa nofo na o ia i le pasi. Sa viia e lona tama lana faaunga ma faamatala atu sona aafiaga i le galuega.

Na faaiu le talanoga i le usuina o le “Agaga e Taitai Mai” (*Viiga*, nu. 78).

O se metotia faigofie o le aoao atu—fefaasoaaai o aafiaga e uiga i lenei aoaoga faavae—na manuia ai lenei afiafi faaleaiga.

O lenei tusiga ua tuu mai ai faataitaiga o le olaga moni i le ala na aoao ai e tagata ia mataupu faavae i mataupu aoaoina a le autalavou i Aso Sa, ia o loo faatulagaina i masina. O le mea moni, o nei faataitaiga ua le na o le pau ia o ni auala e aoao ai e uiga i nei aoaoga faavae. E mafai ona e sailia musumusuga mo manaoga o lou aiga.

O mataupu aoaoina o le Aso Sa mo le autalavou—Sau, Mulimuli Mai ia te A'u—o loo aoao mai ai aoaoga faavae autu o le talalelei i masina taitasi. O nisi nei o auala e aoao ai i na mataupu faavae faatasi ma lou aiga.





FEPUARI

O Le Ata o le Faaolataga

IANUARI

O Le Aiga Atua

O tamalii o le aiga o le Atua—Tama Faalelagi, Iesu Keriso, ma le Agaga Paia—e tolu peresona mavaevae, ae e tasi i le faamoemoe ma le mamalu.

Sa faamatala mai e se tasi o tamaitai talavou le ao-aoina e uiga i le aiga Atua: “E taua ia te au e lo’u Tama Faalelagi, o lo’u Faaola ma le Agaga Paia o ni Tamalii eseese e mafai ona ou iloaina taitasi ae mulimuli ai i le lotogatasi. Ua ou iloa ai ma le lotofaafetai e mafai ona avea au e faapei o le Atua ona o le Aiga Atua e le o se mea e le o maioio ma lavelave ae o Tamalii e alolofa, faamanuia, taiala, ma silafaina au.”

Ina ia aoao atu lenei aoaoga faavae, e mafai ona e taumafai e talanoaina ia fesili e pei o le, “O a mea e mafai ona tatou aoaoina mai le Aiga aua e uiga i le galulue faatasi i le lotogatasi?” po o le “E mafai faapefea ona tatou faamalolosia la tatou sootaga ma tamalii o le Aiga Atua?”

O le faatusatusaina o le Ioane 10:30 ma le Mataupu Faavae ma Feagaiga 50:43 e mafai ona uunaia ai talanoaga lelei ma maua ai malamalamaaga e uiga i le lotogatasi.

PUNAOA MO LE AOAOINA ATU

Ua saunia e le Ekalesia le tele o punaoa e fesoasoani e te aoao mai ai ma aoao atu nei mataupu faavae. E le gata i tusitusiga paia ma saunoaga o konafesi aoao, mafaufau i nei vaega e filifili mai ai:

Aoaoga a Peresitene o le Eklesia. Asiasi i le [lds.org/manual/teachings-of-presidents](https://www.lds.org/manual/teachings-of-presidents).

Faamaoni i le Faatuatua. Asiasi i le [lds.org/manual/home-and-family](https://www.lds.org/manual/home-and-family).

Talai La’u Talalelei ma tamaitusi o loo avatu ai. Asiasi i le [lds.org/manual/missionary](https://www.lds.org/manual/missionary).

Musika. O musika i le tusi o viiga ma *Pese a Tamaiti* e toe faamalolosia ai mataupu faavae o le talalelei. Asiasi i le [lds.org/music](https://www.lds.org/music).

Vitio: E mananaia lava vitio a le Ekalesia ma e mafai ona fesoasoani e amata ai talanoaga o le talalelei i le fale. Asiasi i le [lds.org/media-library](https://www.lds.org/media-library).

Galuega o Faatufugaga. O le faaaogaina o ata e pei o ia o loo maua i le *Tusi Ata o le Talalelei* e mafai ona tupu mai ai se malamalamaaga e uiga i tusitusiga paia. Asiasi i le [lds.org/media-library](https://www.lds.org/media-library).

O le ata o le faaolataga e tali ai le tele o fesili faavae a tagata, e pei o le “O ai au?” ma le “O le a le faamoemoega o le olaga?” O le faia o a tatou lava fesili ma saili mo tali e mafai ona avea o se ala mamana e aoao ai e uiga i le fuafuaga ole fiafia a le Tama.

Mo se faataitaiga, na amata e se tasi alii talavou lana suesuega o tusitusiga paia e ala i le fesili, “E faapefea ona faatusatusa ia uiga faaleatua o le Atua i o’u uiga ile muai olaga?” o o’u uiga o loo i ai nei? o o’u uiga i le ou faamoemoe ia maua i le isi olaga?” Na ia tusia i lalo ia tali i nei fesili a o ia sueina i tusitusiga paia ma faaaoga e aoao atu ai i isi e uiga i le ata o le faaolataga.

O a ni fesili a lau fanau e uiga i le ata o le faaolataga?





MATI

O Le Togiola a Iesu Keriso

E faapefea ona tatou aoao ai e le gata o le Togiola a Iesu Keriso ae faapea foi o lo tatou Faaola faamaoni ma faamoemoe o le a tatou faaaogaina Lana Togiola i o tatou olaga?

Talu ai ua tatou oo uma i le tuuatoatasi, faia mea sese, ma manaomia le malosi, e manaomia e i tatou uma ona malamalama atili ma faaaoga le Togiola. Se faaaoga e se faufautua o Tamaitai Talavou se vitio e fesoasoani ai ia malamalama atili lana vasega i le Togiola a le Faaola.

O se aafiaga lea a se tasi tamaitai talavou:

“Sa matou matamata i le ‘Ua leai se Tasi Na i ai ia te Ia’ (vitio, LDS.org). A o iliina e se fagufagu se tasi o fatuga faanoanoa, sa sauna mai Elder Jeffrey R. Holland o le Korama a Apostolo e Toasefululu e faapea, ‘O se tasi o faamafanafanaga tele o lenei vaitau o le Eseta o le savalia e Iesu o se ala umi na matuai tuua toatasi, *tatou te le tau faia lena mea.*’

“Sa ou lagonaina le maasiasi i le manaomia ai le Togiola a le Faaola, ae o le faatofuina i le Agaga, sa ou lagonaina le faamoemoe i Lana Togiola o lilihi ifo ai lo’u lagona o le tausalaina. Na tuuina mai e le Alii Lona soifua atoa mo au; Sa lei faanoanoa ai o Ia, e faapena foi au.”

Ona o le Togiola o le mea taualuga lea o lo tatou faaolataga, e tatau ona tatou aoao atu ma aoao e uiga i ai faatasi ma le taitaiga a le Agaga Paia. Atonu foi o le a tata’i oe e talanoaina ia tusitusiga paia po o le molimau faaapostolo e pei “O Le Keriso Soifua: O Le Molimau a le Au Apostolo” (*Liahona*, Apr. 2000, 2). Mafau-fau e talanoaina se fesili e pei o le, “O anafea na e lagonaina ai le faamalologa, faamalolosia, po o le mana togiola o le Togiola?”

APERILA

Tisipenisione, Liliuese, ma le Toefuataiga

O le malamalama i le liliuese—o se pa’ū ese mai le talalelei moni—e fesoasoani tatou te malamalama ai i le manaomia o se toefuataiga o le talalelei, o le perisitua, ma o le Ekalesia a Iesu Keriso.

Sa fesoasoani le lesona faatino lenei i ni faifeautalai e aoao ai se tagata sailiili e uiga i le Liliuese ma le Toefuataiga.

“Sa ma faaaogaina ma la’u soa ni ipu palasitika sa faaigoa i vaega o le Ekalesia moni, ma fausia ai se tafatolu tu a o faamalamalama atu le ala na faavaeina ai e Iesu Keriso Lana Eklesia.

“Ona faamatala atu lea o le Liliuese a o ma ave-esea ia ipu na fai ma sui o le au Apostolo ma tilo-tilo atu i le solovi ifo o le fausaga atoa. A o faamatala atu le Toefuataiga o le talalelei e ala i le Perofeta o Iosefa Samita, sa ma toe fausia le olo, faaali atu o le Ekalesia i le taimi nei ua faatulagaina i le ala lava lea na muai faatulaga ai e Keriso.

“Mo le taimi muamua, ua malamalama ai lenei tagata. Na iu ina ia iloa le taua o le Toefuataiga ina ua ia malamalama i le mafuaaga na manaomia ai.”

E tele isi auala e faatusa i le taamilosaga o le tisipenisione, liliuese, ma le toefuataiga. E mafai ona e faitauina ia mau e uiga i nei autu ma mulimuli i uunaiga a le Agaga e fatufatu ai au lava faatusa o mea e te aoaoina (tagai, mo se faataitaiga, Amosa 8:11–12; 1 Nifae 13; MF&F 136:36–38; Mose 5:55–59).



ME

Perofeta ma Faaaliga



E popole tele le Alii e uiga i le fesootaiga ma i tatou. Tatou te maua Lana taitaiga i o tatou olaga e ala i faaaliga Na te tuuina patino atu i Ana perofeta ma i tatou.

E tele taimi e mafai ai ona tatou malamalamama atili i mataupu faavae o le talalelei pe a tatou faatusatusaina i mea faitino ma aafiaga o le olaga i aso faisoo. Na faamatala e se tamaitai talavou le ala na fesoasoani ai se faatusaga na te iloa ai faaaliga:

“Sa ou aoaoina e uiga i le faaaliga e ala i se perofeta o ona po nei. Na saunoa Elder David A. Bednar o le Korama a Aposetolo e Toasifulua i le agaga o faaaliga ma faamatala mai ai e ala i se upu valiata o le malamalamama. O nisi taimi, o faaaliga e faafusei ma manino e pei o le kiina o se moli i se potu pogisa. E sili ona taatele, e oo mai lava ina pei o le oso a'e o le la e oo lava ina malamalamama tele. O le tele o taimi, o le tala lea a Elder Bednar, o faaaliga e pei o le malamalamama i se aso puaoa. ‘O loo lava le malamalamama e te . . . mafai ai ona vaai ia faia ni nai laa i luma i le puao’ (i le “Mamanu o le Malamalamama: Agaga o Faaaliga” [vitio], LDS.org). O lenei upu valiata, e ui ina faigofie, ae sa matua aafia ai lava au aua sa ou iloaina e avanoa mai faaaliga pe a ou tuu atu se taimi e maua ai.”

A o tatou faaalu se taimi e suesue ai upu valiata, faataoto, ma faatusa, e mafai ona faaauau pea ona tuputupu ae lo tatou malamalamama i aoaoga faavae. O nei metotia faafiaoga e fesoasoani tatou te aoao atili ai pe a tatou tuu atu i le Agaga e faalia mai vaaiga fou ia i tatou.

IUNI

Perisitua ma Ki o le Perisitua

O le perisitua o se mataupu taua mo tagata uma. O le mana o le Atua ma e mafai ona faamanuiaina ai i tatou uma. Ua tofu i tatou ma se matafaioi taua e faia i le galuega a le perisitua.

O nisi tagata e le masani ma le tiute, tofi, ma le talafasolopito o le perisitua. E mafai ona avea se suega ma ala malie e aoao ai manatu nei.

E faalagolago i le mea e te manao e aoao ai, e mafai ona e faaaogaina ai nisi o fesili nei ma fai i lau fanau e saili mo tali i tusitusiga paia ma aoaoga a perofeta o aso nei.

- O a tofi ma tiute o le Perisitua Arona? o le Perisitua Mekisateko?
- O a ki o le perisitua? O ai e umiaina? Aisea e tatau ai ona i ai ki?
- O le a le eseesege i le va o le tofi o le perisitua, pule, ma le mana?
- E faapefea e le perisitua ona faamanuiaina alii ma tamaitai?

E mafai ona maua tali i tusitaiala e pei o le *Mataupu Faavae o le Talalelei* (2009) ma le *Faamaoni i le Faatuatua: O Se Tusitaiala o le Talalelei* (2004), ma i tusitusiga paia e pei o le Mataupu Faavae ma Feagaiga 13, 20, ma le 107.

O le tali i le fesili mulimuli, “Pe faapefea e le perisitua ona faamanuiaina alii ma tamaitai?” e mafai ona maua i tusitusiga paia, ae o le mea aupito sili ona taua i le mafaufau ai pe o faapefea e lenei aoaoga faavae ona aafia ai i tatou lava ia. ■

E alaala tusitala i Iuta, ISA.



Vaega 2 o lenei tusiga, ma faasoa atu ni manatu mo Iulai-Tesema, o le a faasalalauina atu i se taimi mulimuli ane o le tausaga lenei.





Saunia e Elder
Jeffrey R. Holland

O Le Korama
a Apostolo e
Toasefululua

ILOAINA OLE Aiga Atua

*E tatau ona tatou iloa nei Tagata Paia
i soo se auala tatou te mafaia. E tatau
ona tatou alolofa ia i Latou, faala-
talata atu ia te i Latou, usiusitai ia i
Latou, ma taumafai ia faapei o i Latou.*

*Mai se saunoaga, “O Le Aiga Atua,” na tuuina atu i le semina mo peresitene fou o misiona
i le Nofoaga Autu o Aoaoga Mo Faifeautalai i Provo i le aso 23 Iuni, 2013.*

Na saunoa le Perofeta o Iosefa Samita, “O le uluai mataupu faavae o le talalelei ia iloa ma le mautinoia le uiga o le Atua.”¹ E le gata i lea, sa ia faaopoopo mai, “ou te manao ia te outou uma ia iloa o Ia, ma ia masani ia te Ia.”² E tatau ona tatou maua “se *manatu* sa’o i . . . lona atoatoa, ma uiga faaleatua” ma o se saafiafiga mo “le silisili ese o [Lona] uiga.”³

Ou te fia faalautele atu le lu’i a le Perofeta ia i tatou ma fai atu ai o i tatou ma a tatou faifeautalai, o o tatou tagata auai, ma o tatou tagata sailili e tatau ona tatou iloa ma le mautinoia le uiga o tamalii o le *Aiga Atua*. E tatau ona i ai so tatou manatu sa’o i lo Latou atoatoa ma o Latou uiga faaleatua taitoatasi ma se faamemelo mo le silisili ese o o *Latou* uiga patino.

E le o se mea tupu fua le mataupu faavae muamua o lo tatou faatuatuaga, “Matou te talitonu i le Atua, le Tama Faavavau, ma Lona Alo o Iesu Keriso, ma le Agaga Paia” (Mataupu Faavae o le Faatuatu 1:1). E manino lava le savali mo i latou uma o e aoao atu le talalelei. E leai se uiga o lo tatou sopo atu i isi upumoni tatou te talitonu i ai pe afai tatou te le’i tamauina i o tatou mafaufau ma mafaufau o i latou tatou te aoaoina le matafaioi aupito silisili a le Aiga Atua i a tatou aoaoga faavae ma lo tatou taunuuga e faavavau. E tatau ona tatou iloa nei Tamalii Paia i soo se auala tatou te mafaia. E tatau ona tatou alolofa ia i Latou,

faalatalata atu ia te i Latou, usiusitai ia i Latou, ma taumafai ia faapei o i Latou.

Pe a tatou aumaia tagata i totonu o le Ekalesia, tatou te le o papatisoina i latou i totonu o le Ekalesia a se tagata, pe o lena alii o Iosefa Samita po o Polika Iaga pe o Thomas S. Monson—tatou te faamamaluina na perofeta pe a tatou faia. Ma e tatou te le o papatisoina i latou i totonu o le Ekalesia o aiga fiafia, po o le Aufaipese a le Tapeneko.

A tatou aumaia tagata i le Ekalesia, tatou te papatisoina i latou i le suafa o le Tamā, ma le Alo, ma le Agaga Paia. O le faia o lena mea, o tatou o loo tatou taiialaina i latou e toe foi atu i le afioaga o le Tama e ala i le galuega, Togiola, ma le alofa tunoa o Lona Alo, ma le uunaiga a le Agaga Paia e taiialaina ai i latou i lenei sini. E tatau ona lava ona tuu faatumutumu i o tatou mafaufau lenei tulaga aupito taua

O le aafiaga o aoaoga a le Tupu o Peniamina i luga o lana faapotopotoga o se faauigaga atoatoa faatusi paia lea o le tuputupu ae moni i o tatou tagata liliu mai o loo tatou faamamafa atu a o tatou faatuina le Ekalesia i "le lalolagi uma."



o le Aiga Atua aua o le uiga lea ma le iuga a o tatou faia le galuega o le faaolataga.

Afai, e pei ona fautua mai le Tupu o Peniamina, tatou te iloa *moni* nei Tagata Paia o loo tatou auauna atu i ai ma ia mautinoa e le o i Latou o ni tagata ese ia i tatou ma e le o mamao lava mai mafaufauga ma faamoemoega o o tatou loto (tagai i le Mosaea 5:13), ona mafai lea ona tatou maua le taunuuga na oo i ai le Tupu o Peniamina. Ma o a na tau-nuuga? Na iloa e lona nuu “se suiga tele,” sa “le toe i ai se manao e fai amio leaga, ae ia faia mea lelei e le aunoa,” ma sa “malilie e ulu atu i se feagaiga . . . e fai le finagalo [o le Atual] o le a, ma usiusitai i ana poloaiga i mea uma [o le a] ia poloai atu a ia i [latou], i aso uma o totoe o lo [latou] ola” (Mosaea 5:2, 5).

O le aafiaga lena o aoaoga a le Tupu o Peniamina i lana faapotopotoga, ma o se faauigaga *atoatoa* faatusi paia o le *tuputupu ae moni* o a tatou tagata liliu mai o loo tatou faamamafa atu a o tatou faatuina le Ekalesia i le “lalolagi uma” (Mareko 16:15).

Faapei ona sa aoao mai e le Faaola lava Ia, o le galuega faafaifeatalai—le galuega o le faaolataga—e faapei o se upega tatou te lafaina i se lalolagi lautele ma lautele o nuu, aganuu, ma tagata. O lea tulaga, o le a tatou faapotopoto ai, pei ona fai mai le faataoto, o i'a “o ituaigne eseese uma” (Mataio 13:47). O le tele o na “i'a” i la tatou saoaluma ua faateleina, e le iloa po o ai le Atua pe faapei moni foi Lona tulaga Faatama; latou te le iloaina pe o ai moni Iesu Keriso pe aisea foi na o Lona igoa ai ua tuuina mai i lalo o le lagi e mafai ai ona faasaoina i tatou (tagai Galuega 4:12); latou te le iloaina pe o ai le Agaga Paia ma pe aisea “na auina atu e aoao atu le upumoni” i lenei tamalii o le Aiga Atua (MF&F 50:14).

Malamalama i le Aiga Atua

O le mea moni, o loo i ai le tele o isi mea e le o iloa e nei i'a ua faapotopoto mai, ae afai latou te taliaina le talalelei toefuataiina ma saili moni mo le faaolataga o o latou agaga, e tatau ona amata i sina iloa ma se malamalama i tamalii o le Aiga Atua. I le iuga, “o le tapuaiga moni faaola e maua na o i latou o e iloa le upumoni e uiga i . . . le Aiga Atua ma malamalama i le sootaga moni e tatau ona maua e tagata ma uso taitasi o le [mea lea na faaigoa e se tasi o le Usoga] lena Au Peresitene e Faavavau.”⁴

Na faamanatu mai e Elder Bruce R. McConkie (1915–85) o le Korama a Aposetolo e Toasefululua e faapea e malamalama Lusifelo i le taua o aoaoga faavae faapea, e tusa lava pe tatou te le iloaina. Na ia faapea mai:

“E leai se faaolataga i le talitonu . . . i aoaoga faavae pepelo, aemaise o se manatu sese pe le poto e uiga i le Aiga Atua po o se tasi o ona peresona. . . .

“E mulimuli i le faapea e sili i le tiapolo ona faasalalau ia aoaoga faavae pepelo e uiga i le Atua ma le Aiga Atua, ma uunai faamalosi ia lagona sese e faatatau i soo se tasi o i latou, nai lo se isi lava mea e mafai ona ia faia.”⁵

O le mea la lea e leai se tagata sailiili e mafai ona sau i le Eklesia ma se molimau *moni*, ma se liua *moni*, i le mea o loo tatou sailia ma faaigoa o le tuputupu ae moni i tagata liliu moni mai, sei vagana ai ua ia te ia se amataga o se poto masani patino, faaleagaga ma le Atua. O lena ituaiga o poto masani e mafai ona oo mai i le na o le i ai o se iloa faapea o Ia o se tagata moni, o se tagata mao’i, o se Tama moni lava e i ai aano ma ivi, o le e tautala ma vaai ma lagona, o le e silafia igoa uma o Ana fanau ma mea uma latou te manaomia, o le e faafogaina a latou tatalo uma, ma e finagalo i Ana fanau uma ia i ai i Lana Eklesia. O nei tagata sailiili e manaomia ona iloa e i ai sana fuafuaga mo lo latou faaolataga, ma ua Ia tuuina mai poloaiga i le ala tatou te maua ai lo tatou ala e toe foi atu ai ia te Ia.

E le mafai e se Atua o le e manatu popole mo i latou faapei ona auau se matua mo se tamaititi, ona avea o se puaoa po o se manatu faivavale le manino o le Uluai Mafuaaga po o se pulefanua faaleatua ua le o toe i ai. E tatau ona aloaiaina o Ia i Lona tulaga moni—o se Tama alofa mutimutivale ma mutimuti alofa, o lona faatusa lea na faia ai tagata uma o Ana fanau ma o Ia o le



o le a i ai se aso tatou te tutu atu ai i Ona luma—ona tootutuli ai lea! O le toaitiiti o o tatou tagata sailiili o le a iloa *lena* agalelei o le Atua i le taimi nei, po o le mai le faa-Kerisiano o aso nei.

I lena tulaga, e sili ona taua o le lesona 1 i le *Talai La’u Talalelei* e amata i le tau-tinoga faigofie faapea “o le Atua o lo tatou Tama Faalelagi.”⁶ I lena lesona faafaifeatalai o le naunautaiga muamua e tatau ona faia, ia malamalama tagata taitoatasii ua aoaoina i le natura moni o le Atua.

Afai e mafai e faafeatalai ona maua se malamalama tonu i le Atua i mafaufau ma loto o a latou tagata sailiili i le amataga o lo latou aoao atu, o le a sili atu ona faigofie ona sologa lelei isi mea uma i aoaoga uma e mulimuli mai.

O Le Misiona ma le Savali a Iesu Keriso

E faapena foi, e tatau i alii ma tamaitai faafeatalai, ma tagata sailiili ona atili talisa-paiaina le malualii o le misiona ma le savali a Iesu Keriso, o le na afio mai mai le Tama ma aoao mai mea sa aoaoina ai o ia e le Tama. E tatau i tagata uma ona iloa na afio mai Iesu i le olaga e faaali mai ia i tatou le ala, o le upumoni, ma le ola. E moni lava, o Ia o le

*Ua tatau ona
iloa e mea uma
na afio mai Iesu
i le olaga faitino
e faaali mai ia
i tatou le ala,
o le upumoni,
ma le ola.*

E ala i le mana o le Agaga Paia, tatou te mafai ai ona tulieseina le pogisa mai ia i tatou ma lapataia mai mea matautia ma mea le moni. Ou te molimau atu o le Agaga Paia o le Agaga Paia foi o Folafolaga, e faamautuina ma faamaoniaina ia feagaiga ma sauniga ma e tauualuga i le faamauga o faamnuiaga faaola uma i le ola e faavavau.

pau lea o le ala, o le upumoni *atoa*, ma le ola *atoatoa*. O lea tulaga, e na o Ia le tamaitiiti i le aiga o tagata e mafai ona matua tulei *atoatoa* mai ai le Tama, “O lo‘u Atalii pele Lenei, Ou te fiafia ia te ia” (Mataio 17:5).

E tatau ona tatou faatuatua ia Keriso, talitonu ua Ia togolaina i tatou mai le oti faaletino ma le seoli faaleagaga, talia Lana Togiola ua *na o le pau lea* o le ala e toe faaleleia ai i tatou i luma o le Atua, ma faailoa atu e leai lava se isi ala i le olataga. O le lalolagi, afai e tatau ona togolaina, e tatau ona tootuli ona tulivae ma ta‘uta‘u atu i le laulaufaiva o Iesu o le Keriso, o le Alo soifua o le Atua soifua. E tatau ona tatou aoao atu ma le faatuatua ma le nau-nautai tele “o le aoaoga faavae a Keriso” (Eperu 6:1; 2 Ioane 1:9; 2 Nifae 31:2, 21; 32:6; Iakopo 7:2, 6) e pei ona tautino mai i tusitusiga paia, ma e pei ona otootoina i lesona 3 o le *Talai La‘u Talalelei*.

E tatau ona iloa e a tatou i'a o le upega faalele, o le Agaga Paia o le sui o le Aiga Atua lea o le a sili ona tele ma sili ona vavalalata a latou sootaga pe a latou taliaina ia faifeatalai ma tatalo mo le taitaiga faalelagi e tusa ai ma la latou savali. O sui lenei o le Aiga Atua o le a *taitai* tagata sailiili i le upumoni ona latou *molimau* atu ai lea i lena upumoni pe a latou fetai. E tatau ona aoaoina ia tagata sailiili ia iloa le Agaga pe a faaalia mai o ia lava i le faagasologa o lesona. O le mea moni lava e tatau ona malamalama ia faifeatalai i le matafaioi paia a le Agaga Paia i le faagasologa o le liuaina, ma e tatau ona taumafai e tauave le Agaga ma i latou i taimi uma.

“Pe na faauu i se a outou?” ua fetalai mai le Alii. “E talai atu la‘u talalelei e ala i le Agaga, le Faamafanafana lea na auina atu e aoao atu le upumoni. . . .

“O le mea lea, o ia o lē tala‘i atu atoa [e ala i le Agaga], ma o ia o lē talia [e le

Agaga], e malamalama i le tasi, ma e faagaetiaina ma olioli faatasi i laua uma” (MF&F 50:13–14, 22).

E mafai ona tatou matua mautinoa faapea o *le a le lelei*—mo faifeatalai po o a latou tagata sailiili—pe a tatou faapasi le aoao atu o le Aiga Paia. E le tatau ona tatou faasino atu i taitai o le olaga nei a e tatou te le i aoao atu ma molimau e uiga i e ua faaselesitilaina. E le tatau ona tatou taumafai e aoao atu upumoni lagolago a o lei aoaoina mataupu faavae autu. E le tatau ona tatou faanatinati agai atu i se papatisoga ma le sini o se tagata fou e liliu mai a o lei aoao atua le faatuatua moni i le Atua, faamalamalama le mea e manaomia ai le salamo moni ia Keriso, ma ia mautinoa o na tatus mu‘amu‘a muamua o se molimau ua tupu a se tagata liliu mai, ua tausisia ia malolosi ma ola e ala i le mana faafailele o le Agaga Paia.

Fenumiaiga FaaKerisiano

E tusa ai ma le natura maioio o nei Tamalii Paia, ua aoao mai e a tatou faaaliga o aso e gata ai e faapea, “ua i ai i le Tama se tino o aano ma ivi e mafai ona pa‘i i ai e pei o le tagata; ua faapea foi le Alo, ae o le Agaga Paia e leai se tino o aano ma ivi, ae o se peresona Agaga” (MF&F 130:22).

E le mafai ona e maua ai se isi faamatalaga faavae e manino atu nai lo lena! Ae paga lea, ua toeitiiti lua afe tausaga o le talafaasolopito faa-Kerisiano ua luluina ai foi le fenumiai matautia ma le mea sese e toe a oti ai e tusa ai ma lea mataupu. O fatufatuga ma le toefauga o talitonuga faalelotu ua matua femilosa‘i ai le manino faigofie o aoaoga faavae moni, ua tautino mai ai o le Tama, o le Alo, ma le Agaga Paia ua na o ni otootoga, e le matea i se iloa, e le ausia e se tagata, e i ai i mea uma, e tutusa le taua, e faavavau faatasi, ma e le iloa e se tasi; e leai ni tino, itutino, po o ni lagona faamama‘i; ma e nonofo i le vateatea ma le taimi.

O ia talitonuga, o sui uma e toatolu o ni peresona ese-ese, ae o se tagata e toatas, e masani ona ta'ua o le "mea lilo o le tolutasi." O ni peresona tumaoti e toatolu, ae e le toatolu ni Atua ae toatas. O tagata uma e toatolu e le oo i ai se malamalama, ae o le Atua e tasi e le malamalama i ai.


E tasi le manatu tatou te taufai ioe uma i ai ma le au faitio—e faapea o lea ituaiga o faatulagaga mo le paia e le mafai ona malamalama i ai. O lena faauigaga fenumiai o le Atua ua tuuina mai i luga o le Ekalesia, e le o se mea e ofo ai i le tagi leotele a se faifeau o le seneturi-lona fa, "Auoi talofa e ia te au! Ua latou aveese lo'u Atua mai ia te au, . . . ma ua ou le iloa po o ai a saafi i ai."⁷ E faapefea ona tatou faatuatuaina, alolofa, ma tapuai, ae le ta'ua ai le taumafai ia faapei, o Le e le mafai ona malamalama ai ma le iloaina? E faapefea le tatalo a Iesu faapea "o le ola e faavavau foi lenei, ia latou *iloa oe* le Atua moni e toatas, *ma Iesu Keriso, o le ua e auina mai*"? (Ioane 17:3; faaopoopo le faamamafa).

E le o so tatou faamoemoega le ta'ufaatauvaaina o le talitonuga o se isi tagata po o aoaoga faavae a se isi tapuaiga. Tatou te tuuina atu le faaaloalo lava e tasi mo a latou ao-aoga faavae lea tatou te mananao ai mo i tatou. (O se mata-upu faavae foi lena o lo tatou faatuatua.) Ae o loo tusia i se punaoa faaaloalogia ua ta'ua o le *Harper's Bible Dictionary* e faapea, "o le aoaoga faavae aloaia o le Tolutasi e pei ona faauigaina ai e aufono a lotu tetele o le seneturi lona fa ma le lima e le o maua i se mea o le [Feagaiga Fou]."⁸

O lea la o le mea moni, ua tatou matuai lagolelei lava, i le faalauiola atu, tatou te le o umia se manatu tosina faa-paupau o le seneturi lona fa po o le lona lima-, e uiga i le Aiga Atua, ma e faapena foi i na uluai Au Paia Kerisiano, o e na vaaitino i le Keriso soifua.⁹ O i tatou o le Feagaiga Fou —e *le o ni Kerisiano*—Nisaea.

Le Lotogatasi o le Aiga Atua

Ae ui i lea, ou te vave faamamafa atu faapea ina ua tatou faia le tulaga e uiga i le maioio o o Latou peresona, e tutusa lava le taua o le faamamafa atu o le lotogatasi o i Latou ma le moni a'ia'i o le *Tasi* o le Aiga Atua. Ou te manatu ou te saogalemu i le faapea atu o se vaega o le mafuaaga ua tatou matua le malamalama ai i le tu ma aga faa-Kerisiano ona o le faamamafaina atu o peresona o le Aiga Atua, e lei lava lo tatou tulitatao atua e ala i le



O le lalolagi, afai e tatau ona togolaina, e tatau ona tootuli ona tulivae ma ta'uta'u atu i le laulaufaiva o lesu o le Keriso, o le Alo soifua o le Atua soifua.

taliaina ma le *finau* atu pea i lo Latou lotogatasi i le toe-toe lava soo se ala e mafaufau i ai. O lenei mea ua afua ai ona tatou selesel ia faitioga e le moomia, ma atili ai ona tatou faafaigataina ona malamalama i le tulaga o le AAG nai le mea e tatau ona i ai.

E moni lava, o le fuaitau i le “mataupu [sili] a Keriso” i le 2 Nifae 31 ua faai i le tautinoga lenei: “O le mataupu lenei a Keriso, ma o le mataupu faavae moni lenei e tasi a le Tamā, ma le Alo, ma le Agaga Paia, o Atua e tasi, ua leai se gataaga” (2 Nifae 31:21).

Ua tatou faitau uma i le Tatalo Faatoga a le Faaola i le Ioane 17. Ua tatou iloa ai o se tautinoga o le lotogatasi i le va o le Tama ma le Alo ma le va o i La’ua ma i tatou, o o La’ua soo i le lalolagi. Faitau soo i ai, ae maise lava na ta’ua e Peresitene Tavita O. MaKei (1873–1970) a faaigoaina i se tasi taimi o “le tatalo aupito sili . . . ua fofogaina i

E tatau ona tatou taumafai ina ia tasi ma le Tama, le Alo, ma le Agaga Paia, e pei o le mea na tatalo ai Iesu ia tatou i ai.



lenei lalolagi.”¹⁰ E tatau ona tatou taumafai ina ia tasi ma le Tama, le Alo, ma le Agaga Paia, e pei o le mea na tatalo ai Iesu ia tatou i ai.

Molimau a se Aposetolo

Ou te faaiu atu i la’u molimau i nei Tamalii Paia, o e ua faatulagaina ai lena “Au Peresitene Faavavau” na talanoaina. Ou te molimau atu i le Agaga Paia *e ala i le agaga o* le Agaga Paia, e molimauina ma tautino atu le lua o ana matafaioi sili. Ou te molimau atu o le Agaga Paia o se faiaoga, o se Fesoasoani, ma o le sui o faaaliga faaletagata lava ia. Ou te molimau atu o le Agaga Paia o le a aumaia mea uma i lo tatou manatuaga—o le tele o se faamanuiaga faapitoa o le manatuaina o se tasi o le poloaiga sili e tuuina mai ia i tatou, e aofia ai tatalo o le faamanatuga (tagai i le MF&F 20:77, 79).

Ou te molimau atu e ala i le mana o le Agaga Paia, e mafai ona tatou tulieseina le pogisa mai ia i tatou ma lapataia mai mea matautia ma mai mea e le moni. Ou te molimau atu o le Agaga Paia foi le Agaga Paia o Folafolaga, e faamautuina ma faamaoniaina feagaiga ma sauniga ma taualuga i le faamauga o faamanuiaga faaola uma i le ola e faavavau. Ou te maofa ina ua mafai ona maua e i tatou se tasi o le Aiga Atua ma maua e le aunoa ma i ai pea lava, pe afai tatou te ola agavaa ai. E momoli atu la’u faafetai e toetoe ina a le mafaamatalaina mo le meaalofa o le Agaga Paia.

Ou te tuuina atu la’u molimau ia Iesu Keriso, le Alo soifua o le Atua soifua, o le na totogiina laveai faasaoloto mo lou agaga ma lo’u agaga ma agaga o alii uma, tamaitai, ma tamaiti mai ia Atamu e oo i le tuluiga o le lalolagi. Ou te molimau atu o le uluai mataupu faavae o le talalelei o le *faatuatua* i le Alii o Iesu Keriso ma o le faavae lea ma le savali autu a Le Ekalesia a Iesu Keriso o le Au Paia o Aso e Gata Ai.

Ou te molimau atu o i latou uma e fananau mai i lenei lalolagi e fananau mai ma le Malamalama o Keriso i lona agaga. Ou te molimau atu o Ia o le Muamua ma le Mulimuli, o le Amataga ma le Gataaga, o le Alefa ma le Omeka o lo tatou faaolataga. Ou te tautino atu o Ia o le Ieova silisili, o le laveai Au, o le Tamai Mamoe a le Atua na fasiotia mai a o lei faavaeina le lalolagi. Ou te molimau atu na atoatoa Lona soifua ai ma sa Ia soifua mai, soifua,

ma maliu o se Tamalii e atoatoa, e leai se agasala, e leai se ila ma e le pona.

Ou te faafetai ai i le pule a Iesu Keriso, ua faapea ona puleaina ai mea uma e faavavau le taua i lenei lalolagi, e tauaveina Lona suafa—le Perisitua Paia e tusa ma le Faatulagaga o le Alo o le Atua. Afai ou te ola ai ina ia afe tausaga le matua, e le taitai ona lava lo'u faaalia o lo'u maofa ma e le agavaa e ta'ua o se tasi o Ana Apostolo, o se molimau i Lona suafa i le lalolagi uma.

*Ou te tu ma ofo i le alofa o Iesu,
Ma le iloa le ala ua alofa ai ia te au.¹¹*

Ou te molimau atu o le Atua le Tama Faavavau, o le maoa'e o Elohim, lo'u Tama ma lou Tama, na tuuina mai ia i tatou o se olaga faaleagaga. Ou te molimau atu o Ia o le Tagata o le Paia, o lena alofa mutimutivale ma le agalelei, alofa ma le mutimuti alofa na amata ai ona mataituna Ona uiga silisili ma le faavavau. Ou te molimau na afio mai Keriso e faaali mai ia i tatou le Tama ma ua agatonu ai ona valaauna o le Atalii o le Tagata (o le Paia).

Ou te molimau atu o le Atua lo tatou Tama o le mataisau o le fuafuaga sili o le faaolataga ma o le mea ua lauiloa o le talalelei a Iesu Keriso e iloa foi “o le talalelei a le Atua” (Roma 1:1; tagai foi i fuaiupu e 2–3). Ou te molimau atu o le Tama o le Foafoa o mea uma, o loo galue e ala mai ia Ieova ma isi sui faalelagi e faataunuu lena Foafoaga ma e tauaveina faatasi le faalaniga o le Foafoa ma Lona Alo Pele. Ou te molimau atu e ao ina tatou *auauna atu* i le Tama i le suafa o le Alo e faapei foi ona tatou *tatalo* atu i le Tama i le suafa o le Alo.

Ou te molimau atu na afio mai Iesu Keriso e faia le finagalo o le Tama, na aoao maia le aoaoga faavae o le Tama, ma sa galueaiina Lona lava faaolataga e ala i le Tama. Ou te tuuina atu la'u molimau e sili ona mamalu



ona o le alofa tele o le Tama i le lalolagi, o Ana fanau, na Ia aumai ai Lona atalii aupito silisili, o Lona atalii e atoatoa, Lona Atalii Pele e Toatas, o ai lava e talitonu ia te ia o le a maua le ola faavavau (tagai Ioane 3:36; 6:47; Helamana 14:8).

Ou te faafetai mo le Tama, le Alo, ma le Agaga Paia, o o latou suafa paia ua faataunuina ai sauniga faaola mai le papatisoga e oo atu i faamauga i le malumalu i lenei Ekalesia. Ou te valaaulia outou taitoatasi ia loloto le iloa i nei Tamalii Paia. ■

FAAMATALAGA

1. Iosefa Samita, i le *History of the Church*, 6:305.
2. Iosefa Samita, i le *History of the Church*, 6:305.
3. *Lectures on Faith* (1985), 38, 42.
4. Bruce R. McConkie, “O Lo Tatou Sootaga ma le Alii” (Brigham Young University devotional, Mar. 2, 1982), 1, speeches.byu.edu.
5. Bruce R. McConkie, “O Lo Tatou Sootaga ma le Alii,” 1–2.
6. *Tala'i La'u Talalelei: O Se Taiala mo le Galuega Faafaaifeatalai* (2004), 31.
7. I le Owen Chadwick, ed., *Western Asceticism* (1958), 235.
8. Paul J. Achtemeier, ed., *Harper's Bible Dictionary* (1985), 1099.
9. Mo se felafolafoaiga maeaea o lenei lomiga, tagai i le Stephen E. Robinson, *Pe o ni Kerisiano Tagata Mamona?* (1991), 71–89; tagai foi i le Robert L. Millet, *Mauaina o le mea moni: Tali atu i Fesili Faigata e uiga i Talitonuga o le AAG* (2004), 106–22.
10. Tavita O. MaKei, i le Conference Report, Oke. 1967, 5.
11. “Ou te Tu ma Ofo,” *Viiga*, nu. 107.

*Na afio mai Iesu
Keriso e fai le fina-
galo o le Tama,
na aoao mai le
aoaoga faavae
a le Tama, ma
galueaiina Lona
lava faaolataga
e ala i le Tama.*

SA OU ILOAINA LE AFIOGA A LE ATUA

Ao ou i ai i se malaevaalele i ni nai tausaga talu ai i São Paulo, Pasila, sa ou vaai i se faamalama o se faletusi i se tusi e igoa “O Le Tusi a Mamona: O Se Tasi Molimau ia Iesu Keriso.” Sa ou le talitonu o le a taliaina e lo tatou lalolagi ua mate ma leai se faasinoga se tasi molimau ia Iesu Keriso, ma sa ou faaaluina le faiuga o le vайaso e mafaufau ai e uiga i le tusi.

Na iu, ina le mafai ona onosaia lo'u fia iloa, ma sa ou toe foi i le faletusi e faatau mai. Ae peitai, ina ua ou taunu atu, sa le mafai ona ou maua. Sa ou faamatalaina le tusi i le tagata faigaluga o le faleoloa, ae sa fai mai na te le'i vaai lava i ai. Sa le mafai foi ona ia maua se mea o faamaumau ai, e ui o tusi sa faaali i le faamalama ua uma ona faamaumau i le lisi o tusi.

I se taimi mulimuli ane, ao ou i ai i se faletalavai, sa ou matauina ai se tusi i luga o se fata o loo tatala. Ina ua amata ona ou faitau i ai, sa ou aoao ai e uiga i se tagata e igoa ia Korioa na tumau lona masalosalo i le mana o le Atua ma sa iu ina taia ma gugu ai. Ina ua ou toe manatu i upu na ou faiatina, sa ou iloaina o ni upu mai le Atua.

I le taimi lea sa ou saili atu mo se taitaiga faalelagi. I se tasi aso na ou tootuli ma tatalo faatauanau e fesili atu i le Atua e faaali mai ia te au le ala moni e aumaia ai au ia te Ia. I ni nai aso mulimuli ane sa ma'i lo ma atalii, ona ou toe foi lea i le faletalavai. Ina o le a ou aluese mai, sa ulufale atu ni alii talavou Amerika se toatolu e fai a latou pine o igoa. Sa vave ona ou lagonaina se mafanafana i lo'u fatafata, lea na uunaia a'u e talanoa ia i latou.


Sa latou fai mai o loo latou talai le talalelei a Iesu Keriso i Pasila. Sa ou talosaga atu pe mafai ona latou aoao atu ia te au, ma sa faatulagaina se taimi.

Ina ua ou faalogo e uiga i le Pero-feta o Iosefa Samita mo le taimi muamua, sa ou iloaina ua tali mai la'u tatalo. Ona tuu mai lea e faifeautalai ia te au se tusi. Sa ou ofo tele, o se Tusi a Mamona—pei lava o lea sa ou vaai i ai i le faleoloa. Sa ou toe lagonaina le mafanafana e suamalie ma o lo'u fiafia tele sa tau le mafai ai ona ou tautala.

Sa faamalamalama mai e faifeautalai le uluai tusi ona fai mai lea ou te tatalo ma ole atu i le Atua pe moni. Ua i ai lava so'u mautinoa atoatoa i le paia o le tusi, aua na faaali mai e le Alii ia te au—faalua. E ui i lea, sa ou suesueina auiliili. Ina ua ou faiatina le mataupu e 17 i le 3 Nifae, sa ou iloa sa i ai se tala e paia aua o loo i ai afioga a Iesu Keriso.

O le faavae o la'u molimau ua i ai lea i le iloaina o le Tusi a Mamona o loo i ai le afioga a le Atua. Na suia ai a'u ma o loo faaaauau pea ona suia au. ■

José Evanildo Matias Fernandes,
São Paulo, Pasila



| se taimi mulimuli ane, ao i ai i se faletalavai, sa ou matauina se tusi i luga o se fata o loo tatala. Ina ua amata ona ou faiatua i ai, sa ou toe manatu i upu ma iloaina ai e mai i le Atua.

Ou te le mautinoa po o le a le umi na alu ai, e i ai se aso sa mafai ai ona ou toe tofo i le alofa o le Atua. Sa pei o le la susulu mafanafana ina ua mavae se taumalulu umi.

SAILIA O LO'U ALA I PUAO O LE POGISA

ni nai tausaga i tua sa ou feagai ai ma se vaitau e sili ona pogisa o lo'u olaga. Sa ou feagai ma le tele o luitau faigata, ma sa ou lagona le faanoanoa ma le lofituina i avega mamafa.

I le lotu i se tasi Aso Sa, sa ou tilotilo solo ai i aiga fiafia uma o usuina viiga ma tofoina le alofa o le Atua. Sa ou manao e faapena o'u lagona, ae sa i ai se mea na ou lagonaina faaletino e sese.

Sa ou lagonaina le Agaga i le taimi ua tuanai, ae sa le mafai ona ou lagonaina mo sina taimi. Faapei i le miti a Liae i le laau o le ola, sa ou lagonaina e pei sa matuai siomia a'u e puao o le pogisa—sa le mafai ona ou vaai i le laau (tagai i le 1 Nifae 8:2–24).

Ina ua amata tatalo o le faamana-tuga, sa ou moeiini ma aapa atu i le Tama Faalelagi, ma aioi atu mo se faa-mautinoaga o Lona alofa. Sa ou fesili

atu ia te Ia pe aisea na le mafai ai ona ou tofo i le fua o le laau o le ola.

A o ou mafaufau loloto i le miti a Liae, sa ou maua se malamalama ootia. “Aisea na ou le manatuaina ai lenei mea muamua?” Sa ou mafaufau ai. O le malaga i puao o le pogisa o se vaega atoa o le fuafuaga masani a le Atua. Na te faatagaina i tatou e fetaia'i ai ma faigata mai lea taimi i lea taimi ina ia mafai ai ona tatou matuai faalagolago atoa ia te Ia ma Lona Alo. O le ki o le pipiimau i le ai uamea. Sa ou vaaia pea lava au i puao o le pogisa, ae sa i ai lo'u faamoemoe.

Ina ua tuua e lenei lagona lo'u mafaufau, sa ou lagonaina se faa-mautinoaga matagofie mai le Agaga Paia o le a mou atu o'u tofotofoga. Na molimau mai le Agaga sa i ai le Tama Faalelagi iina. Sa ou soloia loimata mai

o'u mata, ma faafetai ona sa mafai ona ou toe lagonaina le Agaga.

Sa amata ona ou faatofuina a'u lava i tusitusiga paia. Ae sa tele pea ni o'u aso pogisa, ae sa ou faatuatua afai ou te pipiimau i le ai uamea—le afioga a le Atua (tagai i le 1 Nifae 11:25)—o le a faasaolotoina a'u mai puao o le pogisa. Ou te le mautinoa po o le a le umi na alu ai, e i ai se aso sa mafai ai ona ou toe tofo i le alofa o le Atua. Sa pei o le la susulu mafanafana ina ua mavae se taumalulu umi.

A o ou tauivi ma luitau o le olaga, sa ou manatuaina la'u folafolaga ia pipiimau lelei i le ai u'amea e ala i le suesue o tusitusiga paia ma upu a perofeta. Ou te iloa a oo mai puao o le pogisa, ua i ai a'u meafaigaluega e mafai ai ona ou asaina ma le folafolaga o se talileleia i le isi itu. ■

Juventa Vezzani, Kafeonia, ISA



UA E ILOA E MONI!

Se tasi aso a o ou faigaluega i se faleoloa i Oakland, Kaledonia, ISA, sa tu mai se uo ma valaaulia a'u e fai aiga i le afiafi. Fai mai e i ai ni faifeatalai Mamona se toalua o le a matou faatasi ai.

Ina ua uma le meaai o le afiafi sa faatulaga e faifeatalai se tamai laupapa ie mamoe ma amata ona fesili mai ia te au. Sa oo ina ou tau le fiafia. Sa na ona ou manao lava e faalogo logo ia i la'ua ona ou alu lea.

Peitai i le faaiuga o le talanoaga, sa toso mai le nofoa o se faifeatalai talavou mai Iuta, tilotilo mai i o'u mata, ma tuu mai ia te a'u se Tusi a Mamona ma tuu mai lana molimau. Fai mai a

ia na te iloa e moni le Ekalesia ma e mafai foi ona ou iloa e ala i le faitauina o le tusi. Ona ia sii maia lea o le Moronae 10:4 ma fai mai afai ou te ole atu i le Atua ma le loto faamaoni, o le a Ia faaali maia le moni o le tusi ia te au e ala i le mana o le Agaga Paia.

Sa ou faitaua ni nai mataupu i le vaiaso, ma sa matou toe feiloi foi i le fale o la'u uo. Ina ua uma le matou talanoaga lona tolu, sa maea le misiona a le faifeatalai mai Iuta ma agai ina toe foi i le fale.

Sa faaauau pea ona ou faitau ma tatalo i po taitasi, fesili atu pe sa moni le tusi. Ina ua maea le tatalo i se tasi po, sa ou alu i lo'u moega ma faitau

ai nisi mataupu. Na faafuasei lava ona ou faalogoina se siufogofa o ta'u mai ni upu faigofie se lima: "UA E ILOA E MONI!"

Ou te le'i faalogo muamua i le Agaga o tautala mai ia e au. Ae na ou iloaina sa silafia au e le Atua ma e alofa ia te au. Sa lofituina au ma sa le mafai ona taofi o'u loimata. Sa ou iloaina e tatau ona ou auai i le Ekalesia moni a Iesu Keriso. Sa ou malamalama ai foi i le ala na mafai ai e le faifeatalai mai Iuta ona fai mai sa ia iloa e moni le Ekalesia.

Sa ou auai i le Ekalesia ma mulimuli ane faaipoipo i se tamaitai talavou lalelei i le Malumalu o Oakland



Sa ou tago i le tusi, tilotilo atu i ona mata, ma toe tuu atu le tusi ia te ia, ma fai atu, "Ou te iloa e moni lenei tusi!"

Kalefonia. E toavalu le ma fanau ma sa matou nonofo i Kalefonia mo le 33 tausaga a e matou te lei masii atu i Iuta.

Ina ua mavae ni tausaga talu ai, sa sauniuni le ma afafine laitiit i alu i lana misiona, sa fesili mai pe ua ou taumafai e faafesootai le faifeautalai talavou sa aoaoina au.

“E tele tausaga sa ou mafaufau ai ia te ia,” sa ou tali atu ai, “peitai ou te le iloa pe faapefea ona faafesootai o ia.”

I totonus o le 10 minute na toe foi mai ma fai mai, “O lana numera telefoni lea.”

Ina ua ou maua o ia, sa umi se ma talanoaga. Sa ia fesili mai mo la’u imeli ia ia mafai ai ona “ia faamatala mai le mea ua oo i ai lona olaga.” I lana i-meli i le aso na sosoo ai, sa ia fai mai ua silia ma le 40 tausaga e lei toe avea o ia ma se tagata o le Eklesia ma sa ia faamoemoe ou te le o fiafia ai.

“E faapefea ona ou le fiafia?” Sa ou imeli vave atu ia te ia. “Na e suia lo’u olaga!”

Sa ma feimelia’i atili ma ioe ai o le a ma feiloai. E lei umi ae ou tietie atu i lona fale, lea sa ia valaaulia ai a’u i totonus ma faafeiloai atu au i lona toalua. A o ma talanoa e uiga i o ma olaga i le taimi ua fano, sa ou fesili atu ia te ia pe o i ai sana Tusi a Mamona. Sa alu o ia i le fogafale i luga ma toe foi mai ma se kopi. Sa ou tago i le tusi, ma tilotilo atu i ona mata, ma toe tuu atu i ai le tusi ia te ia: “Ou te iloa e moni lenei tusi! Afai e te faitauina le Moronae 10:4 ma tatalo e uiga i ai, e mafai foi ona e maua se molimau e uiga i lona moni.”

I masina na sosoo ai, sa ia faitau, tatalo, ma salamo. E lei umi ae toe

papatisoina o ia e lona atalii ua 18 tausaga le matua, ma sa ou maua le faamanuiaga e faamauina o ia.

Ou te iloa na musuia lo’u afafine e fai mai lana fesili, ma ou te iloa sa saunia e le Tama Faalelagi i ma’ua e toalua mo se toetuufatasiga o le 45-tausaga. Sa ou aoaoina le mana o le Tusi a Mamona. Ua ou aoao foi ia aua lava nei ou fiu i se tagata sa toe aluese mai le Eklesia. ■

Henry (Hank) Brown, Iuta, ISA

I le ogatotonu o le tausaga aoga ia Januari, sa luiina ai e lo’u peresitene o le siteki ia le siteki atoa e faitau se mataupu i le Tusi a Mamona i aso taitasi. E ui ina sa ou tau mafaufau pe faapefea ona ou maua se taimi ona o le mamafa tu o au aoaoga faaseminar, ae sa ou filifili e tatau ona talia le lui. E tatau ona ou faia e le gata e faamalosia ai au lava ia ae faapea foi ona fai ma faataitaiga mo la’u fanau ma tagata o le vasega.

Mai lena taimi sa ou faitau ai se mataupu mai le Tusi a Mamona i aso taitasi a o amata ona ou saunia au lesona o le seminare pe sauni e moe. Sa toe foi mai i lo’u olaga se agaga ma se mana sa ou le i iloaina o misi. O a’u lesona o le seminare, ia sa lelei, ua sili atu ona lelei. O vaega o le Feagaiga Tuai sa faigata ona malamalama ai, ua manino atili. Sa ou iloa foi ua ou malamalama atili i le Tusi a Mamona o se taunuuga o le suesue loloto lea sa ou faia i perofeta ma le tulafono a Mose.

O loo aofia ai le folasaga i le Tusi a Mamona le saunoaga lenei mai le Pero-feta o Iosefa Samita: “Na ou tauina atu i le usoga e faapea o le Tusi a Mamona o se tusi silisili ona sa’o i tusi uma lava o i le lalolagi, ma o le maa autu o la tatou ekalesia, ma e sili atu ona latalata le tagata i le Atua e ala i le usitaia o ona mataupu, nai lo se isi lava tusi.”

O le Tusi a Mamona o loo umia faatasi ai vaega uma o le talalelei ma o loo i ai se molimau mamana ia Iesu Keriso ma le ata o le faaolataga. Ua fesoasoani ai e faatauaina isi mea uma i lo’u olaga. Ou te faafetai i le avea ai o le Tusi a Mamona o se vaega o lo’u olaga i aso taitasi. ■

Angie Nicholas, Texas, ISA

PE NA LAVA LO’U SUESUEINA?

Na ou faitauina ma le faamaoni le Tusi a Mamona i aso taitasi talu ina o o’u talavou. E oo lava i po ou te taoto ifo ai ma le lava i lo’u moega ma le iloa e lei faia la’u faitauga mo le aso, ou te tago ai i ai ma faitau tusa lava pe na o ni nai fuaiupu.

E lua tausaga ua mavae, na talosa-gaina ai au e faiaoga i le Feagaiga Tuai i le seminare i le vaveao. Sa sili ona ou le masani i le Feagaiga Tuai nai lo se isi tusi o le tusi paia, o lea o nisi aso ou te faaaluina ai ni itula pe tolu i le fa e suesue ai ma sauniuni ia a’u lesona. Aua sa ou faaaluina le tele o le taimi i le suesueina o le Tusi Paia ma faaaliga o aso e gata ai, sa ou tuua ai le faitauina o le Tusi a Mamona i aso uma. Sa matou faitauina o se aiga i le po, ma ou te faaaogaina i nisi taimi ni mau fefaasinoai, o lea sa ou lagona ai ua lava ma totoe a’u suesuega o le talalelei i aso taitasi.



Saunia e Elder
Paul B. Pieper
O Le Fitugaafulu

O Mea Moni o le **OLAGA FAALETINO** Ua Faaalia Mai

Ua tuu tagata taitoatasi i le lalolagi i se tulaga uiga ese. E ui lava i lo tatou tulaga ese, ua faaalia mai ai e le Alii ia mea moni e uiga i faamoemoega o le olaga faaletino e faatatau ia i tatou uma. Sa ia aoao atu nei upumoni i o tatou uluai matua, o Atamu ma Eva, ma ua toe faamautinoa mai ia mea i o tatou aso.

Ou te faatatau i nei upumoni o “mea moni o le olaga faaletino.” Afai tatou te fia maua faamanuiaga atoatoa ma faamanuiaga mai lo tatou olaga faaletino, e tatau ona tatou malamalamama ma talia nei mea moni ua faaalia mai. O le le malamalamama ai, pe o le mea e sili ona leaga, o le le amanaaina ma le iloa lelei, o le a tulai mai ai le faaalu sese, le faaaogaina uma, ma atonu foi o le a matua maimau o tatou taimi i le lalolagi.

E le o lava le na ona ia taunuu mai i le lalolagi, maua se tino faaletino, ma ola ai iinei mo le olaga atoa. Ina ia anoa lo tatou taimi iinei, e tatau ona tatou ola ma oo i le faamoemoega faauuina a le Atua i le olaga

faitino—atoatoa, mae’ae’aa, ma le loto atoa—nai lo le faalavelaveina i mea e mananaia, lagolelei, ma faigofie.

Ina ua tutuliese atu Atamu ma Eva mai le Faatoaga o Etena, sa la ulufale atu i se lalolagi faaletino. Sa saunia i la’ua e le Alii mo aafiaga faaletino e ala i le aoaoina o i la’ua i mea moni o le a la oo i ai. Ou te manao e iloilo le tolou na mea moni.

A o ou amata, ia manatua e tele agaga o le muai olaga na le maua nitino faaletino aua sa latou le tausia o latou uluai tofi.¹ Ua latou faamoemoe e taofia i tatou mai le oo atu i le atoaga o le olaga faaletino. Latou te saili e taofia i tatou mai aafiaga e tau atu i lo tatou fiafia e faavavau.

Mea Moni Numera 1: E fesoasoani le galue ia i tatou e atinae ai uiga auaumama ma uiga faaleatua e tatau ai mo le ola e faavavau.

Na fetalai mai le Atua ia Atamu, “E ala i le afu o ou mata e te ai, seja oo ina e toe foi atu i le eleele” (Mose 4:25; tagai foi i le Kenese 3:19). Na

faaupuina e nisi tagata le upu a le Alii o se fetuu i luga o Atamu ma ana fanau ona o le aai i le fua faasaina. Ae peitai, sa ou faalogo i nei upu e mai se Tama alofa e faamatala atu i se atalii talavou ma e leai se poto masani i le tulaga i le lalolagi pa’ū, o le olaga nei lea e le o toe mamao ona ola ai lea o le atalii.

E pei o se tama faalelalolagi o saunia se atalii o le a tuua le aiga, sa fesoasoani ai le Tama i le uluai tagata e saunia e nofo ese ai o ia lava mai lona aiga. Sa ia faamatala atu o le galue o se mea moni fou—se mea moni o le olaga faaletino.

Na silafia e le Tama Faalelagi ia Atamu ma Eva o le a le umi ae tauivi ma elemene ma le lalolagi lava ia. E ese mai lo latou aafiaga i le Faatoaga o Etena, lea sa saunia ai mea uma mo i la’ua, o le a manaomia e le olaga faaletino ia taumafaiga faaletino ma faalemafaufau, afu, onosai, ma le faapalepale ina ia ola.

O le aoao e galue—aoaoga faamasani ma le aoai o o tatou mafaufau,

la tatou aloese mai le
manatu faapea o le
mataupu a tagata ma
pipii atu i le mea moni
ua faaalia mai e tuuina
mai e le Atua ina ia
mafai ona tamaoaiga,
atoa, ma moni la tatou
malaga i le olaga
faitino.



tino, ma le agaga e faaaogaina, ia fua mai ai, ausia, ma alualu i luma—o se mea moni faavae o le olaga faaletino uma. O se tasi o auala tatou te avea ai faapei o le Atua ma faataunuina Ona faamoemoega i le lalolagi. O le Tama Faalelagi, Iesu Keriso, ma le Agaga Paia e galulue uma lava. O la Latou galuega ma lo latou mamalu o le “faataunu o le faafuina o le tagata i le tino ola pea ma le ola e faavavau” (Mose 1:39). O le mea moni e le mafai ona i ai se mamalu e aunoa ma le galue.

O se tasi o mafuaaga autu e manao-mia ai alii e galulue o le saunia lea o mea mo o latou aiga. “O Le Aiga: O se Folafolaga i le Lalolagi” o loo lisi mai ai le “saunia” o se tasi o matafaioi e tolu na tuuina mai faapitoa lava i alii.² O se alii na te silafia le ala e galue ma saunia ai mea mo ia lava ua i ai le talitonuga e mafai ona ia faaipoipo ma saunia mea mo se ava ma fanau.

Na saunoa ia Epikopo H. David Burton, Epikopo Pulefaamalumalu o le Ekalesia: “O le galue—faamaoni ma le faamanuiaina—e aumaia ai le fiafia ma le lagona o le taua o le tagata lava ia. A mae’ ona faia mea uma tatou te mafaia e ola faalagolago ai ia i tatou lava, ia saunia mo manaoga o i tatou lava ma o tatou aiga, e mafai ona tatou liliu atu ma le mautinoa i le Alii e aioi atu ai mo mea tatou te le’i mauaina.”³

Ua matua mataalia Satani e faatau-maoia faamoemoega o le Atua ma faatoilalo o tatou aafiga faaletino. Ina ia faafetaiaia le faamamafa ua tuuina e le Tama i luga o le galue, ua faatalitonuina ai e le fili le toatele i o tatou aso e faapea, o se sini muamua lava

i le olaga o le aloese lea mai le galue. I nuu i ona po nei, e toatele tagata ua gauai atu i le sailia o galuega e totogi lelei, ae e manaomia ai nai galuega laiti e fai, teuga tupe po o faiga e mauluga ia tupe e toe foi mai e aunoa ma se taumafaiga, ma polokalama e totogi ai mea latou te mananao ai e aunoa ma se tupe latou te totogi atu. O nisi ua saili e aloese ai mai le galue e ala i le nonoina ma ola i tupe latou te faamoemoe lava e toe totogi atu. E le naunau e galulue, paketi, ma teu a e latou te lei faaluina. Ua fautuina e taitai o le Ekalesia e tatau ona tatou galulue mo le mea ua tatou maua ma ia “aloese mai aitalafu sei vagana ai o mea e aupito sili ona taua e manaomia.”⁴

O le tasi togafiti matautia a le fili o loo faaaoga i lenei tupulaga o le faatonutonu lea o naunauga masani a tagata natura e galulue ma ausia ai i totonu taunuuga e na ona faafoliga. Na tuuina e le Atua i alii talavou le manao e tauva ai ma ausia, ma le faamoemoe latou te faaaogaina lenei naunauga ina ia avea ma e e saunia ma le faamaoni mea mo le aiga. I lo tatou talavou, e mafai ona faalatoluina lenei naunauga i taumafaiga faaakatemia, afeleti, po o isi tulimataiga ia e fesoasoani e aoao atu ai le maelega, amio pulea, ma le galue. Ae ui o lea, o Satani, o le a faalavefauina lena naunauga ma faaauala atu ai i se lalolagi faafoliga manaia o taaloga vitio e uma ai le taimi nei ma le nau-nauga ma avea ai ma vaisu.

E tusa lava po o le a le malosi e te taalo ai i se taaloga vitio, e le mafai e se galuega faafoliga ona avatu ia te oe le faamalieina lea e maua i le galue

moni. O le galue moni o le tauma-faiga, maelega, onosai, ma le amio pulea e ausia ai le malamalama po o le atamai aoga, faatino se galuega e manaomia, po o le ausiaina o se sini e faigata.

Afai tatou te le aoao e galulue a o i ai i le olaga nei, o le a tatou le ausia lo tatou gafatia atoatoa ma le fiafia i lenei olaga, ma o le a tatou le atiina ae ai uiga auau mama ma uiga faaleatua e tatau ai mo le ola e faavavau.

O Le Mea Moni Numera 2: E ala i le faaipoipoga e faavavau e mafai ona tatou maua faamanuiaga e finagalo le Tama Faalelagi e tuuina mai ia i tatou.

Ua folafola mai e le Alii i le tautoga ma le feagaiga o le perisitua:

“Soo se tasi e faamaoni i le maua-inia o nei perisitua e lua o lea ua ou tautala atu . . . ma . . . le fanau a Ape-raamo, ma o le ekalesia ma malo, ma o le au filifilia a le Atua.

“O lenei foi o i latou uma o e e talia lenei perisitua ua latou talia a’u, ua fetalai mai ai le Alii;

“. . . Ma o ia o lē e talia a’u ua ia talia lo’u Tamā;

“Ma o ia o lē e talia lo’u Tamā e maua e ia le malo o lo’u Tamā; o lea, o mea uma ua i ai i lo’u Tamā o le a tuu atu ia te ia.

“Ma ua tusa ai ma le tautoga ma feagaiga o le perisitua” (MF&F 84:33–35, 37–39).

E finagalo lo tatou Tama alofa ina ia maua mea uma e Ana fanau taito-tasi—le atoatoaga, o Lona atoatoa. Ina ia maua lenei atoatoaga, “e ao i se tagata ona ulu atu i le faatulagaga lenei o le perisitua [o lona uiga o le

feagaiga fou ma tumau-faavavau o le faaipoipoga]" (MF&F 131:2).

O le faaipoipoga e faavavau ma i latou uma o e ua mamanuina e fesoasoani ia i tatou e aoao ma ia iloa o le ki lea i le mauaina o faamanuiaga e finagalo le Tama Faalelagi e tuuina mai i Ana fanau uma. E na o se aiga—se alii ma se tamaitai o e ola agavaa e ulu atu i le maota o le Alii ma ua faamanuiaga i la'ua—e mafai ona agavaa. O faamanuiaga atoa o le perisitua, e maua faatasi e se tane ma se ava po o le leai lava.

E malie i le tautoga ma feagaiga o le perisitua, ua faaaogaina ai e le Alii le veape *maua* ma le *taliaina*. Na te le o faaaogaina le veape *faauu*. O totonu o le malumalu e mafai ai e alii ma tamaitai—faatasi—ona maua ma taliaina ia faamanuiaga ma le mana o le perisitua Arona ma le Mekisateko. A uma ona taliaina e se ulugalii nei faamanuiaga i le maota o le Alii, e faamoemoe i lo latou olaga sili faaleaiga po o fea latou te atiina ae ai natura ma uiga faaleatua—ositaulaga ma auauna atu le tasi i le isi, alofa le tasi i le isi ma le faamaoni a'ia'i atoatoa, ma le loto-gatasi i lo la'ua alolofa mo le tasi i le isi ma le Atua.

Atoatoa, o le perisitua, o le aiga— o nei upu fesootai e tolu e faatatau i upu o loo li'o ai le moni o le faaipoipoga e faavavau. O le faia o mea uma i lo tatou mana ina ia avea ai le faaipoipoga e faavavau o se mea moni i lo tatou olaga faaletino, e mautinoa ai o le a tatou le faamaimauina lava lo tatou taimi i le lalolagi.


O Satani, o se taufaasese e faavavau, o loo fealualuai i o tatou aso e mimilo ma femilosa'i mea moni o le

olaga faaletino. O loo galue faasoloatoa o ia e faaumatia le uiga tonu ma le taua o le faaipoipoga i mafaufau o tane ma fafine. I ni isi, ua ia faatau atu le talapepelo faapea e le taua le faaipoipoga, ua lava lava le alofa. I isi, ua taumafai o ia e faaaoga ia faaui gaga fou o le faaipoipoga e aloaia

ai faaletulafono sootaga le mama. Ia i latou o e talitonu i le faaipoipoga e pei ona ua faamanino mai e le Atua, ua ia tuuifo i lalo lona faamuamua e faatatau i aoaoga ma le puipuiga i tulaga tautupe. Ua ia faamatua'ia ai le fefe i osigataulaga ma faigata e fesootai ma le faaipoipoga. Ona o le fefe, ua toatele ua nofoa'i ua pei o ni mea o tau galueaiina nei lo le agai i luma ma galulue i le faatuatua.

O nisi tagata, ua lofituina i manaoga o le fausiaina o fegalegaleaiga moni ae o le lagonaina o se manao mo le mafutaga ma le sootaga vavalalata

O le faaipoipoga e faavavau o le ki lea i le mauaina o faamanuiaga e finagalo le Tama Faalelagi e tuuina mai i Ana fanau uma.



faaletino, ua tosina e le faamoemoe sese i totonu o le lalolagi faafoliga. O a latou taumafaiga i sootaga vavalalata faafoliga, e mafai ona leai se mea e maua ai na o le gaogao ii, mana'ona'o, ma le maasiasi. E toatele ua tosina atu i le saili pea lava pea e aunoa ma se mea e maua, seia oo ina avea la latou mamanu o se vaisu lea e le mafai lava ona faamalieina ai.⁵ E utia i latou i se taamilosaga e faasolosolo malie ona faataumaoia ai lo latou loto e tatalia ai. E i ai lava lo latou faitalia, ae le o lava le faamoemoe i lo latou gafatia e tetee atu ai. A utia i lenei uepi, e lamatia lo latou atoaga ma le olioli i se tasi o mea moni aupito paia o le olaga nei —o le faaipoipoga e faavavau.

Afai ua utia oe i lenei uepi, saili se fesoasoani. Aua le faatali. O le faia o lena mea o le a faatuai ai lou tuputupu ae ma le alualu i luma i le olaga nei.

Suesue lou olaga. Ia mautinoa e le o faapouliuligia lou mafaufau i

manatu sese e faatatau i faaipoipoga. Ia manatua, o faaipoipoga manuia ua fausia i luga o le "faatuatua, tatalo, salamo, faamagaloga, faaaloalo, alofa, agalelei, galuega, ma gaoioiga faafafia tuufaatasi."⁶

Amata i le aso ona fausia na uiga taua i lou lava olaga. A o e faia, o le a tatalaina e le Alii le ala mo oe e maua ai le atoatoaga o faamanuiaga ua Ia saunia mo Ana fanau—le feagaiga fou ma tumau-faavavau o le faaipoipoga. Aua nei e faatagaina i lou olaga i le tino ia "faaumatia" (Iosefa Samita—Talafaa-solopito 1:39).

O Le Mea Moni Numera 3: O le tuuina atu ma le tausaina o fanau e fesoasoani tatou te atiina ae ai lo tatou malosi e avea e faapei o le Atua.

I le taimi na Ia "faamanuiaina", pe faamauna Atamu ma Eva e fatu ai le uluai aiga lea i le lalolagi,⁷ na tuuina atu e le Atua ia te i la'ua se poloaiga: ia fanafanau ia, ma uluola, ma ia tumu ai le lalolagi (tagai i le Kenese 1:28; Mose 2:28). Faaipoipoga ma fanau e o faatasi. O le mana e foafoa ai fanau e mafai ai ona fanau mai faaletino e tatau ona faaaogaina na o le va lava o se alii ma se tamaitai, ua faaipoipoina faaletulafono.⁸

Sa malamalama Atamu ma Eva o le fanauina o fanau o se mea e taua moni lava o le olaga faaletino. Sa usiusitai i la'ua i le poloaiga a le atua, "ma sa iloa e Atamu lana ava, ma sa fanauina e ia ia te ia o atalii ma afafine, ma sa amata ona latou fanafanau ma uluola i le lalolagi" (Mose 5:2). Ua ta'utino mai e perofeta i o tatou aso faapea "o le poloaiga a le Atua i Lana fanau ia fanafanau ma uluulula ai le lalolagi, ua faamalosia ma faatumauina"

I le lalolagi o aso nei, ae peitai, e toatele tagata e le o toe talitonu faapea "o fanau o le tofi lea mai le Alii" (Salamo 127:3).

I ni nai tausaga ua mavae, na oo mai ai se ulugalii e sauni e faaipoipo ia te au. Sa la fesili mai mo sa'u fautuaga e tusa ai ma fanau. Sa ou faamanatu atu ia i la'ua le poloaiga o le a la mauaina pe a faamauna i la'ua, ma sa ou fautuaina i la'ua e mafai ona la tausia lenei poloaiga i le fefautuai ai ma le Alii. Sa ou faamanatu atu ia i

Sa malamalama Atamu ma Eva o le fanauina o fanau o se mea e taua moni lava o le olaga faaletino.



la'ua o se poloaiga e pei o le sefuluai, tausia o le Sapati, po o ni isi poloaiga. O le taimi lava e faia ai se feagaiga, o le fesili e le o le pe tausia ae o le pe faapefea ona tausia i se ala e faamalieina ai ma faamaonia e le Alii.

Sa ou matauina a o amataina la la'ua faaipoipoga. Sa toe tasi le tau-saga o lona uluai faailoga, ae o le tamaitai e toe tasi le tausaga o lana polokalama o le matuaofaiva. Sa la manatu ua taitaia i laua ina ia amata loa lava lo la'ua aiga—e ui i a'oga ma le le mautinoa o ni galuega i le lum-nai. Sa le faigofie pe le talafeagai ona vave i ai o se tamaitiiti. Sa tatau ona sailia e le tane se galuega, sa tatau ona latou masii ese, ma sa tatau ona fauma le tikeri o le tamaitai. Na feagai i la'ua ma le popole ma osigataulaga. Sa tatau ona faataalise le tamaloa i le fale i aso taitasi ma vaai le pepe a o faamae'a ia le pepa faaiu ma aoaoga patino faamasani a le tamaitai. Sa sue-sue le tamaitai ma tusitusi i le va o le tausiaina o le pepe ma le suiina o ona napekini.

Ua faamanuiaina ma faauluolaina i latou e le Alii. E ui ina toatele nisi na vaea mai galuega ona o le pau o le tamaoaiga i le 2008, ae sa tumau le galuega a le alii ma siisii pea i luga. Ona sa ola i la'ua ma le fuafua tatau lelei, e leai ni a la'ua aitalafu sei vagana ai se mokesi, ma talu mai lena taimi sa mafai ona la totogiina atoa se polokalama mo le matuaofaiva e aunoa ma se aitalafu. I le taimi atoa, o loo faaauau pea ona la aoaoina ia lesona taua e mafai ona maua i le na o le avea ai o ni matua. O le fanauina o fanau e le faigofie pe lagomalu, ae o se poloaiga e

fesoasoani tatou te iloa le moni o faamanuiaga o le olaga faaletino.

O Se Meaalofa Sili


O le olaga faaletino o se tasi o meaalofa silisili ua tuuina mai e lo tatou Tama ia i tatou. E alofa o Ia ia te i tatou ma e finagalo ia tatou fa-aogaina mae'ae'a ma atoatoa lenei meaalofa. Na o le taliaina ma le taulai atu i le mea moni na faaali mai le Atua e mafai ai ona tatou faataunuina le faamoemoega lea na tatou o mai ai i le lalolagi. Ua iloa e Satani e leai se mea na te mafai ona ia faia e taofia ai i tatou mai le mauaina o le tino, o lea ua ia taumafai ai e tata'i sese i tatou mai faamoemoega lea na foafolina ai i latou—e galulue ai, faaipoipo, ma ia fanauina ni fanau.

Aua nei o tatou ola e aunoa ma se magafagafā ma aunoa ma se faamoe-moega, ma iu ai ina tatou iloa ane i le iuga ua tatou faaaluina lo tatou taimi i le lalolagi e o ese ai mai mea moni ua faaalia o le olaga faaletino ia e taua ona faataunuina ai o tatou faamoe-moega iinei. Ia tatou aloese mai le manatu faapea o le mataupu a tagata ma pipii atu i le mea moni ua faaalia mai e tuuina mai e le Atua ina ia mafai ona tatou malaga i le olaga faitino mauoa, atoa ma le moni. ■

Mai se saunoaga i le faigalotu, "O Mea Moni o le Olaga Faalelino," na tuuina atu i le Iunivesite o Polika Iaga-Idaho i le aso 19 o Fepuari, 2013. Mo le tusiga atoa (i le gagana Poretania), alu i le web.byui.edu/devotionalsandspeeches.

FAAMATALAGA

1. Tagai Aperaamo 3:26, 28.
2. Tagai i le "O Le Aiga: O Se Folafolaga i le Lalolagi," *Liahona*, Nov. 2010, 129.
3. H. David Burton, "O Le Faamanuiaga o le Galue," *Liahona*, Tes. 2009, 37.



O LE FOLAFOLAGA O LE FAATOATELEINA E FAAVAVAU

"E le o taofia mai ia i latou o e le faaipoipo po o i latou e le mafai ona maua ni fanau, ia faamanuiaga e faavavau o loo latou sailia ae, mo le taimi nei, e le o mafai ona latou au atu i ai. Tatou te le iloa i taimi uma pe faapefea pe o afea foi o le a oo mai ai faamanuiaga, ae o le a le taofia folafolaga o le uluola e faava-vau mai soo se tagata faamaoni o loo osia ma tausia feagaiga paia."

Peresitene Boyd K. Packer (1924–2015),
Peresitene o le Korama a Apostolo e Toasefululu, "O Le Molimau," *Liahona*, Me 2014, 95.

4. Neil L. Andersen, "O Le Migao mo le Atua o le Amataga o le Poto," *Liahona*, jan. 2013, 26; tagai foi i le Robert D. Hales, "Avea Ma E Faautauta i le Tuuina Atu Faalelino ma Faale-agaga," *Liahona*, Me 2009, 7–10.
5. Na saunoa mai Elder Robert D. Hales o le Korama a Apostolo e Toasefululu, "O le fai ma vaisu o le moomoo lea o le tagata o le lalolagi, ma e le mafai lava ona faamalieina" ("Avea Ma E Faautauta i le Tuuina Atu Faalelino ma le Faaleagaga," 10).
6. "O Le Aiga: O Se Folafolaga i le Lalolagi."
7. Tagai Joseph Fielding Smith, *Doctrines of Salvation*, tuufatasia e Bruce R. McConkie, 3 voluma. (1954–56), 2:71.
8. "O Le Aiga: O Se Folafolaga i le Lalolagi."
9. "O Le Aiga: O Se Folafolaga i le Lalolagi."

AUTU O LE MUTUALE 2016

"O le mea lea, e tatau ai ona outou

FETAOMI ATU I LUMA MA LE TUMAU IA KERISO,

ma se susulu atoatoa o le faamoemoe, ma le alofa i le Atua ma tagata uma. O le mea lea, afai tou te fetaomi atu i luma, ma taumamafa fiafia i le afioga a Keriso, ma tumau e oo i le iuga, faauta, ua faapea ona fetalai mai o le Tamā: O le a outou maua le ola e faavavau" (2 Nifae 31:20).

FAAMANUIAGA O LE FETAOMI ATU I LUMA

Saunia e le Au Peresitene
Aoao o Alii Talavou

O le ola o se tagata faamaoni o le Ekalesia e aumai ai faamanuiaga ofoofogia. Ae e le faapea la o le a le faigata i nisi taimi. O faaososoga, ou e le faamaoni, o luitau faaleaiga, e tele naua. O le a taumafai le mau mea e toso ese mai oe mai le ala o feagaiga.

O le mafuaaga lena o le tausaga lenei o le autu o le Mutuale, o le "fetaomi atu i luma ma le tumau ia Keriso" (2 Nifae 31:20), o loo i ai se savali mamana. Pe a outou fetaomi atu i

luma ma le faatuatua mausali ia Keriso, tumau faamaoni i feagaiga, e mafai ona faia e le Atua ni mea matagofie mo oe ma e ala mai ia te oe. Ma e mafai ona Ia fesoasoani ia te oe ia e lagona ai le faamoemoe, faamafanafanaga, ma le filemu i le taimi e tasi.

O se mea na iloa lelei lava e le Pero-feta o Iosefa Samita. Sa faatoa 14 ona


tausaga ae ia vaai i le Uluai Faaliga. A o tootuli o ia e tatalo i le Vao Paia, na osofaia o ia e se malosiaga e lei vaaia o se mana ofoofogia faapea sa faamata'uina e faumatia o ia. E na o le tuuina i ai o lona mana uma e valaau atu i le Atua na laveaiina ai o ia ma maua ai le asiasiga mai le Tama ma le Alo.

Mulimuli ane, ina ua faasoa mai e Iosefa lona aafiaga, sa tauemuina o ia e uo ma taitai i le lotoifale (tagai i le Iosefa Samita—Talafaasolopito 1:15–17, 21–26). E le'i malolo lava na sauaga, ma na iu lava ina faumatia ai lona soifua i le 24 tausaga mulimuli ane.


Ae sa agai atu pea i luma Iosefa ma le faamoemoe,



Stephen W. Owen, peresitene (ogatotonu);
Douglas D. Holmes, fesoasoani muamua
(agavale); M. Joseph Brough, fesoasoani
lua (taumatau)



PAPATISOGA



FAAMANATUGA



ma sa fiafia o ia e faia lena mea i le galuega a le Alii. A o tumau ma le mausali ia Keriso ma faaaoga le faatuatua e faia le mea sa'o, sa faamaniaina o ia e le Atua ma lagolagoina o ia. Ma o le a Ia faia foi le mea lava lena e tasi mo oe.

O le fetaomi atu i luma. Tautino atu e ola i le talalelei. Ia faamausalilau vaai i le Faaola. Ia i ai "se susulu atoatoa o le faamoemoe, ma le alofa o le Atua ma tagata uma." "[Taumafa] i le Afioaga a Keriso" Galue i lalo o le taitaiga a le perisitua. Saili ia avea ma tagata e finagalo le Atua e avea ai oe.

A o outou fetaomi atu i luma, osia ma tausia feagaiga i le ala i le ola e faavavau, matou te molimau atu o le a e maua ai le fiafia. ■

AGAI I LUMA

Saunia e le Au Peresitene
Aoao o Tamaitai Talavou

Ua e mafaufau e uiga i le mea o e agai atu i ai ma le mea e te manao e i'u i ai? O le autu o le Mutual mo le 2016 2 Nifae 31:20, ma o lenei fuaiupu e tasi ua avatu ai ia te oe ni manatu se fitu o le fautuaga e uiga i le itu e

te agai i ai i le olaga. O le a e maua ai le *taitaiga, o mea e fai, uiga faaalalia, aoaoga*, ua poloaiina ai faalelagi ma le *taui folafolaina* mo au taumafaiga. Sei o tatou vaavaai i ni upu autu i lenei fuaiupu.

Ina ia **fetaomi atu i luma** ua ta'u mai ai e manaomia ona e faia se taumafaiga moni e faasagatau ai i ni nai malosiaga tetee. E tatau ona tatou tuuina atu le malosi e ola ai i le talalelei aua o loo siomia i tatou i se lalolagi tetee i poloaiga a le Atua.

Pe o e **mausali** ea ia Keriso? Pe o e mausali ea i lou faamaoni ia te Ia?

Afai e te "tumau ia te Ia" (tagai i le Ioane 15:4) ma mulimuli i Ana aoaoga, o lona uiga o loo e mausali moni ma o le a oo moni mai lava ou faamanuia.

E faateleina lou **faamoemoe** ma le **alofa i le Atua ma tagata** pe a e

malamalama ma lagonaina e oe lava le alofa o le Atua. O lenei malamalama e tuputupu ae a o e **taumafa fiafia i afioga a Keriso**, o lona uiga, pe a e faaaogaina ma le faamoemoe moni ia afioga a Keriso i lou olaga patino.

Ma o le mea mulimuli, e tatau ona e **tumau!** Pe o se mea ea e nenefu ma faigata? O le mea moni, ina ia *tumau* e mafai ai ona faauigaina o le faaaaua pea ona e faia mea lelei o loo e faia i le talalelei—ia faifai pea au taumafaiga e agai i luma. Pe a e i ai pea ma le mausali i le ala o le talalelei, o loo e tumau.

Pe aoga ea? IOE! E finagalo lo tatou Tama alofa oi le Lagi ia i tatou e toe foi atu ia te Ia, ia maua le **ola e faavavau** faatasi ma Ia aua Na te silafia o iina o le a tatou maua ai le fiafiaga moni tumau ma le olioli i luga atu o le mea ua mafai nei ona tatou mafaufau i ai. O le mafuaaga lea i le 2 Nifae 31:20, na Ia faamatalaina manino mai ai ma le patino le mea e tatau ona fai ina ia toe foi atu ai ia te Ia. E mafai ona tatou faia lenei mea i Lana fesoasoani. Na te saunia pea lava le ala mo i tatou e fai ai le mea ua Ia poloaiina. ■



Bonnie L. Oscarson, peresitene (ogatotonu);
Carol F. McConkie, fesoasoani muamua
(agavale); Neill F. Marriot, fesoasoani lua
(taumatau)

● **FAAEEGA PAIA
O LE MALUMALU**

**FAAIPOIPOGA I
LE MALUMALU** ●

2 Nifae 31:20

O le autu o le Mutuale i le tausaga nei e fesoasoani tatou te iloa ai pe mafai faapefea ona tatou agai atu i luma a o tutu mausali ai.



TUMAU E OO I LE IUGA

“O le suega ua faatulagaina e se Atua alofa i o tatou luma e le faapeia ia vaai pe mafai ona tatou onosaia faigata. Ae ia iloa ai pe mafai ona tatou onosaia lelei. Tatou te pasia le suega e ala i le faaali atu tatou te manatuaina o Ia ma poloaiga na Ia tuuina mai ia i tatou.”

Peresitene Henry B. Eyring, Fesoasoani Muamua i le Au Peresitene Sili, “I Le Malosi o le Alii,” *Liahona*, Me 2004, 17.

O LE A OUTOU MAUA LE OLA E FAAVAVAU

E ala i le Togiola a Iesu Keriso, ua folafola mai e le Tama ia te i tatou le ola e faavavau—e avea faapei o Ia—pe afai tatou te faia ni mea faapitoa. O ni nai mau ia o loo ta’ua ai nisi o na mea:

- Ioane 3:15; 6:54
- Moronae 7:47
- Mataupu Faavae ma Feagaiga 5:22; 101:38; 133:62
- Mose 6:59



FIAFIA I LE AFIOGA A KERISO

“O le fiafia o lona uiga e sili atu nai lo le na ona tofo. O le fiafia o lona uiga o le taumafa. Tatou te fiafia i tusitusiga paia e ala i le suesue i ai i se agaga o le matagofie ua maua ma le faamaoni o le usiusitai. Pe a tatou taumamafa i afioga a Keriso . . . e avea ma se vaega taua o lo tatou natura.”

Peresitene Russell M. Nelson, Peresitene o le Korama a Apostolo e Toasefululu, “Ola e ala i le Taitaiga Faaleagaga,” *Ensign*, Nov. 2000, 17.

20 O le mea lea, e tatau ai ona outou “fetaomi atu i luma ma le tumau ia Keriso, ma se susulu atoatoa o le ‘faamoemoe, ma le ‘alofa i le Atua ma tagata uma. O le mea lea, afai tou te fetaomi atu i luma, ma taumamafa fiafia i le afioga a Keriso, ma “tumau e oo i le iuga, faauta, ua faapea ona fetalai mai o le Tamā: O le a outou maua le ola e faavavau.

O LE ALOFA O LE ATUA MA TAGATA UMA

“O le alofa o le Atua ma tagata uma” o loo aofia ai poloaiga sili uma e lua (tagai i le Mataio 22:37–40). O se isi upu mo lenei ituaiga o alofa o le *alofa moni*, po o le alofa mama o Keriso (tagai i le Moronae 7:47).



FAAMOEMOE ATOATOA LELEI

“E ui o le faamoemoe o le vaivai e tuua ai tatou i le alofa mutimutive o lo tatou lagona ma le mea na tupu, ‘faamoemoe atoatoa lelei’ e fua mai ai a tagata taitoatasi ua faasusuluina. E vaaia lo latou susulu, e vaaia foi mea ona o lena susulu! . . . O nisi taimi i le loloto o le pogisa, e leai se malamalamama mai fafo—na o se malamalamama i totonus e tatalaina ai ma ia mautinoa ai.”

Elder Neal A. Maxwell (1926–2004) o le Korama a Apostolo e Toasefululu, “Susulu o le Faamoemoe,” *Liahona*, Nov. 1994, 35.

FETAOMI ATU I LUMA

O a mea e manaomia ona outou fai a o outou fetaomi atu i luma i le ala i le ola e faavavau? Faitau le mea na faia e tagata i le miti a Liae i le laau o le ola (tagai i le 1 Nifae 8:30). E mafai ona e mafaufau i nisi faataitaiga mai tusitusiga paia?

TUMAU IA KERISO

Tumau o lona uiga o le tutu mausali, e le migoi. Faamaoni ia Keriso o lona uiga o le faatuatua e le maluelue ia te Ia ma le usiusitai i Ana poloaiga, e aofia ai le mauaina o sauniga ma osia ma tausia o feagaiga.



FETAOMI ATU ILUMA

MA LE TUMAU IA KERISO.
2 NIFAE 31:20

AOAO E UIGA I LE TAMA FAALELAGI:
O SE SUESUEGA O VAEGA I LOGA



TAIMI ANOA FAATASI MAIA

"Ina ia faamalolosia la tatou sootaga ma le Atua, tatou te manaomia nai taimi anoa e na o i tatou ai ma la. O le tauai atu ma le filemu i tatalo patino i aso uma ma le suesueina o tusitusiga pata, ia tau-mafai e le aunoa ia agavaa mo se pepa faataga aoga o le malumalumu—o nisi nei o teugaoa atamai o o i tatou taimi ma tau-mafaga ia latalatai atili atu i lo tatou Tama Faalelagi, la tatou taitaina le valaaulia o i le Salamo: 'la filemu ma ia iloa o a'u o le Atua' [Salamo 46:1]?"

Pereitene Dieter F. Uchtdorf, Fesoasani Luai le
Au Peresitene Sili, "E Uiga i Mea e Sili Ona Taua,"
Liahona, Nov. 2010, 21.

Ete tatalo i le Tama Faalelagi, ae ua e mafaufau ea pe faapei o la? pe aisea lava na ia fesoasoani ai ia te oe e saili lou ki na leiloa i le isi aso? po o le a le lelei o Lona silafia o oe? pe faapefea ona la fesoorai mai ia te oe?

Elaki, e le faapea lava ua tuai ona e aoao atili e uiga i le Atua. O lou avanoa lenei e amata ai se suesuega o mau i tufaga iloga, lea ole a e aoao tonu ai pe o le a le mafuaaga e— mafaufau ai e uiga ia te oe, le Atua o le ataulau—e faitau pilionia le mano o fanau agaga. Ae e mafai ona faigata tele ia mea iloga, o lea la ia fesoasoani lenei siata faasolo e ave oe i ihe mea e fealu i ai.

E mafai ona e filifilia se fesili i aso taitasi i luga o le stata. A O C inimene laasaga ma tali ia fesili, taumafai e mafaufau e uiga i la ouluu sootaga ma le Tama Faalelagi. Mafaufau e uiga i Lana matafaoi i lou olaga ma fesili ifo ia te oe lava po o le a se mea e mafai ona e faia e faatalata atili atu ai ia te la.

OLE AIGA ATUA

O a ni ipu e tulaga ese ia te oe? Sa i ai
ni ipu na ta'u faafia? Sue i le lomifefilo,
po o le Taiala i Tuisutisiga Paia.

Mataio 7:9-11
1 loane 1:5
Eteru 3:12

Efaapei le Atua?



E iai se isi au fesili e uiga i le Tama Faalelagi, lesu Keriso, po o le Agaga Paia? Tusi i lalo ma ia faaooga mo suesuega o tusitusiga paia i le lumanaí pe a uma au fesili o le siata faasolo. Ma aua nei galo e mafai ona e faaoogaina pumaoa e pei o le Taíala i Tusitusiga paia. Faamoni i le Focututua, ma le Talai La'u Talalelei ina ia aoao atili ai e uiga i mea o loo e suesueina!

Saunia se lesona o le afifi faaleaiga e uiga i mea na e aoaoina.

Fai se sailiga i le LDS.org mo soo se upu autu e te maua i mau. Asiasi i le lds.org/media-library e matamata i se vitio i luga o le autu.

Mataupu Faavae ma Feagaiga 93:23
Mataupu Faavae 132:22-24
Mataupu Faavae 30:44
Alema 17:20-23
Ioane 14:6-9
1 Ioane 4:7
Luka 12:6-7
Salamo 82:6
1 Samuelu 16:7

Ua ta'u mai ia i tatou e talanoa i le Tama Faalelagi i le tatalo. Ae faapefea ona talanoa mai le Tama Faalelagi ja te au?

O le a le manatu autu i mau taitasi? Taumafai e fai se aotelega i ni upu e ititi ifo ma le lima.

Mamona 7:5-7
Ioane 3:16, 35
Ioane 17:20-23

E faapefea ona tutusa le Tama Faalelagi ma lesu Keriso ae esese?

E mafai faapefea ona ou iloa le Tama Faalelagi?

E faitau piliona tagata i le lalolagi! E mafai faapefea e le Tama Faalelagi ona iloa au?



Moronae, o Lo'u Tina, ma se Lesona mo Lo'u Olaga

O le a fesoasoani lenei lesona mai le Tusi a Mamona ia te au e iloa ai e le tuulafoaiiina lava au faaleagaga.



Saunia e Louisa Hoe

Sa suia mea e tele mo au i le tau-saga na atoa ai lo'u 17. Sa ou sii atu i se aoga fou ma ou agai atu ai i lo'u tausaga lona tolu i le seminare. E le gata i lea, ae sa i ai foi so'u faiaoga seminare fou: o lo'u tina.

Pe na ou ta'ua e na o au le tagata aoao o lana vasega? Ona o le a'oga lea o le a ou a'e i ai e itula e alu ai le nofoaafi mai le mea sa ou ofo ai, sa tonu ai i lo'u tina e aoao au i le vaveao i le seminare i le fale ina ia mafai ai ona ou vave taunu i le aoga. Sa manuia au ona o lona fai-aoga ia te au i aso uma, ae sa avea foi ma se mea sa ou faaatu ai. E tatau ona ou avatu ia te ia lo'u gauai atoatoa, lea sa faapitoa lava i se tauiviga i le 5:30 i le taeao.

Ina ua ma suesueina le Tusi a Mamona, sa ma tau atu ia Moronae, o se perofeta e ese lo'u faamemelo

i ai. Ae ui i lea, ou te mafaufau pea lava: Aisea na tuua toatasi ai ia Moronae? Aisea na lei auina atu ai



AIGA: O LE FALEFAIGALUEGA E AOAO AI LE TALALELEI

"O se nofoaga e tasi e sili ona lelei tatou saili ina ia faatumulia ai i le malamalama ma le upumoni o o tatou lava aiga.... O aiga o le falefaigaluega lea a le Alii i le lalolagi e fesoasoani ia i tatou e aoao ma ola ai i le talalelei. Tatou te o mai i o tatou aiga ma se tiute paia e fesoasoani e faamalolosia le tasi ma le isi faaleagaga.

"O aiga malolosi e faavavau ma fale e faatumulia i le Agaga, e le o se mea e faafuaveta. E alu ai i taumafaiga sili, e alu ai le taimi, ma e manaomia ai tagata taitasi o le aiga e faia lana lava vaega. E eseese aiga uma, ae o aiga uma e oo lava i se tagata e toatasi e saili mo le upumoni, e mafai ona faia se eseesege."

Cheryl A. Esplin, fesoasoani muamua i le Au Peresitene aoao o le Peraimeri, "Faatumuina o Tatou Aiga i le Malamalama ma le Upumoni," *Liahona*, Me 2015, 8.



MANATU MO LE AOAOINA MA OLA AI I LE TALALELEI I LE FALE



Faamaumau uunaiga faaleagaga.

O le tusi i lalo o au uunaiga e mafai ona fesoasoani ia te oe ia e nofouata ilai ai faaleagaga, e aofia ai pe a uma ona e tatalo, faitau tusitusiga paia, pe auai foi i le faatinoina o afiafi faaleaiga.



Faasoa atu mea ua e aoaoina mai le seminare, lotu, lou suesueina o tusitusiga paia, po o ni manatu e oo mai lou olaga i aso taitasi. Faasoa atu o manatu o le a faamalosia ai isi.



Sauniuni mo afiafi faaleaiga. Mo se faataitaiga, e mafai ona fai atu i ou matua mo se tofiga, pe e mafai foi ona malilie lou aiga e tofu le tagata ma lana lauga o le konafesi e faitau po o se mataupu o se tusitusiga paia ma talanoaina faatasi i le isi a outou afiafi faaleaiga.



Aoao mai le olaga i aso uma. O a ni tulaga e manaomia ai oe e faaaoga le faatuatua? O a ni ou avanoa o i ai e tausia au feagaiga? O faapefea ona molimau ia Keriso ia mea o siomia ai oe?

O A MEA O AOAO MAI E TUSITUSIGA PAIA E UIGA I LE AOAOINA O LE TALALELEI?

“Faasaga atu ai lou loto i le faautauta.”

—Faataoto 2:2.

“O le Agaga lea e tupu mai ai le upu moni... e tai-tai e ia ia te outou i upu moni uma.” —Ioane 16:13

“Aoao le poto i lou talavou e tausia i poloaiga a le Atua.” —Alema 37:35

“Saili i le aoaoina, e ala lava lea i le suesue ma le faatuatua foi.” —Mataupu Faavae ma Feagaiga 88:118

e le Tama Faalelagi se tasi la te toalua? Aisea na lei faitio ai ina ua tuua nao ia e le Alii e faauma le Tusi a Mamona?

Na faamalamalama mai e lo'u tina, ona o lona amiontonu ma le faatuatua i le Tama Faalelagi, na iloa ai e Moronae sa lei tuua lava na o ia. Sa i ai le Tama Faalelagi ma Iesu Keriso e fesoasoani ia te ia e faamae'a le Tusi a Mamona. Sa ou iloa ai sa lei manaomia i lena taimi e Moronae se isi e faaletino iina, aua sa ia iloa sa i ai iina se tagata faaleagaga, sa vaavaaia o ia. Sa ia iloa o le a le tuua lava na o ia e le Tama Faalelagi.

Sa i ai se aafiaga tele o au i lena mea. Ua ou iloa nei o soo se taimi

lava ou te manatu ai ua na o au, ou te le na o au faaleagaga talu ai o loo ia te au le mafutaga mai a le Agaga Paia, o le e fesoasoani ia te au ia ou lagonaina le latalata atu i lo'u Tama ma Iesu Keriso. Ou te iloa a i ai lava lo'u faatuatua ma le faalagolago i le Alii, o le a ou le savali toatasi lava.

O lenei lesona faapitoa e i ai se aafiaga i lo'u faatuatua ma la'u molimau i le Tama Faalelagi ma Iesu Keriso. E ui lava sa ou popole i le faia o le seminare i le fale, a o lea ua ou faafetai tele ona sa ou maua ai ni aafiaga faapitoa e aoao faatasi ai ma lo'u tina. ■

E alaala le tusitala i Sigapoia.

O LA TATOU AVANOA



MAUAINA O LA'U ASOA A TAMAITAI TALAVOU

Ua ou matua fiafia lava ina ua maua lo'u taui o le Aloaiaina o le tulaga Faatamaitai Talavou. Ou te mitamita e fai atu, sa ou tausia au lava ia atoatoa ma mama ma e mafai ona ou ulaina la'u asoa ma le mitamita. "O le ava amio lelei, o ai ea se ua maua? e silisili lona tau i penina." (Faataoto 31:10).

E matagofie tele le faalapotopotoga a Tamaitai Talavou. E fesoasoani ia alualu i luma ia tamaitai talavou ma saunia i latou lava mo se faaipoipoga

i le malumalu paia. Ou te faafetai i lo'u Tama Faalelagi mo lenei faalapotopotoga. E ala i le mauaina o la'u asoa, ua ou faamaeaina ai se tasi o sini sa ou faatuina mo lo'u olaga, ma ou te iloa e mafai ona ou faaauau pea ona faia mea lelei e tele i le galuega a le Alii.

Katherine Moreno, Venezuela

O A TATOU TALENI E MAFAI ONA FAIA LE LALOLAGI O SE NOFOAGA E SILI ATU ONA LELEI

Faatasi ai ma le fesoasoani a lo'u tina ma lo'u uso, sa ou valiina ai se fu'a mo taaloga a le Aualofa na faia i la matou siteki. Sa fautuaina atu a'u e lo'u tina i le peresitene o le Aualofa a le matou siteki, lea na talosagaina au e fai le latou fu'a mo i latou. Sa ou taliaina la latou talosaga ma amata ona faia na o ni faataitaiga. E ala i a'u taumafaiga tuufaatasi ma lo'u aiga, sa mafai ai ona matou fatuina se galuega matagofie o faatufugaga e aumai ai le autu, "Saili Le Faatusala ma le Olioli i le Tulaga Faatina." ma le Olioli i le tulaga Faatamaitai."

Ou te iloa afai tatou te faaaogaina a tatou taleni e auauna atu ai i isi tagata, e le gata ina tatou avatu ai le fiafia ia i latou ae faapea foi ona atinae ai o tatou lava tomai. E faamanuiaina e le Alii i latou o e faaaogaina a latou meaalofa mai ia te Ia e fausia ai Lona malo. Pei ona aoao mai le faataoto i taleni, afai tatou te le faasoaina a tatou meaalofa i isi, tatou le toe maua na meaalofa (tagai i le Mataio 25:24–29). Ae afai tatou te faaaogaina a tatou taleni mo le

lelei, e mafai ona e faia le lalolagi o se nofoaga e sili atu ona lelei.

Vanessa Pamittan, Filipaina



O LE A SE MEA E MAFAI ONA E AOAOINA MAI LE TIUTE I LE ATUA

Toaaga e auai i gaoioiga o loo i le *Faataunuina o Lo'u Tiute i le Atua* e manaomia ai lou loto atoa, o le faapaiaga, malosi, ma sili atu nai lo soo se mea, o le faatuatua. E moni lava e musuia le tiute i le Atua.

A o talavou, e mafai ona e aoao ai mea ofoofogia e mafai ona e faaaogaina i lou olaga atoa e ala i le faamaeaina o le sini i le Tiute i le Atua: faaleagaga, faaleolaga nei, faaletino, ma le tele o isi.

E mafai ona ou fai atu, e matua aoga ai lava le taumafaiga ina ia tuuto oe lava i le faamaeaina o nei sini. Ua ou aoao e avea ma se tagata sili atu ona lelei, ua faatupulaia la'u molimau o le talalelei a Iesu Keriso, ma ua sili atu ona ou saunia au lava ia maua le Perisitua Mekisateko. E faamalieina lava le iloa o le a mafai ona avea a'u ma se faataitaiga lelei i la'u fanau i le lumanai i se aso ona ua ou ausia lenei sini matagofie, ma le taua.

Jonathan Argüello, Venezuela



SA SILI ATU SE MISIONA NAI LO LE MEA NA FAAMOEMOEINA

Ao talavou, sa ou tulimatai atu i ale aso ou te auauna atu ai o se faifeatalai faamisiona. Ina ua ou ulufale atu i le galuega faamisiona, sa ou iloaina o le galuega faafaifeatalai e le o le mea lea sa ou faamoeina—sa sili atu ona lelei. Sa faigata atu nai lo le mea sa ou manatu ai, ae o le faamalieina na oo mai i le faia o le mea na poloaiina ai au e le Alii sa le mafaamatatalaina.

Ou te lei iloaina muamua le olioli i le fesoasoani atu i se tasi e alu i le lotu. Ou te lei lagonaina muamua le

fiafia i le faalogo atu i se tasi o fai mai, "Ioe, susu mai i totonu" ina ia mafai ona latou faalogo i le talalelei toefuatiiina. Ou te lei lagonaina muamua le moni o le mana lea na oo mai ao ma tautino atu le salamo. Ou te lei tatalo muamua ma se loto faamaoni. E lei i ai se taimi muamua na vave ai ona alu le itula o suesuega o tusitusiga paia. Ou te lei iloa muamua so'u tagi i le iloaina o o'u le atoatoa. Ou te lei iloa muamua le faatafunaga e oo mai i upu, "Ia lua Susuga, faamolemole aua lua te o mai i lo'u fale." Ou te lei

iloa se taimi muamua na pei ai o le tele o lo'u limamatua se mafo'e o lo'u vae. E lei i ai se taimi muamua na ou lagonaina ai lo'u puipuia. E lei i ai se taimi muamua na ou lagonaina ai le tele o lo'u tiutetauave mo a'u amioga, aua na ou tauaveina le suafa o "Iesu Keriso" i lo'u fatafata.

E lei i ai se taimi muamua na ou matua latalata ai i lo'u Tama Faalelagi ina ua ou i ai i la'u misiona talai.

Nahuel Cabranes, Peru



**Elder
Neil L. Andersen**
O le Korama
a Aposetolo e
Toasefululua

PE FAAPEFEA ONA FETAOMI ATU I LUMA

Fetaomi atu i luma e faatatau i se mea e sili atu nai lo le na o le agaigai i luma. Fetaomi atu e ta'u mai ai o i ai se mea o loo taofiofia ai lou agai i luma ma e tatau ona e tuleia. Ina ia agai i luma i lenei olaga, e tatau ona e fetaomia i autafa ia faaosoosoga, fetaomi atu i faafitauli, fetaomi i lalo o ou vae le masalosalo ma le fefe, ma talileleia ia uiga auau mama paia o le faatuatua, faamoemoe, ma le alofa.

E faapefea ona e faia le fetaomi atu i luma? Na tali Nifae “O le mea lea e tatau ai ona outou fetaomi atu i luma ma le tumau ia Keriso ma se susulu atoatoa o le faamoemoe ma le alofa i le Atua ma tagata uma” (2 Nifae 31:20).

Fetaomi atu i luma ma le tumau ia Keriso o lona uiga **o le faatuatua ia te la**. O lona uiga **ia faia o la o le taulaiga autu o ou mafaufauga ma amioga**. Afai o Ia o loo e mulimuli ai, o le fetaomi atu i luma o le mea sili fou lea.

Fetaomi atu i luma o lona uiga o le **tuleia ese** “o faaosoosoga ma mea e popole ai” o le lalolagi ma **tausia poloaiga** ma le atoatoa. “Afai tou te alolofa mai ia te au,” na fetalai ai Iesu, “ia outou tausi mai i a'u poloaiga” (Ioane 14:15).

Ua faaopoopo e Nifae faapea, ma le tumau ia Keriso, ma se susulu atoatoa o le faamoemoe, ma le alofa i le Atua ma tagata uma. E soisoi mai i o tatou luma ma le susulu le faamoemoe. Tatou te maua ai le filemu e oo lava i faigata. O le avea ma soo e mafai ai ona tatou vaai i lo tatou faamoemoega moni i le lalolagi. O na faamoemoega e taulai atu i le **fesoasoani i o tatou aiga, o i latou tatou te alolofa i ai, ma i latou o siomia ai i tatou**. E aofia ai le **fausia o le malo o le Atua**, ma a tatou faia, e avea i tatou ma tagata e tatau ona avea ai i tatou.

Ua ta'u mai e Nifae ia i tatou e tatau ona tatou fetaomi atu i luma, **ma tau-mamafa i afioga a Keriso**. Ua ia faamatala mai ia i tatou o le meaalofa o le Agaga Paia, e mafai ona tautatala (ma malamalamai ai i) le gagana a agelu (tagai i le 2 Nifae 32:2–5). Ua ou iloa lena siufofoga. O se leo e tatau pea lava pea ona tatou saunia e faalogo ai.

A o e fetaomi atu i luma ma le amiontonu, o Iesu Keriso “o le a taitai atu ai outou i le ala” (MF&F 78:18) ma o le a e iloa ma le mautinoa e sili atu o Lona moni ma Lona alofa mo oe. A o e fetaomi atu i luma i le faatuatua, o le a ta'u atu e le Agaga Paia ma faaali atu ia te oe o mea e tatau ona e faia (tagai i le 2 Nifae 32:5). ■

Mai se saunoaga na tuuina atu i le Iunivesite o Polika Iaga-Hawaii i le aso 14 Tesema, 2013.



O FAAPEFEA ONA E FAAAOGAINA LENEI MEA?

O la'u mau ou te fiafia i ai o le Mareko 4:39 ona o nei upu na fetalai i ai le Faaola: “Faalologo ia, ina malu ia.” E pei lava ona gotouga le au soo i le matautia o le afa, e faapena foi ona ou gotouga i le faanoanoa e aunoa ma se faamoe-moe e mafai ona sao mai ai. E mafai ona tupu lena mea i soo se tasi. Ae sa ou aoaoina e mafai e le Faaola ona faatoofilemuina ia afa moni i le na o na fetalai atu i na upu faigofie. Afai e mafai ona la faatoofilemuina se afa moni, ona ou fiafia lea i lo'u iloa ai afai e tuu atu lo'u faatuatua ia te la, e mafai e la ona faatoofilemu i afa o le olaga i aso fai soo.

Anneka W., 18, Iuta, ISA


TUUSAO I LE MATAUPU

O la'u **UO** ua
tafetafea ese
mai le Eklesia
ona ua ula i ai isi.
O le a le mea e tatau
ona ou faia?

O mea sili ona lelei e fai i lena tulaga o:
(1) ia agalelei, alofa, ma taliaina lau uo
(2) aua lava nei faaluafesasia lau molimau.

Afai e te faia nei mea, o le a faamoemoe lau uo e lagonaina lou alofa ma taliaina o ia ma manao e te lua mafuta. E le gata i lea, o le a faamoemoe e iloa e ia le mataga o le tauemu ma le aamu ma soo se tasi e tatau ai lana faamemeloga ma lana faauooga o le a le osofaia ia talitonuga o se isi tagata faapena.

E mafai ona avea lau faataitaiga ma se tasi o mea sili e mafai ona maua e lau uo. Ia e faapei o na tagata mai le miti a Liae na aai i le fua o le laau o le ola ma na tauemuina e i latou i le fale tele ma le vateatea, ae “le amanaia i latou” (1 Nifae 8:33). Afai e vaai mai lau uo ia te oe o faatumauina ou talitonuga ma tu atu ma le mamalu, faaaloalo, loto fiafia, i aamu a isi, e mafai ona ia vaai mai faapea e mafai foi e ia ona faia le mea lava lena. Pe afai o loo i ai lava se fatu o le molimau i lona loto, o le faataitaiga e te faia ma le molimau e te tuuina atonu o nisi ia o mea e fesoasoani ia te ia e lagonaina ai le Agaga ma manatua mea sa ia iloaina muamua. ■




**O le a letulaga o le Eklesia
i taaloga faitupe?**

O le Eklesia e tetee i soo se ituaiga o taaloga faitupe uma e aofia ai lulu (tagai i le *Tusitalima 2: Taitatina o le Eklesia* [2007], 21.1.19). E faigofie lava le mafuaaga ua fautua-inia ai i tatou ia le maimauina ai o tatou taimi ma tupe: “O taaloga faitupe e sese. . . . E avea ma vaisu ma e mafai ona taitai atu ai i avanoa e gau ai, faaleagaina o olaga, ma aiga malepe-lepe. E sese le talitonuga faapea e mafai ona e mauaina mai se mea e aunoa ma le faaluina o se mea” (*Mo Le Malosi o le Autalavou* [tamaitusi, 2001], 41). ■

IA AVEA LE ATUA MA Au Tusiata

E mafai ona sili atu lou olaga nai lo le mea e mafai ona e mafaufauna.

Saunia e David Dickson
Mekasini a le Ekaleisia



Tele mea e mafai ona e faia i le olaga e ala i le fuafuaina tatau o mea a o faagasolosolo. Pe o le uiga o lena mea o le le amanaiaina o faatonuga tusiata i le ala e tuufaatasia ai se meafale lea e sa aumai i se faitaumiliona o fasimea po o le aoaoina o oe lava e tata se mea faifaaili e ala i le soona taina o soo se nota e malie lona fati, o lou gafatia e aoao e ala i tofotofoga ma mea sese e leai se tuaoi.

Na pau lava le mea, e masani ona le faigofie tele lena auala.

Vaai faalemafaufau i se mea moni e faigata. Ae faapefea pe afai sa e nafa ma le fausiaina o lou lava fale ma sa i ai mea faufale uma i ou luma. Pe mata e mafai ona e vaai faalemafaufau i lena faaputuga tele o mea? O laupapa, fao, paipa, uaea, meafaigaluega, ma isi mea uma e te manaomia e fausia se fale matagofie mo oe ma lou aiga.

Mata e te manao pea lava e faia a o e faagasolosolo? Po o le a e manao i se fesoasoani mai o se tagata e iloa moni pe faapefea ona faaaogaina le tele o nei anomea?

E faapena foi lo tatou ala i le olaga. Tatou te manaomia uma se fesoasoani e fausia o tatou olaga. Ma e leai se faufale sili atu ona lelei e liliu atu i ai nai lo le Atua.

E pei ona faamatala mai i le *Mo Le Malosi o le Autalavou*: “O le a sili atu mea e faia e le Alii i lou olaga nai lo le mea e mafai ona e faia na o oe lava. O le a ia faateleina ou avanoa, faalauatele lau vaai mamao, ma faamalosia ai oe. O le a ia tuuina mai ia te oe le fesoasoani e te manaomia e faafe-taiaia ai ou tofotofoga ma luitau. O le a e maua se molimau malosi atu ma maua le olioli moni pe a oo ina e iloa lou Tama oi le Lagi ma Lona Alo o Iesu Keriso, ma lagonaina lo Laua alolofa mo outou” ([2011], 43).

Pe a tatou usitai i poloaiga a le Atua ma faaaofia ai o Ia i a tatou fuafuaga, e avea i tatou ma e e manaomia ona avea ai i tatou—ae le o e sa tatou manatu sa tatou mananao i ai.

O ni nai tagata nei o e, faatasi ai ma le fesoasoani a le Atua, na mauaina se fuafuaga e sili atu nai lo le fuafuaga sa filifilia e i latou lava.

Lafoai Ese Faiga Vevesi

I se vitio faasolo i le mormonchannel.org, ua faasoa mai e se alii talavou e igoa ia Bubba lana tala e uiga i le auala na agaigai atu ai lona olaga mo faalavelave matuia.¹ Sa tupu ae i se fale e vevesi, lea na fasiotia ai lona tama ae na o le tolu tausaga le matua o Bubba.

Sa ola ae Bubba ma filifilia le ola lava e tasi sa ia vaai i ai i taimi uma. Sa auai atu o ia i se kegi ma amata ona fufusu mo soo se tasi e faalavelave atu ia te ia. E oo atu i le aoga mauluga, ua ia iloa e le o toe mamao ae falepuipui. Ma e lei popole i ai o ia.

Na faasalavei ane le Atua. I lenei fetaulaigaala matautia i lona olaga, sa feiloai ai Bubba ma se aiga o le Au Paia o Aso e Gata Ai lea na faaali atu ia te ia le alolofa ma le agalelei. E lei mafuta lava o ia ma ni tagata faapea muamua—o tagata sa faaali atu ia te ia le mutimuti alofa ma le agalofo. Na amata ona ia faaaluina se taimi tele ma i latou i le mea e mafai ai. Ina ua ia fesili atu i le aiga pe aisea sa latou galulue ai i le ala na latou faia, ae sa fai mai ona o lo latou faatuatua ia Iesu Keriso.

Sa manao o ia e iloa ai le mea na latou iloa. Sa amata ona tatalo o ia ma suesue i tusitusiga paia. Ma e lei umi ae sa ia lagonaina se mea na te lei lagonaina muamua. “E mautinoa lava o loo i ai se Atua, ma e alofa o Ia ia te au!” O le tala lea a Bubba. Faatasi ai ma le fesoasoani a le


Atua, sa amata e Bubba ona toe fausia lona olaga faatasi ma Iesu Keriso o le faavae, ma tuua ai lona olaga tuai i tua.

“Na suia lo’u natura. O le tagata ola ua avea ai nei au ua ese nai lo le mea sa ou i ai. O lenei ua ou i ai so’u faamoe-moega. Ua i ai so’u taunuuga,” o lana tala lea. “Ua i ai se mea ou te alu i ai.”

O aso nei ua vaai Bubba i lona lumanai i le malamalamo, faatuatua, ma le faamoe-moe. “Ua ou iloa e na o Iesu Keriso, o lo’u faatuatua ia te Ia, o le a fesoasoani e ave a’u i le mea ou te manao i ai,” o lana tala lea.²

Suia o le Itu

Na faasoa mai e Peresitene Hugh B. Brown (1883–1975), o se tasi o le Korama a Aposetolo e Toasefululu, ma le Au



Pe a tatou usitai i poloaiga a le Atua ma faaaofia ai o la i a tatou fuafuaga, e avea i tatou ma e e manaomia ona avea ai—ae le o tagata na tatou manatu tatou te mananao e avea ai.

Peresitene Sili, se aafiaga lea na sili atu ai le mea na faia e le Atua i lona soifua nai lo le mea semanu e i ai pe ana faia e ia lava.

Sa tautua Hugh i le militeli a Kanata ma sa i ai i le tulaga e siitia ai e avea ma se ofisa sili. Sa galue ai, ma le faamoe-moe, ma tatalo mo lena siitaga mo le 10 tausaga.

Ae ui o lea, ina ua oo ina avanoa lea tulaga, na pau le mea na le faitaulia ai o ia ona o ia o se tagata o le Ekalesia. Ona pau lava lea o le mafuaaga moni, ma sa latou ta'u atu ia te ia lena mea.


Sa ita tele Hugh. Fai mai a ia: "Na ou oso i luga o le nofoaafi ma toe foi atu . . . ma se loto nutimomoia, ma le oona ua i ai i lo'u agaga. . . . Ina ua ou taunu i lou faleie, . . . na ou atoina lo'u pulou i luga o le moega. Na uumau a'u moto, ma faalālā atu i le lagi. Sa ou fai atu, 'E faapefea ona e faia lenei mea ia te au, le Atua e? Ua ou faia mea uma ou te mafaia e tatau ai. E leai se mea sa mafai ona ou faia—sa tatau ona ou faia—ou te lei faia. E faapefea ona e faia lenei mea ia te au?' Sa pei a'u o se āu oona."³

Ona manatua lea e Hugh o se aafiaga mai ni tausaga ua mavae. Sa i ai taimi na ia faatauina ai se faatoaga sa tuulafoaiina, ma sa i ai se vine ua soona ola feti'i. A le salaina, o le a fua lava. Na pau le mea sa manao e fai o le tupu maualuga a'e.

O lea na matua teteu ai e Hugh. Mulimuli ane, na ia vaaia ni nai mataua i pito o lala uma sa tatipi ese. Sa foliga mai o ni loimata. "O au o le teufanua iinei," sa ia fai atu ai i le pupu vine. Sa iloa e Hugh le mea sa ia manao ia avea ai lena pupuvine, ma e le o se laau paolo.

Na oo mai lena aafiaga i lona mafaufau a o ia tauivi ma le ita ona o le le faitaulia o ia i le siitaga. "Sa ou faalogoina se leo, ma sa ou iloaina lenei leo. O lo'u lava leo, ma na faapea mai le leo, 'O au o le teufanua iinei. Ou te iloa le mea ou te manao e te faia.' Na alu ese atu le oona mai lo'u agaga, ma ou faapa'u ai i ou tulivae i talaane o le moega e talosagaina le faamagaloga mo lo'u lē loto faafetai. . . .

" . . . Ma o lea ua toeitiiti 50 tausaga mulimuli ane, ua ou vaai atu i le Atua ma faapea atu, 'Faafetai atu i lau Susuga a le Teufanua, mo le tipiina o au i lalo, mo le lava o lou alofa ia te au ina ia ou mafatia.'"⁴



**"O au o le teufanua iinei. Ou te iloa
le mea ou te manao e te faia."**

E lei avea lava Hugh o se ofisa sili o le fitafita. Sa i ai i le Alii isi fuafuaga mo Peresitene Brown. I le avea ai o le Alii ma ana tusiata, na avea le soifua o Peresitene Brown o se fausaga silisili.

Fausia mai Momoimea

O le valaauna o se "tamaitiiti o seoli" e se perofeta a le Atua atonu e le foliga o agai atu lou olaga i se itu lelei. Ae o le mea tonu lena na tupu ia Seseroma, o se loia i le Tusi a Mamona. (Tagai Alema 11:23.)

Sa talai atu Alema ma Amoleka i le laueele lea sa taumafai ai Seseroma ia maua tupe i le avea ai ma se loia e ala i le faaosoina o tagata faasagatau ia Alema ma Amoleka. Na taumafai Seseroma e faasese Alema ma Amoleka i ana fesili, ae sa latou tali atu, ma aoai ia te ia. Na faaalia e le Agaga ia i la'ua ia mafaufuga o Seseroma. (Tagai Alema 11–12.)

A o faaauau le talanoaga, sa ofo Seseroma ma ua le magagana. Sa amata ona ia iloa ona sese ma lagona le tausalaina ogaoga i ana agasala, ma le mea na ia faia e taitai ese ai tagata. E lei umi ae taumafai o ia e toefaafoi nisi o mea sa ia faatamaiaina, ma faapea atu,

"Faauta, ua ta'usalaina a'u, ma o nei alii e leai ni pona i luma o le Atua"
(Alema 14:7).

Ae e le'i aoga. Sa tuliese e tagata ia Seseroma mai lo latou aai. O lona tausalaina ma le faanoanoa i luga o le mea na ia faia—e aofia ai le fefe sese ona o lana talaiga e faasaga ia Alema ma Amoleka na taitaiina atu ai i lo latou oti—na mafua ai ona gasegase Seseroma i le fiva, "mū o ia i se vevela mumū" (Alema 15:3).

O le fausaga na ia fausia mo lona olaga sa solovi ifo i lona faavae. Ae e le o iina na i'u i ai le tala ia Seseroma.

O le taimi lava na ia iloa ai o loo ola pea ia Alema ma Amoleka, na lototele ai Seseroma ma talosaga atu ia la o mai ia te ia. Ina ua omai i la'ua, na talosaga atu Seseroma ina ia faamaloloina. E ala i lona faatuatua na faamaloloina atoa ai Seseroma. Ona papatisoina lea o ia ma ua amata ona talai atu ai mai le taimi lena (tagai i le Alema 15:11–12).


Ua faatoa amata le olaga fou o Seseroma, ua avea le Atua i le taimi nei ma ona tusiata.

I Tala Atu o le Samala ma Fao

O le tala e lelei o le, e lei fuafuaina lava faapea e tuua na o i tatou i le olaga. E finagalo le Atua e fesoasoani ia i tatou i laasaga uma o le ala. Ma pe a tatou tuu atu ia te Ia e fesoasoani mai, o le a leai se tapulaa o mea e mafai ona avea ai i tatou. ■

FAAMATALAGA

1. "Lona alofa Tunoa" vitio faasolo, mormonchannel.org.
2. "From Gang Member to 'Good Man'" (vitio), mormonchannel.org.
3. Hugh B. Brown, "O Le Pupu Vine," *Liahona*, Mat. 2002, 24; *New Era*, Jan. 1973, 15.
4. Hugh B. Brown, "O Le Pupu Vine," *Liahona*, 22, 24; *New Era*, 14, 15.
5. Neal A. Maxwell, "O Le Tali i se Valaauga," *Ensign*, May 1974, 112.



FAALETINO MA LE FAAVAVAU

I lenei olaga ua tatou maua ai ni avanoa se tele e faaaoga ai lo tatou faitalia. O fesootaiga faalauaitele, laulioa, ma uo atonu e foliga mai e fai lava si taua i lenei olaga, ae i le iuga o le malo o le Atua o le mea lea o le a taua. O loo i ai se upusii ou te fiafia lava i ai lea na saunoa i ai Elder Neal A. Maxwell (1926–2004) o le Korama a Aposetolo e Toasefululuia i le konafesi aoao: "Afai e te le filifilia muamua le malo o le Atua, o le a leai lava se eseesege i le faaiuga po o le a le mea na e filifilia."⁵

O nisi taimi tatou te matuai taulai atu i lenei olaga, e galo ia i i tatou mea e sili ona taua. Afai e mafai ona tatou aveesea le veli mai ia i tatou, o le a sua la tatou vaaiga atoa. O le a tatou lotomualalo atili ma tuuina atu se taua tele i le Alii ae le soona faatauaina le tagata.

Ou te talitonu ou te manao e amiotonu ma mulimuli i le Atua. Ou te manao i ai sa'u vaaiga e faavavau, ina ia mafai ona ou ulu atu i Lona malo silisili ese. O le a sili atu nai lo le mauaina o tupe ma le pule o le lalolagi. I lenei olaga o e a na o sina taimi tatou te ola ai pe a faatususa atu i le faavavau. O le mamalu o le a tatou maua o le mamalu e faavavau.

Isapela A., 19 tausaga, Mekisiko

Tutu Maualuga i Itiopia

Saunia e Amie Jane Leavitt

E alaala le tusitala i Iuta, ISA.

O lou igoa o
Tsion!

Ou te nofo i Itiopia, o se atunu i Aferika i sasae.
Ou te fifia e taalo soka ma faitau tusi. Ma ou te
manao e avea o se fomai pe a ou matua. Ou te
taumafai e tu maualuga e ala i le ola ai i le
talalelei i aso uma, ma faasoa
atu i au uo!

PE NA FAAPEFEA ONA OU MAUA SE MOLIMAU

*Sa ou sau i le lotu mo le
taimi muamua ina ua
valu o'u tausaga.
Sa ou faitauina le
Tusi a Mamona,
sa ou faalogo i
faifeautalai, ma sa
ou tatalo. Na ta'u
mai e le Agaga e
moni le Eklesia,
ma sa ou manao
e papatiso. Ua ou
fifia i le talalelei.*



O MANATU O TSION MO LE TUTU MAUALUGA

- la maua se molimau mo oe lava ia.
Faitau i tusitusiga paia ma tatalo.
- Faasoa atu lau molimau ma avea
o se faataitaiga lelei i au uo.
- Alu i le lotu i Aso Sa uma ma ola
i tulaga faatonuina o le talalelei.

FESOASOANI I LO'U AIGA

E masani lava ona savavali lo'u aiga i le lotu, ma e tusa ma le itula matou te savavali ai. Pe a le lava lo'u uso laitiiti, ona sii lea e lo'u uso pe ou te fafaina foi. Ou te fesoasoani i le fale i le fufuluina o ipu ma faamama le fale.



FAASOAINA ATU O MEA UA OU ILOA

Ou te faamatala i a'u uo i le aoga e uiga i le talalelei toefuataiina. E masani ona fesili mai se tasi uo ia te au e uiga i le Eklesia—ona faafuasei lea ona tuu. Sa ou fesili atu ia te ia pe aisea. Sa fai mai o ia ua le fafia ona matua. Ou te faamoemoe e i ai se aso o le a suia ai mafaufau o ona matua.

AUINA MAI IA I MATOU LAU TALA

E faapefea ona e faia e mulimuli ia lesu e ala i lou tu maualuga? Auina mai ou aafiaga ma se ata, faatasi ai ma le faatagaga a ou matua. Auina mai e ala i le imeli mai i le liahona@ldschurch.org.



O LO'U VALAAUGA I LE EKALESIA

O le vaega ou te fafia lava i ai i le lotu o le sauniga faamanatuga. Ou te taitaia musika.

Ou te fafia e aoao e uiga i le talalelei. O la'u tala tusi paia ou te fafia i ai o le tala ia Tavita ma Koliata. O le pese ou te fiafa i ai o le "O Tala o le Tusi a Mamona."



O LE UIGA O LE TUTU MAUALUGA IA TE AU "Tutu Maualuga" o lona

uiga o le ola ai i le talalelei i aso uma. E finagalo le Tama Faalelagi ma lesu ia ou molimau atu ia i La'ua! Ou te manao i a'u uo uma i le lalolagi atoa e faasoa atu le talalelei i a latou uo.



Atili Lelei le Faitau i Aso Uma

Saunia e Marissa Widdison
ma Sonia Quenallata

E faavae i se tala moni

Sa susue e Iosefa le itulau i Slana tusi. Na faauu o ia. Toe lua ana itulau ona uma lea.

“O a mai oe?” O le fesili lea a mama.

“Ou te fiafia e faitau,” o le tala lea a Iosefa. “Ae e gese tele. E faapefea ona aoao ia atili lelei la’u faitau?”

“E i ai so’u manatu,” o le tala lea a Tina. “Faitau se mataupu o le Tusi a Mamona i aso uma. O le a fesoasoani e atili lelei ai lau faitau.”

Na taumafai Iosefa. I le taimi muamua sa umi se taimi. Sa tatau ona ia faaleoina upu uumi. Ae sa ia faitau i aso uma. E lei leva ae mafai ona ia faitaua le sili atu ma le tasi le mataupu.

Na mavae atu vaiaso e lua. Sa sii atu le faailogatusi a Iosefa mai le 1 Nifae i le 2 Nifae. Ona oo lea i le tusi a Iakopo!



016



7

14

21

28

1

8

22

29

23

30



I se tasi po ua oo le faasologa ia Iosefa e faia le lesona i le afiafi faaleaiga.

“Ua ou iloa le mea e fai!”
Sa mafaufau ai Iosefa. Sa ia aumaia le tusi o *Tala o le Tusi a Mamona*. E i ai upu ma ata. Na susueina itulau seia oo ina ia maua le tala tonu lava.

Sa faitau e Iosefa le tala i lona aiga. Sa ia faitauina upu puupuu, e pei o le *vaa*. Sa ia faitauina upu uumi e pei o le *poloaiina*. Ua leva ona tusia e Perofeta nei upu. Sa faigofie ona faitau ia upu.

Ina ua uma le tala, sa loimata mata o Mama.

“O a mai oe, Mama?” O le fesili lea a Iosefa.

“Ioe,” na fai atu ai Mama.


“Ua ou fafia. Sa e galue malosi.”

Sa faaali atu e Iosefa se ataata tele.

“O loo ou faitau i aso uma, e pei lava ona e fai mai ai.”
Sa ia faaali atu ia Mama lana Tusi a Mamona. Sa i ai lana faailogatusi i le tusi a Alema!

E i ai se aso o le a i ai le faailogatusi a Iosefa i le faaiuga o le tusi. Ona mafai foi lea ona ia toe amataina! ■

E alala le tusitala i Iuta, ISA.



Saunia e Elder
Robert D. Hales

O Le Korama
a Apostolo e
Toasefululua

E mafai faapefea ona ou maua SA'U LAVA molimau?



O le a tuputupu ae lau molimau ao e aaoao e uiga i le Tama Faalelagi ma Iesu Keriso.



E mafai ona e aaoaoina mai le
faitauina o tusitusiga paia.



E mafai ona e aaoaoina mai aaooga ma molimau
a ou matua ma faiaoga.



A o tamaitiiti,
o le auala lenei
sa ou iloa ai
mo au lava ia.



Pe a e faia mea
e sa'o, o le a fesoasoani
le Agaga Paia ia te oe.



Saunia e Elder
Chi Hong
(Sam) Wong
O Le Fitugafulu

O Le Taulaga Anapogi a Uilifoti



Le tasi aso sa ou vaai i lo'u atalii matua, o Uilifoti, o sauniaina se teutusi o le sefuluai. Masalo pe tusa ma le lima tausaga le matua i lea taimi. E le faigaluega Uilifoti e maua ai se tupe, o lea sa ou mafaufau ai pe aisea na ia totogiina ai le sefuluai. Ina ua ou fesili atu ia te ia, sa ia fai mai o la sa totogia se taulaga anapogi.

Sa lei tele ni tupe a Uilifoti lava ia. Ae sa fiafia lava o ia e totogi se taulaga anapogi.

Sa faagaeetia au i lenei faatinoga o le agalelei. Sa ou fesili atu ia te ia pe aisea na ia filifili ai e faia lenei mea.

Na tali mai Uilifoti, "E leai ni mea ou te manaomia. Ae ou te iloa e i ai isi e i ai mea e manaomia." Sa ia iloa o le a fesoasoani lana tupe i tagata. Sa matuai fiafia lava o ia i lena mea.

O lenei aafiaga faatauvaa na aoao mai ai ia te au se lesona lelei: e maua moni lava e tamaiti le Agaga

ma e i ai se alofa natura e faapei lava o Keriso. Sa ia Uilifoti se mea na lei manaomia ma sa ia iloa o le a fesoasoani tele i isi tagata. Sa nau-nau o ia e ositaulaga.

O le teuina o tupe e lelei. Ae sa aoao mai e lo'u atalii talavou ia te au se isi lesona e ala i lana faataitiga. E ala i le faalogo atu i le Agaga, e mafai ai ona tatou faamanuainaina olaga o isi pe a tatou faasoa atu mea ua tatou maua. ■

O Loo Aoao Mai le Tusi a Mamona e uiga ia Iesu Keriso


Ao e faitauina le Tusi a Mamona, o le a e alu i le tele o mea fou. O le a e malaga ai i le vao ma le aiga o Liae ma Sarai ma matamata ia Nifae o fau se vaa. O le a e feiloai ai foi i le tele o perofeta—e pei o Liae, Nifae, Apinati, Samuelu, ma Mamona. O loo aoao mai e perofeta uma i le Tusi a Mamona e uiga ia Iesu. O nisi o i latou sa vaai ia te Ia. O le mea moni, o le mafuaaga lena sa tuuina mai ai e le Tama Faalelagi ia lenei tusi faapitoa—e fesoasoani i tagata i soo se mea e aoao atili ai e uiga ia Iesu! ■



FAI SE FUAFUAGA!

Fai se fuafuaga e faitau le Tusi a Mamona i le tausaga lenei. Sue le kata o le toa o le Tusi a Mamona o le masina lenei lu'i o le faitauga o loo i itulau 74–75.

Matamata i le "Mataupu 1: Pe Na Faapefea Ona Tatou Maua le Tusi a Mamona" i le scripturestories.lds.org. Kiliki i le "O Le Tusi a Mamona."




Liae

Ia auauai e faitau fuaiupu nei. Tusi le numera o le mau e fetaui ma perofeta taitasi o le Tusi a Mamona. Siaki au tali i lalo.




Moronae




Apinati

1. Eteru 12:39, 41
2. 1 Nifae 1:5, 9
3. 1 Nifae 11:26–27
4. Mosaea 16:8–9
5. Alema 6:8
6. Moronae 9:22



Nifae



Alema



Mamona

TUSI E UIGA I AI!

Na faapefea ona faaalia e lesu Keriso Lona
alofa mo i tatou i le Tusi a Mamona?

Tali: 1. Moronae; 2. Liae; 3. Nifae; 4. Apinati; 5. Alema; 6. Mamona


Sa USIUSITAI Nifae

Sa tatau ia Nifae ona faia le tele o mea faigata ma le taufaafefe. Sa tatau ona ia tuua lona fale, ma aumai papatusi apamemea mai se tagata amioleaga, ma fesoasoani i lona aiga ia ola i le vao. Ae sa ia faatuatuaina le Atua ma maua le lototele e usitai ai. E mafai faapeflea ona e mulimuli i le faataitaiga a Nifae i le masina lenei?



Na ma amataina ma lo'u tina ona faitauina le Tusi a Mamona. A o ma faitau e uiga ia Nifae, sa ou matauina e usitai lava Nifae e le aunoa, ma sa faamanuiaina o ia ona o lena mea. Ou te lagona o le auala sa'o lea, ma ou te manao ia faapei o Nifae. O le taimi nei la pe a fai mai lo'u tina, "Aumai i fafo le apa lapisi," ou te fai atu, "Ua lelei, Tina!"

Heidi M., 10 tausaga, Yeongnam, Korea i Saute



Ellie B., 8 tausaga, Iuta, ISA

Oti, gagau, ma tausia lenei kata o le lu'i!



NIFAE



E Mafai Ona Ou Usiusitai!

- Tauloto le 1 Nifae 3:7.
- A faatonu oe e ou matua e faia se mea, ia e usiusitai e faapei Nifae!
- Matamata ia vitio o le mataupu e 2–9 o le Tusi a Mamona i le scripturestories.lds.org.
- Ua ou luiina au lava ina ia . . .

O Mau o le Masina Lenei:

A uma ona e faitau se fuaitau o mau, valivali ia vaega ua faafuainumera fetaui i le Liahona!

- 1** 1 Nifae 1:1–10
- 2** 1 Nifae 2:1–7, 16–20
- 3** 1 Nifae 3:1–9
- 4** 1 Nifae 3:22–31, 4:1
- 5** 1 Nifae 4:4–35
- 6** 1 Nifae 8:2, 5–18
- 7** 1 Nifae 8:19–33
- 8** 1 Nifae 16:9–16




O Le Liahona

Ina ua malaga le aiga o Nifae i le vao, sa tuuina atu e le Alii ia i latou se tapasa faapitoa e ta'ua o le Liahona. Ina ua latou faamoni, na ta'u atu e le Liahona ia i latou le mea e agai i ai e oo lava i le mea e maua ai meaai! Faitau atili e uiga i le Liahona o loo i itulau e 76–78. Ma vaavaai mo se tasi lu'i o le faitauga i le lomiga e sosoo ai! ■


O Se Malaga ile Vao




Sa nonofo Nifae ma lona aiga i Ierusalem. O lona tama o Liae, o se perofeta. O lona tina o Sarai. Ona uso o Lamana, Lemuel, ma Sama.



Sa tatalo le tama o Nifae. Sa ta'u atu e le Tama Faalelagi e manaomia ona tuua e lona aiga le aai ina ia mafai ona latou saogalemu. Sa faigata ona tuua lo latou fale. Ae sa usitai le aiga o Nifae.



Sa o le aiga o Nifae i le vao. Ona fetalai atu lea o le Tama Faalelagi e manaomia ona toe foi atu Nifae ma ona uso i le aai e aumai tusitusiga paia. Sa faigata ona fai. Ae o Nifae o se faataitaiga lelei ina ua mumusu ona uso e usitai. Sa ia fai atu na te faia le mea na poloai mai ai le Tama Faalelagi.




Sa tuuina mai e le Tama Faalelagi i le aiga o Nifae se tapasa faapitoa. Sa ta'ua o le Liahona. Ina ua usitai le aiga o Nifae i le Tama Faalelagi, na faaali atu ia i latou le ala e malaga ai i le vao. Sa faaali atu ai foi ia Nifae le mea e alu i ai e maua mai ai meaai mo lona aiga.



E mafai ona avea i tatou e pei o Nifae pe a tatou usiusitai
i poloaiga ma mulimuli i le Tama Faalelagi! ■

E Mafai Ona Ou Filifilia le Mea Sa'o





**Saunia e Elder
James E. Talmage
(1862–1933)**


O Le Korama
a Aposetolo e
Toasefululua

O LE FAATAOTO I LE LULU O LE PO

*Sa ou mafaufau loloto i upu a le inisinia
ua palapala, ma ua suauua.*

I le taimi a o ou aoga i le kolisi, o au o se tasi o se vasega o tamaiti aoga na tofi e faia saililiga i tua, o se vaega o le matou kosi i le teolosi. . . .

E tele aso sa matou i ai i tua i laufanua ona o se galuega patino. . . . Ina ua lata ina uma le taimi na fufua mo la matou suesuega, sa matou fetaiai ma se afa matautia, ma sa sosoo mai ai ma le mamafa o le kiona—ae le o se taimi e tatau ai ona toulu, ma e faafuseai foi, ae a matua faateteleina o le a matou punitia i atumauga ma pagatia ai. Na matua faatetele le afa ina ua matou faaifoifo ane i se tafamauga tifato, e mamao ese mai se auala itiiti o nofoaafi lea sa matou faamoemoe e pue ai [se] nofoaafi i lena po e foi atu ai i le fale. Ona o se taumafaiga tele sa matou taunuui ai i le mea e pue ai le nofoaafi aua ua tuneva le po a o agi malosi pe a matagi. . . .



. . . O le nofoaafi sa matou faatalitali ma faamoemoe i ai o le Lulu o le Po—o se nofoaafi saoasaoa i le va o taulaga tetele. . . .

Ua leva ona te'a le vaeluaga o le po ae taunuui mai loa le nofoaafi i le taavilivili o le savili ma le kiona. Sa ou faifai lemu atu i tua o a'u uo a o faataalise atu i luga, ona sa tosina la'u vaai i le inisinia, i lenei malologa puupuu, a o utu e lona fesoasoani le vai, sa pisi solo o ia e vaai le afi, ma faasuauu totoga o le nofoaafi, fetuunai nisi, ma auiliili le siakiina o le afi. Sa ou taumafai e talanoa atu ia te ia, e ui lava ina pisi. Sa ou fesili pe o le a sona lagona i sea ituaiga o po—matautia, uiga ese, ma le mata-mataita, ina ua foliga mai ua talaia mana o le faatafunaga i le ala ma ua le mataofiofia, ina ua agi malosi le afa ma taufai taufaamatau mai itu uma. . . .

O lana tali o se lesona e le mafai ona galo. Fa mai a ia, e ui lava ina motumotu mai ana fuaiupu: “Vaai i le moli la e i luga o le afi. Faamata e le malamalamai le auala i le mamao e selau iata [90 m] pe sili atu foi? Pau lava le mea ou te taumafai e fai o lo'u alu ia maua le selau iata lena o le auala e malamalamai. O le mamao lena e mafai ona ou vaia ma o loo avanoa ma saogalemu lena ogaala. . . . E mua lava le moli o le masini ia te au!”

Ina ua oso o ia i lona nofoa i le nofoaafi, sa ou faatopetope atu i le vaega pito i luma e nonofo ai le pasese; ma a o ou faapalasi ifo i le nofoa faamalu, ma le fiafia i le mafanafana ma le manaia, ma le iloa lelei o le eseesege o le po matautia i le togavao, sa ou manatunatu loloto i upu a le enisinia toeaina palapala. O ana upu sa tumu i le faatuatua—o le faatuatua e mafai ai mea sili, o le faatuatua e maua ai le lototoa ma le loto tauivi. . . .

Atonu tatou te le iloa pe o a mea o faatalitali mai o i luma, po o ao ma itula o loo sosoo atu nei. Peitai, o ni nai iata, pe atonu foi o ni nai futu itiiti, o loo manino lava le auala e faigofie foi lo tatou tiute, ua malamalamai foi le mea tatou te agai i ai. Mo lena va puupuu, mo le isi laasaga, e faamalamalamai e musumusuga mai le Atua, ia agai atu pea! ■

Mai le “Faataoto e Tolu—Le Pi Faavalevalea, Lulu o le Po, ma Lamepa e Lua,” Liahona, Feb. 2003, 36–41.

MALAMALAMAAGA



NA TOE FAAPAIANA TALU AI NEI LE MALUMALU O IUTA

E faapefea ona avea i tatou o ni tagata e auai i le malumalu?

"la avea i tatou ma tagata-auai i le malumalu. Ulu soo atu i le malumalu e tusa ma avanoa e te maua. la tautau se ata o le malumalu i lo outou fale ina ia mafai ona vaai i ai a outou fanau. A'oa'o atu i latou i faamoemoega o le maota o le Alii. la latou vave fuafua mai i lo latou laiti e ulu atu i ai ma ia tumau le agavaa mo lena faamanuiaga."

Peresitene Howard W. Hunter, "O Mea Silisili Ese Lava ma le Aoga," *Liahona*, Jan. 1995, 7.

E I Ai Foi i le Lomiga Lenei

MO TALAVOU MATUTUA

O Mea Moni
o le Olaga Faletino
ua Faalia

E mafai ona tatou ola i ni olaga anoa ma le tumu i faamoemoega e ala i le taliaina o mea moni e tolu o le olaga faaletino na aoao atu e le Alii ia Atamu ma Eva



i.44

MO LE AUTALAVOU

i.50




Autu o le Mutuale 2016

Ua faamalamalama mai e le au peresitene aoao o Alii Talavou ma Tamaitai Talavou lenei autu o le tausaga ma le uiga o le "fetaomi atu i luma ma le faamaoni ia Keriso" (2 Nifae 31: 20).

MO TAMAITI

**O Loo Aoao Mai le Tusi
a Mamona e uiga ia
Iesu Keriso**

A o fatauina le Tusi a Mamona i le tausaga lenei, o le a e aoao ai e uiga i le tele o perofeta o e sa mananao uma i le mea e tasi — e aoao atu e uiga ia lesu Keriso!



i.72

O LE EKALESIA A
IESU KERISO
O LE AU PAIA O ASO
E GATA AI